

H-A  
2  
6

INSTITUTIONES  
METAPHYSICÆ

I N

USUM TIRONUM SCRIPTÆ ;  
A U C T O R E

ANTONIO GENUENSI

In Regiâ Neapolitanâ Studiorum Aca-  
demiâ Ethicæ Doctore.

C U R A N T E

BENEDICTO JOSEPHO DE SOUSA  
F A R I N H A ,

Público Philosophiae Professore.



O L I S I P O N E :

---

TYPIS SIMONIS THADDÆI FERREIRA,

A N N O M. DCC. LXXXVII.

Permitente Supremâ Curia Palatina,

# LIBER ET LIBERTATIS CATHERINAE

USUA TRIONUM SCRIPTA  
AD TOTÆ

ANTONI Q. GENOVESE

In Regia Neapolitana Studiorum Accr.  
Genuis Epitome Dogmata

CARAVAGGIO

BENEDICTO IOSSEPHO DE SOUSA

LAURENTIA

PAPAE POMPEII FESTA



OLOISIPONE:

---

THESSALONICAE THABDAE HERMELIA

ANNO M. DC. XXXXVIII.

Festimurque quicunque Christi festis

# INSTITUTIONES META PHYSICÆ.

## PROLEGOMENA.

§. I. **M**etaphysica est ea Disciplina, qua traduntur notiones, causæ, & rationes maxime genericæ rerum æternarum, factarum, & possibilium. Dicta est Metaphysica quasi Scientia Physicis disciplinis sublimior. Nempe in hoc a Physica distat Metaphysica, quod illa proximas rerum naturalium causas, hæc remotas, & maxime genericas investiget. Illa exteriorem, & oculis subiectum, hæc interiorem, & intelligibilem rerum ordinem perscrutetur. Tandem illa rerum corporarum corporeas causas expedire conetur; hæc vero incorporeas, præcipue activas. Quare Metaphysicus dicitur, qui res singulares ad suas genericas notiones apte, exprompteque referre scit. 2. qui primas, & genericas rerum causas animo comprehensas habet. 3. qui tandem de Homine Deo & aliis substantiis intelligentibus ex naturalibus notionibus doce, & acute differere novit.

§. II. Ex quo patet vere docuisse Scholasticos esse hanc Scientiam & Sapientiam universalem, eiques ceteras quasi famulari, suaque principia ab illa mutuari. Quod cum in omnibus Scientiis verum

tum experimur, tum verissimum in Juris naturæ, Theologiæ, & Ethicæ studiis, in quibus nemo unquam proficiet, qui ad ea non accesserit animo Metaphysicis excuto, id est *universalis*, & *perspicaci*.

§. III. Quibus ex rebus consequitur, utilissimam esse Metaphysicam; quandoquidem ea plurimum ad hominum felicitatem conferre potest, si rite, & recte excolatur. Enimvero si studiorum humanorum scopus est hominum beatitudo, ea que posita est in perfecta voluptate, & perfecta voluptas ex perfecto bono manat; optimum vero bonum moribus rite conformatis obtinetur; moresque rite conformant Ethica, & Theologia; his vero Metaphysica substermitur (ex §. II.): hominum virtute, societati, & Religioni, utilissima est Metaphysica. Accedit utilitas maxima, quam affert in mentis culturam, capacitatem potissimum, & rationcinandi, atque ad sua generica principia revocandi facultatem exercendam, & augendam. Scilicet quando constat nihil esse in homine præclarius *ratione*; quis ambiget, eam esse Scientiarum omnium præcellentissimam, qua *ratio universalis* in animo informetur? quippe sine qua nulla constat Disciplina.

§. IV. Sed & jucundissima est hæc Scientia: nec enim parva est voluptas perquirendi & contemplandi interiora mundi, seu potius intelligibilem, & verum mundum, & ex invisibilibus causis, ordineqne invisibili pulcherrime construclum, ad quem non pertingit populus, qui phænomena

## PROLEGOMENA.

na tantum mundana admiratur, nec esse putat, nisi quod oculis contuetur. Primarum enim substantiarum totius rerum universitatis ex quibus mundus hic adspectabilis emergit, earum vires, series, ordo, fines, pulchritudo, tum earum actio, & primae causæ, aut nulli, aut soli huic nostro Philosopho patere possunt.

§. V. Sed opponunt; Metaphysicos ferme omnes in fanatismum proruisse, absurdorum systematum fuisse autores, aut paulo libiores, quam per divinam Religionem licet, in philosophando. Respondemus, infinitos fuisse, eosque meliores Metaphysicos, qui moribus integris, ratione rectâ, magnâ, atque sincerâ pietate excelluerunt, veluti inter veteres Patres, praeter Græcos plures, S. Augustinus, inter recentiores Sancti Anselmus, & Thomas. Quin in ipso Gentilismo Platonici, & Stoici, qui subtilissimi Metaphysici fuerunt, iidem fuerunt ex omnibus Philosophis minus profani. Nec vero quidquam obest, quod quidam aut fanatici, aut paullo libiores fuerunt in philosophando; non enim ea sunt Philosophiae virtus, sed hominum: ut non idcirco, quod Theologus, aut Medicus aliquando arte suâ abutatur, Theologia, aut Medicina velut perniciofa extirminanda est. Est hoc sophisma *non causæ pro causa*.

§. VI. De methodo ad hanc Scientiam pervenienti contendunt Philosophi. Cum Metaphysica sit Scientia universalis, & circa universalia & abstracta, Platonici a natura Dei incipiendum pu-

tarunt, quod in Deo sint rationes universales rerum omnium. Esset hæc methodus præclara, si nobis licet universales hujusmodi rationes, quæ sunt in Deo, directe comprehendere: sed quando id mortalibus non est concessum, est methodus Platonica plane inutilis. Scio Platonicos in eâ fuisse opinionem, universales illas Dei rationes & ideas mentibus humanis participari. Sed ne quid aliud dicam, est hæc doctrina valde incerta, & obscura.

§. VII. Quoniam ergo homines non nascuntur rationibus & ideis universalibus prædicti, nulla alia superest via; qua ad Scientiam universalem pervenire possimus, nisi analytica, quæ a rebus singulatibus paulatim ad universales rationes nos perducit. Atque hæc methodo Philosophi omnes ad Scientiam universalem evaserunt, quemadmodum constat ex eorum historiâ. Eâ methodo Elementa Metaphysicæ confecimus, hasque Institutiones conficiemus.

§. VIII. Tres autem in partes Elementa divisimus: eandem rationem in his Institutionibus sectamur. Primâ parte principia Ontosophiæ, & Cosmosophiæ maxime generalia, id est Metaphysicam generalem, sumus complexi: alterâ Psychosophiam, id est tractationem de mente, & naturâ humanâ: tertiâ Theosophiam, id est Scientiam Dei, divinarumque rerum. Ita autem hæc trademus, ut meminerimus perpetuò veteris illius effati: *Philosophandum, sed paucis.* Nam utcumque hæc studia, & per pulchra sint, ac jucunda,

& rationi perficiendæ utilissima , illa demum nos totos occupare debent , quæ vitæ humanæ , cum privatæ , tum publicæ , felicitatem proprius spectant . Quare hæc , de quibus agimus , degustanda tantum sunt , ut iis ratio ac mens universalis formetur , non etiam pleno pectore haurienda , atque in iis consenescendum . Præterea eorum ea tantum sumenda , quæ rebus nostris propiora sunt , atque habere in vita quam privata , tum civili , usum aliquem possunt , ne veluti ex hominum confortio freges , non huic nostro mundo , sed alteri , & intelligibili nati esse videamur .

Porro methodus , qua in his Elementis usi sumus , atque hic utemur , mathematica est : primum enim vocabulorum , & rerum definitiones proponemus , ne vocum ambiguitate , aut rerum obscuritate laboremus : deinde ex iis præcipuas Propositiones derivabimus .

EL OEGO Y EL  
 son realmente más de lo que se dice en el libro. La otra parte del libro es una descripción de la vida de los padres y de sus hijos, así como de las personas que les rodean. La descripción es muy detallada y precisa, y muestra la vida cotidiana de la familia y sus amigos. El libro es un trabajo de investigación histórica y literaria, y es una obra muy interesante.

P A R S P R I O R  
COMPLECTENS PRINCIPIA  
O N T O S O P H I A E,  
E T  
C O S M O S O P H I A E.

O ntosophiam vocamus Scientiam maxime universalem circa ens , ejusque proprietates genericas , seu circa genericas rerum notiones , quibus singulares comprehenduntur , oculis patam.

Qua ex re pater Ontosophiâ Metaphysicam generalem comprehendendi.

Cosmosophiam vero dicimus Scientiam , qua principia , originem , & ordinem hujus universi tradit.

Cùm pleræque cognitiones Cosmographicæ conjunctæ sint & copulatæ cum Ontosophicis ; inde factum est , ut in hac primâ Elementorum nostrorum parte utriusque principia generalia conjunximus.

# DEFINITIONES

C O M P L E C T I O N E S P R I N C I P I A

## C A P U T I.

Explicantur notiones vocabulorum, Rei, Entis,  
Nibili, Possibilis, Necessarii, Contingentis.

**D e f i n i t i o I.** **R**es nobis dicitur quodcumque existit, est, futurum, aut possibile est, seu substantia id sit, seu modus. Itaque nullum est aliud vocabulum, cui in his Elementis amplior rem notionem adscribamus. Omnia igitur idearum nostrarum universalissima erit idea Rei.

**D e f i n i t i o II.** Entis nomine intelligimus quodcumque existit, seu substantia sit, seu substantiae proprietas, aut qualitas quaecumque: itaque ejus Idea minus est generica, quam idea rei. Animadventum autem est hoc in loco, in libris Philosophorum Platonicorum sepe Ens dici, quod aeternum est, & immutabile. Hinc factum est, ut non raro scripserint, corpora non esse Entia, sed est, nec aeterna, nec immutabilia: nam Platonis Deus tantum, & Idee sunt omnia, seu Entia.

**D e f i n i t i o III.** Vocabulum Nihil duas exprimit notiones, unam entis, alteram privationis rei aliquuj in ente illo. Scilicet vocabulum Nihil negativum est: vocabula autem negativa absentiam positivorum significant, cujusmodi sunt insipidum,

silentium, tenebrae: primum enim significat absentiam saporis: alterum absentiam soni: tertium absentiam luminis: quo officio fungi nequeunt, nisi duæ illæ notiones conjunctæ sint.

*Definitio IV.* Possibile voco id, quod nec est, nec certum est, utrum erit, sed tamen non repugnat esse, veluti habitatores in aliis Planetis. Pleniusque vocabulum *possibile* generatim accipitur pro omni eo, quod non repugnat existere, sineulla relatione ad ullum tempus, vel locum, quo usu & existentia quoque comprehendit; ut quum dicitur, in Deo esse rationem sufficientem omnium possibilium.

*Definitio V.* Ea non repugnare dicimus, quæ conjuncta simul esse possunt; ut ex datis tribus lineis rectis, quarum duæ quomodocumque sumptæ majores sint tertia, triangulum confici non repugnat.

*Definitio VI.* Repugnare vero dicimus, quæ simul esse non possunt, ut circulus quadratus: idem simul esse & non esse.

*Definitio VII.* Futurum voco id, quod non solum est possibile, verum etiam certum est existutum; veluti cras oriturum Solem, omnes morituros aliquando. Possibilia, cum determinantur ad aliquando existendum, futura sunt.

*Scholium.* Sunt qui *futura* ad duo genera referunt, ut alia sint *absoluta*, alia *conditionata*. Illa sunt, quæ præcisè *futura* sunt; hæc vero, quæ sunt *futura*, si conditiones quedam ponantur. Ex. gr. *futurum absolutum* est, ut homines aliquan-

A ii do

do moriantur, *conditionationem* vero, pulverem pyro-  
tum arsurum, si ei ignis admoveatur. Præterea  
futura absoluta item ad duo genera conserunt,  
ut alia sint *necessaria*, quemadmodum hominem  
ali quando moritum; *alia libera*, velut homi-  
nem quidquam facturum, aut non. Animadver-  
tendum autem est, futura conditionata & libera  
in mentibus nostris incerta esse, quia ignoramus,  
utrum conditiones, a quibus pendent, & unde  
agentia libera sese determinatura sunt, ponendæ  
unquam sint, necne; sed in mente divinâ esse  
certa, & determinata, quia Deo conditiones illæ,  
a quibus hujusmodi futura pendent, exploratæ  
sunt, & certæ. Atque hunc in modum responderi  
potest celeberrimæ olim in Græcis, & Latinis  
Scholis quæstioni: *Utrum de futuris contingentia-  
bus detur determinata veritas.* Nam id solum ne-  
gare possunt Epicurei, qui rerum præscientiam &  
providentiam negant.

*Definitio VIII.* Possibilium quoque duo statuuntur genera, *intrinseca* scilicet, & *extrinseca*. Ad prius genus referuntur ea, quorum essentialia si-  
mul esse possunt, ut Animal vi ratiocinandi prædi-  
tum, figura Chiliogona, seu mille laterum, &c.  
Ad posterius vero ea, quæ non tantum intrinsecus  
possibilia sunt, sed etiam extrinsecus, id est,  
quorum efficiendorum ratio sufficiens in causa ali-  
quâ existit. Atque hoc sensu, ut nihil est intrin-  
secus possibile, quod non sit etiam extrinsecus  
respectu Divinæ Omnipotentiæ, ita multa sunt in-  
trinsecus possibilia, quæ respectu ad potentias na-  
turæ finitas impossibilia sunt.

De-

# P A R S I . C A P . I .

5

*Definitio IX.* *Impossibile absolutum & intrinsecum* est id, quod existere pugnat, seu id, cuius essentialia juncta simul esse nequeunt, ut Circulus quadratus.

*Definitio X.* *Impossibilia moralia* dicuntur ea, quae licet intrinsecus possibilia sunt, nunquam tamen contingent, ob potentissimam rationem, quae illis obstat. Ex. gr. damnare Innocentem, intrinsecus possibile est: sed est impossibile *moralē* respectu Dei, quia nihil operatur adversus justitiam, & sanctitatem. Dicimus etiam impossibilia moralia, quae aut nunquam, aut raro inter homines eveniunt, ob repugnantiam cum sana ratione, ut a filio probo patrem carissimum occidi.

*Definitio XI.* *Necessarium existentiæ* vocamus quod existentiæ suæ causas non habet, cuiusmodi est solum Ens æternum. *Necessarium existentiæ* dicitur in Scholis existere *necessitate naturæ* sue, id est, ita existere, ut repugnet non existere.

*Definitio XII.* *Necessarium essentiæ* est, quod essentiam habet immutabilem. Huic enti *contingens* opponitur.

*Definitio XIII.* *Necessarium ad existentiam* dicitur id, sine quo aliud existere nequit. Ita causa est ens necessarium ad existentiam sui effectus.

*Definitio XIV.* *Necessarium ad essentiam* est id, sine quo essentia rei concipi nequit. Ita Soliditas dicitur necessaria ad essentiam corporis; Äquidistantia circumferentiarum a centro ad essentiam circuli. Quæ sunt talia, vocantur in Scholis *essentiales*.

De-

## 6 INSTIT. METAPH.

*Definitio XV.* A necessariò , & intrinsece pendet a B , si B sit necessarium ad essentiam ipsius A. Ita tringulum necessariò , & intrinsece pendet a tribus lateribus.

*Definitio XVI* A extrinsece pendet a B , si B sit tantùm necessarium ad existentiam ipsius A , non etiam ad essentiam. Ita Triangulum extrinsece pendet a Geometra.

*Definitio XVII* Ens contingens est quodcumque non existit necessitate naturæ suæ . quodque proinde non pugnat non esse. Talia sunt omnia entia creata quorum nullum est , quod ita existat , ut pugnet non esse. Sed & contingentia dicuntur aliquando , quæ libere fiunt.

## C A P U T II.

*Explicitur notiones Relationis , Subjecti , Adjuncti , Substantiae , Attributi , Modi.*

*Def. XVIII.* **R**elatio est qualiscumque ordo unius rei ad aliam , seu qualiscumque nexus unius rei cum alia , quo fit , ut una posita , altera ponatur necesse sit. Est autem Relatio triplex : *Realis* , *Moralis* , & *Intellectuallis*. Illa in ipsâ rerum naturâ est : altera opinione hominum constat : tertia cogitatione constituitur. Relatio partium oculi cum fine suo , id est , visione , naturâ ipsâ constat. Relatio inter virum & uxorem , Subditum & Principem , hominum factio , & legibus constituta est. Relatio inter principi-

cipiā, prēcaria, aliquiūs systematis & inde deductā consequentia, ratione nicitur.

*Def. XIX.* In Relationibus distinguimus eārum subjecta & rationem. Subjecta relationum sunt illa, inter quae nexus est, & relatio: nexus vero ipse dicitur ratio relationis.

*Def. XX.* Subjectum generice est id, cui aliiquid adhætere, vel inhaerere percipitur. Adjunctum vero, quod subiecto adhæret, vel inhaeret. Tela ex. gr. dicitur subjectum picturæ: pictura adjunctum telæ: Animus subjectum virtutis: virtus adjunctum animi. Itaque relativæ sunt ideas adjuncti, & subjecti: altera enim ad alteram referuntur.

*Def. XXI.* Substantia est primum subjectum ejus, quod est, aut sit, quod ita existit, ut in seipso a nullo communi, & anteriori subjectio, sed a suis tantum essentialibus pendeat, ac semel positum, per se esse, & conservari possit.

*Sch.* Vocabulum substantia non uno modo, nec cum eadem notione sumitur apud omnes. Nam Grammatici eo intelligunt quidquid alteri substitutum est. Medici saepe eo vocabulo corporis animalis vires designant. Physici corporum genera: ita Aurum, Argentum, Aqua, Ignis, Plantæ, Animantes sunt substantiæ diversæ. Economi, & Politici hoc vocabulo appellant divitias: vocant enim eas substantias Domus, Reip. Nos metaphysicè hoc vocabulum accipimus. Quamquam quidam sunt Metaphysici, qui essentiam rei per se subsistentis substantiam quandoque vocant. Ita igitur

tur substantiae notio per oppositionem ad *accidentia*, & proprietates videtur communiter accipi, quum pro subjecto per se subsistente accipitur: sed sine eo respectu, quum pro essentia in se & per se subsistente exhibeatur.

*Def. XXII.* *Accidens* est adjunctum substantiae, sine quo substantia esse potest, licet id nunciam esse possit sine substantia. *Accidens* itaque substantiae aut essentiam, aut existentiam limitat. Quare aut est *qualitas* aut *modus*: qualitas enim essentiam rei facit, modus existentiam limitat. Ita Cera substantia est: Figura modus: Mollitudo, aut durities qualitas. Sed saepe confunduntur.

*Definitio XXIII.* *Essentialia* entis vocamus ea, ex quibus primum entis essentia componi intelligitur. Ita Extensio, Soliditas, Divisibilitas, &c. sunt essentialia corporis. Tria Trianguli latera sunt essentialia Trianguli.

*Definitio XIV.* *Attributum* est id, quod licet non sit prium in essentia, in quo ab Essentiali discernitur, necessariò tamen, & intrinsecus provenit ab essentia, estque cum illa ita connexum, ut positâ essentiâ, illud ponatur, necesse sit. Ita in triangulo tria latera sunt essentialia: tres anguli æquales duobus rectis sunt attributum, quod, positâ essentiâ Trianguli, necessariò sequitur.

*Definitio XXV.* Dividunt Philosophi proprietatum vocabula in *affirmativa*, & *negativa*. Illa explicant, quid res sit, ut Extensio in corpore, Intellectus in anima: hæc vero quid non sit, ut in eodem corpore Impenetrabilitas, in animo Im-

mortalitas. In investigandis rerum essentiis utrumque hoc perquirendum est, quid scilicet res sit, quid non sit,

*Definitio XXVI.* Substantiae aliæ sunt brutæ, aliæ intelligentes. Illæ sunt, quæ ratione destinuntur, ut Elementa corporum; hæ, quæ intelligentiâ sunt præditæ, ut Mentes.

*Definitio XXVII.* Sed & sunt quædam ideae abstractæ proprietatum, vel modificationum substantiarum realium, quæ instar substantiarum concipiuntur atque habentur, quia capaces aliarum proprietatum, & aliarum modificationum. Ita idea Circuli, Quadrati, &c. in Geometria: Potentiarum, Scientiarum, Motus in Metaphysica: Actionum in Morali, &c. dici possunt *substantiac abstractionum*.

### C A P U T III.

#### *De Essentiâ, & Naturâ.*

*Def. XXVIII.* **E**ssencia est forma rei intrinseca, qua res talis potius est, quam talis, eaque posita est in indivisibili essentialium, & attributorum unione. Unionem vero essentialium, & attributorum hoc tantum sensu vocamus indivisibilem, ut nequeat eorum ullum auferri, quin Essentia mutetur. Ita Ex. gr. in unione omnium essentialium Corporis posita est essentia Corporis: in unione omnium essentialium Trianguli posita est essentia Trianguli.

*Scb.* Metaphysici solent in rebus primum quodam

đam esse<sup>t</sup>iale , & præcipuum concipere , atque  
in eo ejus rei esse<sup>t</sup>iam ponere. Hæc dici potest  
esse<sup>t</sup>ia Metaphysica. Essentia porro pertinet tam ad  
substantias , quam ad proprietates , & modos. Nam  
ita dicimus esse<sup>t</sup>ia Corporis , esse<sup>t</sup>ia Menti , ut  
esse<sup>t</sup>ia Circuli , Quadrati , Virtutis , Vtii. Sed post-  
quam singularia ad genericas notiones relata sunt ,  
tum in una , eademque re plures esse<sup>t</sup>ias Metaphy-  
sici considerant , ut in Planta esse<sup>t</sup>iam corporis , es-  
sentiam plantæ , esse<sup>t</sup>iam pyri esse<sup>t</sup>iam hujus pyri.

*Def. XXIX.* Essentiæ vel *reales* sunt . vel *no-  
tionales*. Illæ sunt , quibus res sunt tales : hæ  
vero sunt notiones rerum vocabulis quibusdam  
expressæ. Cum notiones nostræ , præsertim sub-  
stantiarum , nunquam sint adæquatae ; inde intel-  
ligitur , quantopere essentiæ substantiarum notio-  
nales sunt diversæ a realibus. Quocircà frenanda  
est temeritas , qua ex essentiis notionalibus de  
realibus audacter judicamus.

*Def. XXX.* Præterea essentiæ rerum vel *fa-  
ctæ* sunt , vel *æternæ* , & *intelligibiles*. Illæ sunt  
id , quo res creatæ sunt id , quod sunt : hæ ve-  
ro sunt æternæ Dei ideæ , quibus res vel exis-  
tentes , vel futuræ , vel præteritæ , vel possibles  
expressæ continentur. Illæ mutabiles sunt , hæ  
immutabiles.

*Def. XXXI.* Vis est facultas agendi. Est au-  
tem vis vel *viva* , vel *morta*a. Illa cum actione  
conjuncta est , veluti vis Hammæ , quæ sese agi-  
tat : hæc in conatu posita est , ex quo actio qui-  
dem nascitur , sed ob resistentiam statim perimi-  
tur ,

tur, veluti vis penduli immobiliter gravantis, vis vitalis seminum quiescentium.

*Def. XXXII.* *Actio* si spectetur veluti a causa manans, *actio* quidem appellatur: si vero consideratur in subjecto, in quo ab externâ causa producitur, *passio* dicitur. Ex. gr. cum moveo lapidem, motus respectu mei *actio* est, respectu lapidis *passio*. Hinc vero nascitur divisio potentiarum in *activam*, & *passivam*, quarum illa agit, hæc vero excipit.

*Def. XXXIII.* Vocamus *Naturam* vires, seu principium activum entium, dum de rebus Physicis loquimur. Ita natura Plantæ hoc sensu est vis activa plantæ: natura Ignis vis activa ignis.

*Def. XXXIV.* Dum vero loquimur de moralibus, naturam dicimus, aut normam actionum humanarum naturalem, aut naturales hominum propensiones. Ita dicimus homicidium naturæ adversari.

*Sch.* Plerumque, dum minus accurate loquimur, naturam cum essentia miscemus, ut cum dicimus naturam Circuli, pro essentia Circuli. Sed &c non raro *naturam rerum* pro tota rerum universitate accipimus. Philosophi, qui tot principia activa in rebus posuere, quod individua, ea appellant Naturas, ut olim Epicurei, nunc Leibnitiani. Alii vero cum unum in tota rerum universitate principium activum posuissent, id Naturam dixerunt: aut virtutem genitricem, ut Platonici: aut Fatum, ut Stoici.

*Def. XXXV.* *Leges naturæ* vocant Physici normas,

mas, quæ genericis propositionibus a nobis effe-  
runtur, secundum quas normas motiones in hac  
terum universitate provenire ejus auctor Deus sta-  
tuit, quibusque universi ordo continetur. Ex. gr.  
*Corpus unumquodlibet perseverat in statu suo quies-  
cendi vel movendi uniformiter in directum, nisi  
a causa externa statim suum mutare cogatur: Cor-  
pora aqua specie leviora in eam natant: In cor-  
poribus elasticis resilientibus angulus reflexionis est  
equalis angulo incidentia, &c.* Has mechanicas  
dicimus, quia corpora regunt. Huiusmodi le-  
ges sedulò tantum naturæ studiò perdiscere pos-  
sumus.

*Def. XXXVI. Leges naturæ vocant Ethici nor-  
mas, quas item genericis propositionibus effe-  
rimus, secundum quas actiones suas liberas ut ho-  
mines conformemt Deus per lumen rationis do-  
cet, atque præcipit. Ex. gr. Neminem laede: ius  
suum cuique integrum esse finito: honeste vive.  
Morales dicuntur, quia causas rationales mode-  
rantur.*

*Scholium.* Philosophi Romani legis naturæ no-  
mine videntur accepisse vires naturæ animalis me-  
chanicas, seu eas naturales Propensiones, quæ  
sunt omnibus animantibus communes. Hinc legem  
naturæ definiverunt, quam *Natura omnia ani-  
mantia docet*, qualis est Maris & Fœminæ con-  
junctio. Prolis educatio, & tutela. Idem præter  
has leges toti animantium naturæ communes,  
alias esse docuerunt hominum proprias, quæ *jura  
gentium*, id est, hominum, vocabant: easque a-

ratione humanâ proficiuntur: Ut Deum colere; sibi esse amicum; ius suum cuique integrum esse sine re; quo nomine leges naturae morales comprehenduntur, quibus animantia bruta, quæ ratione destituuntur, non tanguntur.

## C A P U T IV.

## De Identitate &amp; Distinctione.

**D e f . X X X V I I .** *I*dem dicitur ens illud, in quo nihil immutatum est, et si locus, vel tempus mutata sint. *Identitas* vero ea notio, qua ens dicitur idem, loco licet, vel tempore mutato.

**D e f . X X X V I I I .** *Diversum* est, ens quod mutato loco, vel tempore, mutatum fuerit; & *diversitas* est notio abstracta, qua ens aliquod diversum dicitur.

**D e f . X X X I X .** *Identitas* est triplex, *Metaphysica*, *Physica*, *Moralis*. Illa habetur, quum nihil omnino immutatum est: altera quum essentia lia sunt eadem, et si accidentalia mutata: tertia, quum ordo vitæ moralis est idem tam in bonum, quam in malum. Hinc dicitur, virtutem perdurare moraliter eamdem: vel vitium idem moraliter, quum primæ voluntates non mutantur, et si intermittantur.

**S cholium.** *Identitas*, & *diversitas* dupliciter dici possunt, *Metaphysicè*, & *Populatiter*. *Metaphysicè* quidem ut ens idem dicatur, ne dum esse

essentialia, sed, ne unus quidem modus variet, necesse est. At Populariter si essentialia sint eadem, pericamo mutatis modis, idem ens dicitur. Itaque homo senex populariter quidem idem esse dicitur, atque fuit juvenis: sed Metaphysicè diuersus est. Est in rebus creatis *idem Metaphysicum?* non videtur. Sed è de re loco suo commodius.

*Def. XL.* Distinctio in Scholis quadruplices est, *Realis*, *Modalis*, *Formalis*, & *Rationalis*. *Realis* est inter ea, quæ suapte naturæ non sunt eadem, quæque separatim intelligi, & esse possunt, *qualis* est inter rem, & rem, seu substantiam, & substantiam. Ita *Anima*, & *corpus*, *corpus A*, & *corpus B*, re, aut, ut dicitur, realiter distinguuntur. *Modalis* autem distinctio ea est, qua modi, & qualitates a suis substantiis distinguuntur, ut figura a corpore, virtus ab animo.

*Def. XLI.* Distinctio *formalis*, quemadmodum Schotus ejus primus inventor definit, est, quæ intercedit inter *formalitates*, seu, *essentialia*, & attributa ejusdem substantiarum. Itaque ea distinctio minor est distinctione reali, major vero distinctione rationali. Ex. gr. *Corpus A*, & *Corpus B* realiter distinguuntur, quia sunt duæ substantiarum: attributa vero ejusdem corporis, ut *Extensio*, *Soliditas*, *Gravitas*, &c. quæ non sunt diversæ substantiarum, sed ejusdem substantiarum proprietates, dicuntur distingui formaliter.

*Def. XLII.* Distinctio *ratiōnis* est cum ea verum distincta percipimus, quæ re distincta non sunt,

funt, seu quām de eadem re distinctos conceptus nobis efformamus. Ex. gr. si dentur tres lineæ A B C ita sāe, ut A sit perpendicularis lineæ B, parallela vero lineæ C, in A ratio parallelæ, & ratio perpendicularis rationē tantum distinguentur, vel ut duo eiusdem rei conceptus.

*Def. XLIII.* Quæ distingui possunt, aut Res sunt, aut Vocabula, aut Ideæ, aut Actiones. Res distinguuntur realiter per suas essentias: Vocabula per sonos: Ideæ per distincta objecta, quæ referunt: Actiones vero, aut a causis distinctis, a quibus sunt, aut a distinctis, in quibus sunt, temporibus.

*Def. XLIV.* Contraria vocamus, quæ simul juncta sese mutuo destruant, ut simul esse nequeant, ut existere & non existere in eodem ente; rotunditas & quadratura in eadem figurâ. Scholastici dicere solent rem aliquam involvere contradictionem, aut esse contradictionem, cum ut existat, ex contrariis constare debet, qualis esset Circulus quadratus, idem simul esse, & non esse. Quæ talia sunt, sunt intrinsecus impossibilia.

### C A P U T V.

#### De Uno, & Universalibus.

*Def. XLV.* **E**ns dicitur *unum*, aut respectu sui, aut respectu aliorum. Respectu quidem sui, cum ita ejus essentialia, & partes junctæ sunt, ut unam essentiam constituant,

ant, ut Plato, Homo, Animal. Respectu vero  
aliorum ens dicitur unum, & individuum, cum  
ab iis distinctum est, & segregatum. Prima uni-  
tas metaphysica est: altera *numericalis*.

Def. XLVI. Sed Unum, vel *simplex* est, vel  
*compositum*, vel *per accidens*, vel *in re*. Primum  
est, cuius nullæ sunt partes, realiter distinctæ:  
seundum, cuius sunt quidem partes, sed conjunc-  
tæ, & copulatæ in unam essentiam: tertium, cum  
plura una ita conjuncta sunt, ut interim non  
efficient unam essentiam: postremum, quum plu-  
res mentes magnâ inter se concordia voluntatum  
continentur. Primi generis sunt substantiae intelle-  
ctuales: secundi corpora: tertii corporum. diver-  
sorum acervi quarti amici.

Def. XLVII. Compositio autem in Scholis tri-  
plex est, *Physica*, *Metaphysica*, & *Logica*. Illa  
est partium realiter distinctarum, qualis est in  
corporibus. Metaphysica vero est essentialium, &  
attributorum formaliter distinctorum, qualis est in  
mente humana ejus compositio ex intellectu &  
voluntate, in corpore ex extensione, soliditate,  
divisibilitate, gravitate, &c. Compositio Logica  
dicitur, quæ est ex genere & differentiâ. Cum  
omnes res sub quibusdam generibus convenient,  
discrepent vero ob suas differentias, in omnibus  
est compositio isthæc Logica. Ita homo habet id,  
quo cum animantibus omnibus convenit, & id,  
quo ab iis differt. Primum dicitur *Genus*, alte-  
rum *Differentia*. Compositio ex eodem genere,  
& ea differentiâ appellatur Logica.

Def.

*Def. XLVIII.* Unitatis notio est ex notionum abstractarum numero, exprimitque id, quo ens est unum.

*Def. XLIX.* Totum est unum Compositum: partes vero sunt ea plura, ex quibus totum aliquod componitur. Relativæ sunt igitur totius, & partis notiones ita, ut quemadmodum totum intelligi nequit sine partibus, ita pars non dicatur, nisi totius respectu. Ac quemadmodum sunt tria compositionis genera (ex definitione XLVII.), ita sunt tria genera Totorum, *Physicum*, *Metaphysicum*, *Logicum*.

*Def. L.* Unum porro Philosophi in universale quoque, & singulare dividunt Universale ad quatuor summa genera referunt, nempe ad Ideas, Verba, Actiones, Substantias. Idea universalis dicitur, quæ exhibet, quod pluribus est commune, ut idea Figuræ, seu extensionis undequaque terminatæ, quæ exprimit id, quod est commune omnibus figuris. Vocabula sunt universalia, cum plures eodem tempore ideas significant, ut nomina appellativa. Actio universalis est, si una eademque in pluribus subjectis ab eadem vi activâ proficiatur, velut actio Solis in res terrestres. Substantia appellatur universalis cum una simul est in multis singularibus, qualis esset materia prima. Singulare vero dicitur, quod unum est, & ad nulla alia pertinet, atque ut in se individuum est, & unum, ita est ab omni alio realiter distinctum, ut Plato, Cicero. Singulare *Individuum* quoque appellari solet.

*Def. LI.* Hac etiam spectant Genera, & Species.

*ies.* Genus a Philosophis definitur, Unum quod de pluribus universalibus totum affirmatur; ut *tò animal*, quod de pluribus animantium speciebus totum dicitur; *Figura*, quæ de omnibus figuris. Species autem vocatur Unum, quod totum de pluribus affirmatur individuis, ut *tò homo*, *tò quadratum*. Sunt autem genera alia aliis universaliora. In Ontologia universalissimum genus est *Res*, hinc *Ens*, mox *Substantia*, tum *Corpus*, postremò *Animal*. Sed sunt genera, & species mera vocabula, & notiones abstractæ.

*Def. LII.* *Persona* est individuum rationale. Id, quo ens aliquod est individuum, vocatur in scholis *principium individuationis*: id vero, quo persona est persona, dicitur *personalitas*.

*Scholium.* Est hic animadvertisendum in vulgari loquutione vocabulum personæ principio pro larva histronum sumptam, mox ut Latinis personam, ita *ηρόωντος* Græcis Actorem Tragœdiarum & Comœdiarum significare: deinde ea vocabula accepta pro eo sive munere, sive ordine, sive officio, quo quis in societate fungeretur. Tandem singuli homines personæ dicti. Sed Metaphysici, & Theologi & relationes subsistentes individuorum rationalium personas dixerunt. Atque ita in Deo, quæ simplicissima natura est, tres sunt personæ, Pater, Filius, Spiritus Sanctus, quia tres ejusdem naturæ subsistentes relationes. Vide S. Thomam i. P. q. 29. & 30.

## CAPUT VI.

*De Potentiâ, Causâ, & Fato.*

**Def. LIII.** *Potentia* est vis, seu facultas agendi, quaiis est vis cogitandi, aut vis motrix. Activas definio potentias; nam quæ passivæ dicuntur, impropre ita appellantur; cum sint facilitates excipiendi, non agendi.

**Def. LIV.** *Ratio sufficiens* est id, unde intelligitur, cur aliquid sit potius, quam non, aut tale potius sit, quam aliud. Primus hujus principii rationis sufficientis frequentiorem usum fecit Leibnitius, quem mox sequutus est Wolfius.

**Def. LV.** *Principium* vocant Philosophi, quod in se continet rationem sufficientem alterius rei. Quum autem haec ratio esse possit vel Existentiæ, vel Essentiæ, vel Ordinis, vel Scientiæ; hinc principia Existentiæ, Essentiæ, Ordinis, Scientiæ. Ex. gr. Deus est primum & liberum principium extrinsecum existentiæ Mundi. Atomi, & vires motrices sunt principia intrinseca Mundi corporei. Axiomata naturalia sunt principia Scientiarum.

**Def. LVI.** A continetur in B *formaliter*, quum tota ipsius A essentia est in B: ita Planta continetur formaliter in semine, Animal in ovo.

**Def. LVII.** A continetur in B *eminenter*, quum ipsius A essentia in B non est, sed tamen in B tanta vis, quia A effici possit. Ita Statua continetur eminenter in Sculptore.

*Def. LVIII.* *Causa* est principium activum extrinsecum existentiae alicuius rei. Philosophi in hoc Causam a Principio distinguunt, quod Causa sit semper extrinseca; Principium vero aliquando intrinsecum.

*Sch.* Plurima Philosophi causarum genera ponunt: Nam aliæ sunt *prima*, aliæ *secunda*: aliæ *immediatae*, aliæ *mediatae*: aliæ *proxime*, aliæ *remota*e: aliæ *adæquate*, aliæ *inadæquate*: aliæ *physicæ*: aliæ *morales*. Causa prima est, quæ cum sit æterna, ipsa se moveret, nec ab altera aut pendet, aut determinatur; cuiusmodi est solus Deus. Causa secunda est, quæ cum non sit æterna, alterius prioris vi indiget, ut sit, & conservetur; ut omnes causæ creatæ. Immediata est inter quam, & effectum nulla est media: Mediata vero, si alia intercedat. Adæquata est, quæ sola effectum producit: Inadæquata, quæ non sola. Physica est, quæ, actione se in effectum exerente, agit: Moralis vero, quæ agit aut præcepto, aut consilio, aut exemplo. Ita, si quis alterum percutiat, physica ejus rei causa est: si consilium dat, aut mandat, ut ab altero percutiatur, causa moralis.

*Def. LIX.* *Fatum* generatim est immutabilis omnium mundi causarum & effectuum connexio, & talis ut altera ab altera necessariò pendeat, ac ita ut nullâ in parte abrumpi queat. Quare essentia Fati in necessariâ effectuum & causarum concatenatione posita est.

*Def. LX.* Sexiuplex Fatum constitui potest: *Democriticum*, *Stoicum*, *Spinozisticum*, *Platonicum*,

*cum, Mahomedanum, Astronomicum.* Fatum Democraticum est necessitas & Fatum materie, necessaria scilicet, & bruta series effectuum & causarum omnium ab æterno ex necessitate naturæ materiæ nunquam interrupta fluens. Itaque in hoc Fato nulla neque in prima causa; neque in secundis libertas est.

*Def. LXI.* Fatum Stoicum est series effectuum & causarum item necessaria & ineluctabilis, non ex materia manans (in quo differt a Democratico). neque ex natura Dei per essentialiem emanationem (in quo a Spinozistico differt) sed a voluntate Dei, quæ & ipsa sit necessaria. Hoc Fatum *Providentiam* vocabant Stoici.

*Def. LXII.* Fatum Spinozisticum est æterna & necessaria rerum omnium series, quæ emanatione essentiali ab æterno & necessariò fuit ex natura Dei. Impius hic homo (Spinoza) docet, unam tantum dæri substantiam mundanam, eamque æternam, & ex infinita cogitatione, atque infinitâ extentione conflatam, eamque esse Deum: alias vero res esse modificationes proprietatum hujus substantiæ, easque fieri ex ejus necessitate naturæ, nullâ nec in Deo, nec in hominibus reliquâ libertate.

*Def. LXIII.* Fatum Platonicum ex duplice constat divino, & materiali inter se commixtis. Nempe Plato series rerum mundanas partim ab æterna anima mundi, partim a divina cura & providentia deriyabat, easque necessarias esse opinabatur.

*Def. LXIV.* Fatum Mahomedanum est neceſſaria rerum omnium series, qua & homines rapiuntur, liberè tamen a Deo pendens. Id Mahometani docent.

*Def. LXV.* Astronomicum tandem est rerum subiunarium neceſſitas ab Astrorum influxu proveniens. Eam quoniam sibi persuasere Astrologi veteres Astronomicum Fatum dicimus.

*Scholium.* Leibnitus & Fatum Christianum dixit providentiam. Sed quanquam nos doceamus omnia esse a Deo præordinata, ut nihil sit in universo fortuitum; tamen nec Deo, nec hominibus libertatem hujusmodi rerum serie auferimus, in quo propriè vis Fati sita est. Quare eo vocabulo abſtinendum censeo inter Christianos.

*Def. LXVI.* Casus propriè est cum res fiunt nulà præſcientiā, nullā providentiā, nulloque ordine, atque fine, neque ex certis, atque statutis causis. Quare purus Casus & Fato opponuntur & Providentiæ.

*Def. LXVII.* Finis est id, cuius gratiā aliquid fit. Itaque Finis relationem dicit ad rationem, qua libertas determinatur ad agendum potius, quam non agendum, aut ad hoc, vel illud efficiendum. Vocantur quoque a Philosophis rerum fines ii, ad quos res factæ, & tendere videntur, ut oculorum Finis est visio, quia ejus gratiā facti sunt.

*Def. LXVIII.* Conservatio est perennis vis, qua retinatur, ne res pereat. Vocatur in Scholis continuata quædam creatio, quod scilicet eadem actio-

actione, qua res creantur, conserventur. *Conservatio* (inquit S. Thomas I. part. quæst. 104.) rerum a Deo non est per aliquam novam actionem; sed per continuationem actionis, qua dat esse.

*Def. LXIX.* *Attractio* est corporum accessus aut reciprocus, aut alternus, sine sensibili & cognitâ causâ impellente, ut quum Magnes attrahit ferrum.

*Def. LXX.* *Causa attractrix* est ea, quæ sine impulsu corpus aliquod ad se rapit.

*Def. LXXI.* Vis ea, qua corpora seu magna, seu parva, ad commune aliquod centrum tendunt, dicitur *gravitas*, & *vis centripeta*. Ita Lapis gravitat in telluris centrum: Planetæ in Solem.

*Def. LXXII.* Ea vis, qua corpora a communi centro removentur, *Centrifuga* dicitur, ut vis ea, qua Planetæ in orbitis suis rapiuntur, qua sit ne gravitate cum Sole conjungantur.

## C A P U T VII.

### *De Spatio, Infinito, Duratione, & Motu.*

*Def. LXXIII.* **V**ocamus *Extensum*, quodcumque aut in longum, aut in latum, aut in profundum patet: *Spatium* vero, quod tripliciter, idest longe, late, & profunde extensum est. Notionem Spatii oculis, & tactu percipimus.

*Def. LXXIV.* *Soliditas* Philosophis est ea extensi qualitas, qua fit, ut una ejus pars alteri

resistat infinitè, ne eundem locum occupet. Graeci significantius vocant *antitipiām*, quasi reciprocām resistentiam. Itaque ex Soliditate nascitur Impenetrabilitas. Soliditatis idea solo tactu adquiritur. Quare si tactu careremus, oculis interim ornati, Extensionem quidem perciperemus. Soliditatem nullo modo.

*Def. LXXV.* *Materia* sunt ea corporum elementa, ex quibus primum corpora coalescunt. In Materiæ mundanæ definitione non sibi convenient Philosophi. Nam Pythagorei, Aristoteles, & nunc Leibnitiani incorpoream materialm posuerunt: Aristoteles quidem unam, & immensam: Pythagorei vero, & Leibnitiani infinitas monades simplices. At Epicurei, Cartesiani, & Newtoniani corpoream constituunt, elementa scilicet numero infinita, sed extensa, & solida, atque infinitum divisibilia.

*Def. LXXVI.* *Inane*, seu *Vacuum*, vocant Epicurei immensam undequaque, immobilem, & indivisibilem extensionem, nec solidam, nec gravem, nec activam, nec ullo modo sensibus per viam, sed locum tantum, in quo sunt omnia.

*Def. LXXVII.* *Infinitum* Philosophi appellant, quod omni fine caret: est igitur vocabulum negativum. Est autem infinitum vel *absolutum*, vel *relativum*. Illud est, cuius nulli omnino sunt limites: hoc illud, quod licet limites habeat, illi rāmen a nobis concipi nequeunt.

*Def. LXXVIII.* *Durationem* vocamus continuatam entis alicujus existentiam. Eam in *absolutam*,

& relativam partimur. Illa est ipsa continuata existentia, nullâ ad alias res, aut rerum motum relatione definita. Hæc vero, quæ ex relatione ad alias res dimititur. Ita Æternitas est absoluta duratio. Anni vero nostri, & saecula sunt Duratio relativa, quia dimitiuntur ex relatione ad motum Solis.

*Def. LXXIX.* Vulgo Duratio dicitur esse ens succellivum. Sed duas in duratione successiones distingueremus, *Metaphysicam*, & *Physicam*. Successio Metaphysica est ipsa continuata existentia entis immutabilis. Physica vero est successio statuum diversorum in re durante, qualis cernitur in toto universo.

*Def. LXXX.* Durationis tria facimus genera. Est enim aut *Sempiternitas*, aut *Æternitas*, aut *Tempus*. Sempiternitas est duratio entis, cuius existentiæ neque initium fuit, neque ulius finis futurus est; talis est duratio Dei. Æternitas vero est duratio entis, cuius quidem existentiæ origo est, sed nullus futurus est finis; talis est duratio Spirituum creatorum. Tempus tandem est duratio entis, quod initium habuit, & finem est habiturum. Animadvertendum autem est hoc in loco, plerumque vocabula Sempiternitatis, & Æternitatis pro eodem usurpari. Præterea & illud observandum est, quandoque vulgari loquutiones, Æternitatem dici non infinitam durationem, sed longam, & indefinitam.

*Def. LXXXI.* Locum vocant Philosophi partem aliquam extensionis universi, aut immobilem,

lem, aut quæ tanquam immobilis spectatur, capacem tamen crassiorum corporum excipiendorum. Qui spatum vacuum esse opinantur, totum hoc mundi spatum Locum appellant, ejusque singulas partes Loca peculiaria. Contrà, qui spatum illud pernegan, eique substituunt fluidum subtilissimum, & facile permeabile, hoc fluidum habent pro corporum omnium crassiorum Loco *extrinseco*: ipsam vero corpoream extensionem pro loco *intrinseco*.

*Def. LXXXII.* Motus est actio, qua ens de loco in locum, seu de una spatii parte in alteram, & quidem successive, transferitur.

## C A P U T VIII.

*De notionibus Perfectionis, Veritatis, Bonitatis, Similitudinis, Ordinis, Propotionis, Pulchritudinis.*

*Def. LXXXIII.* **R**es perfectæ dicitur, quæ plene facta est ita, ut nihil ei addi, nihil demi possit. Hac significatione relationem habet ad *Artem*. Itaque perfectio est aut *humana*, aut *naturæ*, seu *divina*. Illa est, cui nihil ars humana reliquum habet, quod addat; hæc, cui nihil reliquum est, quod divina arte addatur. Sed quum quicquid sit, ob finem aliquem fiat, seu ab homine, seu a Deo; inde sit, ut sepe ex fine cuiusque rei perfectio extimetur. Quare ea res dicitur perfecta, quæ ita facta est, ut nihil ei desit, quo fini suo respondeat: imperfe-

fecta contrà , cui quo finem suum assequatur , ali-  
quid deest. Atque hac notione disputatur , per-  
fecta , necne sint artium humanarum opera , aut  
naturæ res Sed earum quæstionum solutio a duo-  
bus pender i. ut rerum earum fines probè in-  
teligantur : 2. ut plenè earum cum iis finibus con-  
gruentia comprehendantur. Hæc notio divina non  
attingit. Hæc perfectio dicitur *perfectio finis*.

*Def.* *LXXXIV.* Jam vocabulum Perfectio su-  
mitur etiam pro rei entitate : ac ita dicuntur res  
magis , aut minus perfectæ , prout maiorem aut  
minorem entitatem habent ; atque hæc notio me-  
taphysica est. Illud vero est , quod non videtur  
satis intelligi , quid istuc sit , res habere majo-  
rem , aut minorem entitatem. In eam sententiam  
hoc vocabulum sumi apud plerosque lego , ut ea  
dicantur habere majorem entitatem , quæ minus  
*contingenter* existunt , minorem , quæ magis : mi-  
nus porro contingenter existere ajunt , quæ nec  
generantur , nec corruptuntur , & inter hæc , quæ  
majori attributorum numero , aut iisdem , sed in-  
tensionibus , prædicta sunt ; cuiusmodi sunt *substan-  
tiæ simplices* , & inter spiritus , intelligentiores :  
magis vero contingenter existere ea , quæ gene-  
rantur & corruptantur , velut corpora. Hanc di-  
cemus *perfectionem entitatis*.

*Sch.* Quibus ex rebus intelligitur , quid sit quod  
dicitur , domum , navim , arma , picturam , scul-  
pturam , ac alia artium humanarum opera esse ma-  
gis perfecta , aut minus perfecta : nempe cum ad  
earum fines eas res comparamus. Tum naturæ res ,  
plan-

plantam, animantia bruta, homines, rerum ordines, cetera perfecta esse, aut minus perfecta, scilicet ad naturae fines eas contendimus. Item quid sit, mentes esse corporibus perfectiores, aut mentes aliis mentibus: hic entitatem spectamus. Sed quid significare volumus, quum dicimus Deum esse perfectissimum? Nempe utrumque, ut scilicet nihil ei desit, quo sit quidquid esse potest; & ut necessariò existat.

In ea ergo quæstione, Deus potuerit nec ne creare homines perfectiores, aut perfectiorem mundum, nemo esse intrincatus potest: nam *fine* non potuit: *entitate* potuit.

*Def. LXXXV.* Quæ Perfectio inest in re a natura ipsa, *naturalis* appellatur, quæ vero ab arte, *artificialis*. Perfectio autem Artificialis in eo posita est, ut res naturæ ad usus, commoditates, & voluptates nostras accommodeamus, non ut naturam seu ex fine suo, seu quod ad *entitatem* perficiamus. Quocirca effatum illud Scholarum, *Ars perficit naturam*, non ita accipiendo est, quasi naturæ quidquam desit ad sui Perfectionem, quod præstetur ab arte; sed ita, ut quæ natura progignit ad fines suos, ea industriâ, & arte humana in usus nostros accommodeamus. Quomodo natura oves lanâ tegit, ut hoc animal defendatur ab aeris injuriis: ars lanam in utilitatem nostram accommodat, atque ita naturam perficere dicitur.

*Def. LXXXVI.* Infinite perfectum dupliciter dicitur, *intensive*, & *extensive*. Extensive quidem,

si nulla sit possibilis perfectio , quæ in re illa non insit : intensive autem ita , ut nulla ejus rei perfectio finita sit. Ita dicimus Deum infinite perfectum intensive , & extensively ; quia , & nulla ei deest perfectio , & singulæ perfectiones infinitæ sunt. Hinc perfectio est Entitas.

*Def. LXXXVII.* Veritas est aut *naturalis* , aut *Moralis* , aut *Logica*. Illa est ipsa rerum natura , atque essentia , æternaque exemplari congruens. *Moralis* est congruentia externorum signorum cum notionibus animi , eique opponitur Mendacium. *Logica* tandem est congruentia essentiarum notionalium cum realibus. Objectivam autem intelligo. Vide dicta in *Logica lib. 3. cap. I.*

*Def. LXXXVIII.* Bonum aut *absolute* , aut *relative* dici solet. Illud continetur ipsâ rei entitate , id est proprietatibus : hoc vero est id omne , quo Bonum rei absolutum aut conservatur , & perficitur , aut conservari , & perfici potest. Ita quæcumque existunt absolute quidem bona sunt , sunt enim aliquid : nobis vero , id est relative , bona , aut mala esse possunt.

*Def. LXXXIX.* Bonum *moralē* est convenientia actionis liberæ cum sua regula : *Malum vero morale* disceptantia actionis liberæ a regula. Quocirca si nulla esset actionum liberatum regula , nec intrinseca , & in natura ipsa entium liberorum insita , nec extrinseca , nullum esset Bonum , aut Malum morale.

*Def. XC.* *Similia* dicuntur entia , in quibus ea , per quæ discerni solent , sunt eadem : *Dissimilia* en-

entia, in quibus ea per quæ discerni solent, sunt diversa. Ex. gr. duo corpora discernere solemus primum per externa, qualia sunt pondus, figura, color, &c. deinde per internam partium conformatiōnem, vires activas, &c. Hæc omnia, si eadem fuerint in duobus corporibus A, & B, ea corpora simillima dicentur, ut æquales globi auri ejusdem. Si vero omnia diversa, dissimilia, velut globus aureus, & frustum ligni: si partim eadem, partim diversa, velut homo, & brutum, erunt partim similia, partim dissimilia.

*Def. XCII.* *Ordo* est plurium entium, sive permanentium, sive successivorum ita connexa series, ut antecedens spectet consequens, consequens vero sit finis antecedentis, & omnia ad communem aliquem finem directa sint. Ita corpus humanum ordinatissimum dicimus, quia est machina ex infinitis aliis machinulis contexta ita, ut aliæ aliarum sint fines peculiares, omnium vero communis finis vita.

*Def. XCIII.* Plurium Ordinum similitudo *Proportionio* appellatur. Sit eadem ratio Ordinis entium A, B, C, D, & entium 1, 2, 3, 4, inter Ordines istos est proportio.

*Def. XCIV.* *Pulchra* ea dici solent, quæ perfectione, unitate, ordine, & proportione constant: Pulchritudo igitur est apta partium cum toto congruentia, quæ oculos mirabiliter deleat. Hinc mundum pulcherrimum dicimus, quia singulæ ejus partes, & inter se se, & cum toto mirabili ordine, & proportione connexæ sunt.

Hac

Hæc *Metaphysica* pulchritudo dici potest. Sed est, & *Physica*, quæ posita est in congruentia rerum cum animi humani constitutione, quæ animi constitutio quum tam varia sit, quam homines, est ea pulchritudo tam varia, quam homines. Tandem est quædam pulchritudo *Moralis*, cuius vis a consuetudine & moribus est, quibus sit, ut quædam honesta, & pulchra existimantur, etiam quum minus sunt, si ex regula, & ratione aestimentur.

## P O S T U L A T A .

I. **P**hilosophari nos oportere ex ideis, quas habemus: sed hujusmodi ideas probè perpendendas, & ad veri criterium expendendas. Nam tota nostra cognitio ambitu idearum nostraram continetur. Itaque contenti esse debemus eā scienciam, quæ ex hujusmodi ideis nascitur. Quidquid igitur extra ideas humanas est, id aut ad fidem pertinet, aut inter ignota referendum est.

II. Ea inter nos habere certa, quæ aut clarâ intuitione, & conscientia; aut clarâ demonstracione ab omnibus intelliguntur: nam non habemus aliud veri criterium.

III. Si principia demonstrationum sunt evidencia, & consequentia necessaria, non esse de demonstrationibus dubitandum, idcirco quod non ita afficiamur conclusionibus, ut omnis abscedat scrupulus: id enim fieri potest ob inveterata infantia, vel phantasiam, & sensum præjudicia.

# THEOREMATA

## C A P U T I.

*Generalia quædam Theorematæ de Ente, Nihil, & Possibili.*

Prop. I. & II. **N**on potest idem simul esse, & non esse ; neque unum, idemque ens constare ex essentialibus, aut attributis, quæ se mutuò destruunt.

*Sch. Philosophi*, qui nimis subtiliter primum aliquod, ac præcipuum totius humanæ cognitionis principium quæsiverunt, in varias partes abiere. Plerique hoc principium, quo omnes nostræ cognitiones nituntur, esse existimant : *Non potest idem simul esse, & non esse* : Schotistis videatur placuisse hoc : *Ens est ens* : Lokio : *Quidquid est, est* : Cartesio : *Cogito ; ergo sum*. Sed Gerardus Titius in *Arte cogitandi* jure negat ullum esse hujusmodi principium, ex quo tota scientia nostra proficiatur : humanæ enim cognitiones non ex universalibus principiis primùm fluunt ; sed a singularibus profectæ ad generalia conseruntur, seu naturâ ipsâ humanæ rationis, seu meditatione, eo modo, quo sape dictum est. Quare pro rerum diversitate plures ac diversæ in nobis ingenerantur primæ veritates, & principia prima, in quæ possis humanas Scientias resolue-

re. Nisi verius dicere velimus, eas resolvi omnes in singularia judicia, ex quibus primum profectas sunt.

Prop. III. Ex nihilo nihil suapte naturâ fit, id est nihil suapte naturâ fit sine causa; in qua aut *formaliter*, aut *eminenter* non contineatur. Hoc axioma est ex eorum numero, quorū opposita sunt intrinsecus impossibilia. Itaque certum est certitudine mathematicâ.

Prop. IV. Si ex dato, aut hypothesi ea per justam & necessariam consequentiam sequantur, quæ se mutuò destruunt, datum illud impossibile est. Demonstratio. Nam si ea sequantur, in dato illo continentur, cum autem sint contraria; datum illud ex iis constabit, quæ se mutuò destruunt; quod esse non potest, (per propositionem 2.) Ex grāfi ponatur circulus quadratus, sequetur omnes diametros æquales simul esse, & inæquales, quæ quām sint pugnantia, hujusmodi datum est impossibile. Ponamus iterum Mētem humanam esse corpus; erit illa solida, & cogitans; iners, & libera; quæ se mutuò destruunt, ut in secunda parte demonstratur sumus; ergo positio illa est impossibilis (ex definitione 9.).

Prop. V. Nunquam hypothesis est habenda impossibilis, nisi aut cum pugnantia complectitur, aut demonstratur ex ea sequi pugnantia. D. Nam impossibilia sunt ea, quæ pugnantia complectuntur (ex definitione 9.): quare nisi constet datam hypothesis complecti pugnantia, nondum pro impossibili haberi potest.

**Prop. VI.** Hypothesis est possibilis, si demonstretur, qua ratione esse possit. D. Nam si id demonstretur, pugnantia non complectitur, atque ideo possibilis est. Ceterum, qui hypothesim aliquam, velut possibilem demonstravit, sic se rem habere: aliud enim est rem esse possibilem, aliud existere. Ex. gr. si quis demonstrat possibilem esse Tichonianam hypothesim, quod ad systema Planetarium attinet; is tamen nondum evincit sic rem se habere.

**Prop. VII.** Nihil est, aut sit sine ratione sufficiente, nam ex nihilo nihil sit (ex propositione 3.). In hoc ergo Philosophi cura posita esse debet, ut rationes rerum sufficietes investiget, nec, ut populus, solis rerum phænomenis contentus sit.

**Prop. VIII.** In factis entibus duo rerum genera distinguenda sunt, *primitiva*, & ab his *derivata*. Illarum existentiæ ratio sufficiens immediata est in prima causa: harum in causis secundis. Ratio vero essentiæ immediate quidem in suis essentialibus, remotius vero in eadem causa, a qua fiunt. D. Quia in ea continentur aut *eminenter*, aut *formaliter*. Nam nihil sit sine causa, in qua, aut formaliter, aut eminenter non continetur (ex prop. 3.): quare ratio existentiæ in causa est. Jam essentia posita est in rei essentialibus: ergo in iis est ratio sufficiens, cur res aliqua hæc sit, aut illa.

**Prop. IX.** Ratio sufficiens possibilitatis intrinseca.

secæ alicujus rei est in rei ipsius essentialibus : possibilis tamen vero extrinsecæ in causa extera (ex definitione 8.). Idem de ratione sufficiente in possibilis tamen dicetur. Itaque ratio sufficiens , cur in dato ente quædam sunt possibilia , & in ente ipso est , & in causa extera. Ex. gr. si possibile est corpus aliquod dividiri infinitum , necesse est , ut ejus possibilis & in ipso corpore ratio sit intrinseca ; infinitæ nempe numero partes ; & in causa aliqua extera , vis scilicet in infinitum dividendi , quæ est ratio possibilis extrinsecæ.

*Sch.* Explicemus hæc aliquot exemplis. Quæro rationem sufficientem existentiaæ aeris , aut ignis , aut primorum plantarum seminum. In primâ mundi Causâ est. At si quæram , cur aer compressus dilatari nitatur , aut cur ignis omnia permeat , aut ex his seminibus hæc plantæ , ex aliis aliæ nascantur ; id ex natura aeris , ignis , seminum definiendum est ; quam naturam plenè cognoscam , si ea scire pervelim , necesse est. Si quæram , possibile ne sit Mercurium transmutari in Argentum , aut Aurum , id item ex horum mineralium naturâ determinandum est. Jam dicimus impossibile esse ex putri animantia sine ullo semine gigni , idque quia comparando vim brutæ Telluris , & vim animantem , nullam in bruta materia rationem sufficientem reperimus ejus effectus. Facile est hæc ad singula deducere. Sed & facile hinc illud , quod superius dictum est , prespicitur , quid sit Philosophum agere.

Prop. X. Nihilum nequit continere rationem

ullam ullius rei sufficientem; ac proinde quicunque nihilum dat pro ratione sufficiente, is nullam dat.

Prop. XI. Ratio sufficiens debet esse effectui saltem æqualis. D. Nisi enim sit, est aliquid in effectu sine ratione sufficiente, quod esse nequit (prop. 7.). Pertinet huc illud: *Nemo dat, quod non habet; nec plus, quam habet:* quia si dat, id ex nihilo est, quod pugnat (prop. 3.).

## C A P U T II.

*De natura entis Contingentis, & Necessarii,  
deque Substantia generatim.*

Prop. XII. **O**Mne ens vel est contingens, vel necessarium. D. Nam omne ens vel habet existentiam suam ab alio, vel nullo. Primum contingens est (ex def. 17.), alterum necessarium (ex def. 11.).

Prop. XIII. Si possibilia spectentur, quod ad essentias intelligibiles, sunt necessaria; si vero quod ad existentiam possibilem, sunt contingentia. D. Nam essentiae intelligibiles sunt æternæ (ex definitione 30.), adeoque necessariæ (ex definitione 11.); Existentia vero contingentium possibilis æterna non est; ergo contingens est. Hinc intelligitur, essentias rerum esse æternas, & immutabiles, nempe essentias intelligibiles: nam etiam si tota rerum universitas pereat, illæ exdem persistant: sunt enim æternæ Dei ideae.

Prop.

Prop. XIV. Infinita series contingentium sine ente necessario , a quo pendeat , est intrinsecus impossibilis. D. Nam cujuslibet contingentis ratio existentiae est in anteriori ( ex propositione 8. ) ; ergo omnium. Negato autem ente necessario , a quo haec contingentia pendeant , ratio eorum existentiae erit ex nihilo , id est nulla ( ex prop. 10. ) , quod repugnat ( ex prop. 7. & 8. ). Itaque fatum , quod Democriticum dicimus , quo continetur progressio causarum in finitum a parte anteriori , est impossibile ; quia in ea progressione omnes cause sunt contingentes , nulla æterna , sc necessaria.

Prop. XV. Quod ens rationem sui conservatrix in se , & naturâ suâ habet necessariam , id est , quod solâ suâ naturâ , & necessario existit , & conservatur , immutabile esse debet. D. Nempe huic enti mutatio , neque extrinsecus accidere potest , quando solâ suâ naturâ existit , & conservatur ; nec intrinsecus , quum sui ratio conservatrix , tama sit æterna , & necessaria , quam existentia. Quare necessarium existentiae est etiam necessarium essentiae.

Prop. XVI. Necessarium existentiae , & essentiae esse debet infinite perfectum ; & infinite perfectum habere debet essentiam & existentiam necessariam. Prima pars sic ostenditur. Si ens necessarium existentiae , & essentiae non est infinite perfectum , ejus essentia limitata est , ac proinde mutabilis , id quod esse non potest ( per prop. 15. ). Secunda vero pars hunc in modum demonstratur.

Quod

Quod est infinite perfectum nullos habet suorum essentiarum limites; ergo a nulla causa pendet: quodcumque enim ab externa causa pendet, limitatum est: quod vero a nulla causa pendet, est necessarium existentiae, ac proinde essentiae; ergo infinite perfectum est necessarium existentiae, & essentiae.

Prop. XVII. Omnia contingentia sunt mutabilia, & vici imm. D. Primum, contingentia nequeunt esse infinite perfecta (ex prop. 16.), nec in se habere plenam rationem sufficientem essentiae, & existentiae: quae vero talia sunt, suapte naturâ sunt mutabilia, ergo contingentia sunt naturâ suâ mutabilia. Hinc fit, ut in contingentibus non detur *idem Metaphysicum*. Alterum: quae sunt mutabilia, nequeunt esse necessaria (per prop. 15.): quod vero necessarium non est, id contingens est (ex prop. 12.); ergo omnia mutabilia sunt contingentia.

Prop. XVIII. Ens aeternum est ens simplicissimum. D. Nam est necessarium existentiae, & esse tiae: adeoque immutabile (ex prop. 15., & 16.); quod autem est immutabile, id simplicissimum sit, necesse est; ens ergo aeternum est simplicissimum. Itaque ens aeternum nec diversorum quidem statuum compositioni subiectum esse debet: est ergo *idem Metaphysicum*.

Prop. XIX. Exstant contingentia. D. Nam omnia hujus universitatis entia, quae aut sensibus nostris obiiciuntur, aut conscientiam intelliguntur, non sunt simul, ac semel totum id, quod esse possum, nec omnes status possibles simul, ac semel ha-

habent, sed sunt perpetuae statuum mutationi obnoxia: ergo sunt contingentia (per prop. 17.).

Prop. XX. Existit substantia aliqua æterna, & incorporea. D. Existunt contingentia (per prop. 19.); ergo & necessarium aliquid (per prop. 14.); id vero est simplicissimum (per prop. 18.); adeoque incorporeum. Existit ergo ens æternum, & incorporeum. Quoniam vero id per se ipsum existit, est substantia æterna, & incorporea.

Prop. XXI. Contingentia nequeunt esse attributa, aut partes, aut modificationes substantiarum æternarum. D. Est enim illa substantia simplicissima (per prop. 18.) & immutabilis (per prop. 15.); contingentia vero mutabilia (per prop. 17.) Ex quo sequitur partes mundi, quæ sunt contingentia (per prop. 19.) haberi non posse pro partibus, attributis, aut modificationibus Dei, quemadmodum putant Pantheistæ.

Prop. XXII. Est impossibile intrinsecum attributa, aut modos existere sine ulla substantia. D. Nam si sine substantia existerent, per se subsisterent, essentque substantiarum, non vero attributa, & modi substantiarum. Itaque essent, & non essent substantiarum, quod est impossibile intrinsecum (ex def. 9.).

Prop. XXIII. Præter substantiam æternam necesse est, ut existant aliæ substantiarum factæ. D. Nam existunt contingentia (per prop. 19.), quæ ad naturam substantiarum æternarum pertinere nequeunt (per prop. 21.): cum autem attributa, & modi existere nequeant sine substantia propria (ex prop.

prop. 22.), sequitur contingentia isthac aut esse substantias, & quidem factas, quia non aeternæ; aut esse attributa, & modos substantiæ alicujus factæ. Manifestum igitur absurdum est, quod Pantheistæ docent, præter Deum, nullam dari, nee concipi posse substantiam.

Prop. XXIV. Substantia etiam facta, si metaphysice accipiatur, nequit esse nisi simplex. D. Nam substantia a nulla re intrinsecus pendere debet (ex definitione 21.): Composita vero intrinsecus pendent a componentibus, ut dici potius possint composita ex substantiis, quam substantiae: substantia ergo nequit esse composita, adeoque omnis substantia ens simplex est. Corpora ergo sunt aggregata ex simplicibus substantiis.

Prop. XXV. Substantia contingentium nequit esse una, & indivisibilis. D. Nam omnis substantia est simplex (per prop. 24.); adeoque indivisibilis: contingentia autem alia ab aliis dividuntur, & separantur, ut patet; eorum igitur substantia nequit esse una, & indivisibilis.

### C A P U T III.

*De Relatione, deque Substantiarum origine, & indestructibilitate.*

Prop. XXVI. Relatio intellectualis nihil realis perfectionis enti addit; quare potest res quilibet infinitas relationes intellectuales aut acquirere, aut amittere, quin suæ essentiæ quidquam accedat, aut dematur.

Sch.

Sch. Sed quoniam possunt relationes etiam reales per alterius tantum subiectum mutari: fit, ut possit ens aliquod relationes acquirere novas, aut veteres amittere, quin mutetur.

Prop. XXVII. Nequeunt entia realiter distinguui solâ relatione inteliectuali. D. Nam ea realiter distinguuntur, quæ separatim intelligi, & esse possunt (ex def. 40.); id autem efficere nequit sola relatio intellectualis, quæ nihil perfectionis enti addit (ex prop. 26.) ergo &c.

Prop. XXVIII. Rerum relationes reales ab ipsarum rerum essentiis profluunt. D. Nisi enim inde profluant, aut nullæ sunt, aut non sunt reales (contra hypothesim.)

Prop. XXIX. Primarum Universi substantiarum relationes reales sunt æternæ, & necessariæ. D. Nam pendent ab earum substantiarum essentiis (prop. 23.), & hujusmodi essentiæ sunt æternæ (prop. 13.), ac proinde necessariæ: quare & relationes illæ sunt necessariæ.

Prop. XXX. Ordo quum totius universi, tum singularum partium, æternus est, & necessarius, si essentiam spectemus: existentia contingens, & arbitraria. D. p. pars. Nam ille ordo relationibus substantiarum realibus continetur, eaque relationes æternæ sunt, & necessariæ (prop. 29.). Secunda pars; quia rerum existentia divinæ tantum voluntati debetur; eaque plene sui juris est, ut paullo post demonstrabitur.

Prop. XXXI. Substantia finita realē habet relationem dependentiæ cum infinita. D. Nam ea est

est contingens (per superiora), nec habere potest rationem sui sufficientem, nisi in ente æterno (prop. 14.), id est in infinito (prop. 16.).

Prop. XXXII. Substantia non potest nisi a substantia produci. D. Nam nec ex nihilo (prop. 3.) ; nec ex non substantia, quippe quod existere nequit (prop. 22.).

Prop. XXXIII. Una Substantia nequit produci ab alia per essentialem emanationem. D. Primum: substantia non est, nisi ens simplex (ex prop. 24.); ergo nequit ab una substantia alia extrinsecus emanare. Deinde si substantia B per essentialem emanationem prodeat a C, continetur formaliter in C, ut patet: nihil enim est aliud essentialis emanatio, nisi nova partium substantiarum, a qua res emanat, modificatio, aut explicatio, ut in seminum, & ovorum emanationibus videre possumus; ergo substantia B intrinsece pendebit a C, atque idcirco non erit substantia ab illa distincta (per definit. 11.); sed vel ejus attributum substantiale (ex definit. 24.), vel modificatio.

Prop. XXXIV. Non est impossibile substantiam ex sui nihilo ab alia substantia creari. D. Nam quoniam præter substantiam æternam existunt aliæ substantiarum factæ (ex prop. 23.); & a facto ad potentiam necessariò concluditur, sequitur non esse impossibile unam substantiam ab alia creari.

Prop. XXXV. Substantiarum contingentes creatæ sunt ex nihilo sui a substantia æterna, & quidem so-

solâ voluntate. D. Nam substantiæ istæ sunt factæ (ex definit. 17.), & quidem ab alia substantia (ex prop. 32.): cum autem repugnet progressus in infinitum (per prop. 14.), factæ sunt a substantia æterna. Jam non sunt factæ per emanationem essentialiem (per prop. 30.); ergo creatæ sunt ex nihilo sui. Secunda pars sic. Hæ substantiæ non sunt per emanationem essentialiem (p. 30.); nec ex præcedente materia, quia simplices (p. 24.); nec ulla materialibus instrumentis fieri potuere, quia a substantia simplicissima; ergo nihil reliquum est, quod dicatur, nisi ut solâ voluntate creatæ sint.

Prop. XXXVI. Ens æternum, quod esse aliquod propositio 24. demonstrat, quodque esse simplicissimum ostendit prop. 18. & infinite perfectum prop. 16. esse debet mens intelligentissima, & potentissima. D. Nisi enim id sit, non potuere ab ea mundanæ substantiæ solâ voluntate creari, quemadmodum in superiori propositione confecimus.

### Corollarium primum.

Actio creationis ex nihilo haberi debet pro infinita; quia ejus substantiæ propria, in qua voluntas, & potentia unum, idemque sunt, quæ esse nequit, nisi substantia infinite perfecta.

*Corollarium secundum.*

**V**is creatrix ex nihilo non potest convenire substantiis finitis; quia ex, sola voluntate, ut æterna, create nequeunt. Quare non dantur naturales productiones substantiarum, quia hæc essent naturales creationes.

**P**rop. XXXVII. Naturæ vi nulla substantia in nihilum abire potest, ut naturæ vi nulla ex nihilo fieri. D. Quia substantiae sunt entia simplicia (prop. 24.); ergo perire nequeunt dissolutione, sed cessatione ejus vis, qua existunt: quum autem ea vis sit infinita (coroll. 1. prop. 36.) nequit convenire naturæ finitæ (coroll. 2. ibid.): quare ut non datur Creatio naturalis, ita nec annihilationis naturalis.

**P**rop. XXXVIII. Generationes, & corruptiones naturales sunt variæ modificationes, & determinationes substantiarum primigeniarum juxta leges naturæ physicas. D. Nam sunt nec creationes ex nihilo, nec annihilationes (per superiorem prop.)

**C A P U T IV.**

**D**e essentiæ origine prima, deque primis hujus rerum universitatis exordiis intelligibilibus.

**P**rop. XXXIX. **M**utata essentiæ mutetur natura, necesse est; nam natura, seu principium activum entis, ut hic accipio, est

est ejus esse<sup>tia</sup>le attributum. Quocirca entis esse<sup>tia</sup> mutatâ , natur quoque mutatur. Quod si in dato aliquo ente natura non sit amplius eadem , ne esse<sup>tia</sup> quidem erit eadem , ob eadem rationem. Cæterum mutatæ naturæ argumentum est , si ex eadem re non iudicem effectus sequantur. Ita si pulvis pyrius non amplius ardeat , aer non sit amplius elasticus &c. horum corporum mutata sit natura , necessarium est ; ergo & esse<sup>tia</sup>. Esse<sup>tia</sup> dico non genericam , sed speciei.

Prop. XL. Retum esse<sup>tia</sup> archetypæ , seu intelligibiles æternæ , immutabiles sunt : mutabiles vero creatæ. D. Nam primæ sunt ipsamet Entis æterni intelligentia , quæ in se omnia repræsentat. Seundæ vero utpote contingentes non habent in se rationem sufficientem suæ conservationis.

Prop. XLI. Ratio sufficiens omnium possibilium est in ente æterno. D. Possibilia sunt contingentia ( prop. 13. ) ergo rationem sufficientem habent in ente æterno ( prop. 14. )

Prop. XLII. Existunt in Ente æterno esse<sup>tia</sup> intelligibiles numero , & varietate infinitæ , ac existunt quidem in ejus intellectu , tanquam in potentia intelligibiliter creatrice , in ejus esse<sup>tia</sup> , tanquam in infinita perfectione eminentे , in ejus tandem potentia , & voluntate , ut in causa possibilitatis extrinsecæ. Clarius : Mens æterna , & infinita possibilia intelligit , & ea in sua infinita natura eminenter repræsentat , & suâ infinitâ potentia efficere potest , quidquid possibilis intelligit. Ejus propositionis ratio est , quod Mens æterna sit

fit intensive, & extensive infinite perfecta; adeoque continere debeat rationem sufficientem infinitorum possibilium. Enimvero si ea ratio in ea non esset, nullibi est: est autem; quia possibilia sunt infinita; & quidem aeterna: nec in alia re, quam in ente aeterno: nec potest esse in Ente aeterno, nisi ejus essentia omnia representet, ejusque potentia ad omnia protendatur; ergo Mens &c.

Prop. XLIII. Rerum factatum, eorumque ordinum essentiae intelligentiae Dei debentur: existentia vero voluntatis. D. Nam essentiae rerum, & ordinum primum intelligibiliter creantur, cum ab intellectu Dei intelliguntur. Jam existunt extra Deum non per essentialem emanationem (ex prop. 34.); sed per Creationem, adeoque voluntate Dei.

Prop. XLIV. Omnia possibilia systemata, siue ordinationes substantiarum possibilium, intelligentia Entis aeterni continentur. D. Nisi enim intelligentia Entis aeterni haec omnia comprehenderet, possibilia non essent: nam prima causa possibilitatis rerum est Entis aeterni intelligentia (prop. 41. & 42.), quae possibilia intelligens intelligibiliter primum creat.

Prop. XLV. Sistema ordinatum est, quod existit ex primis substantiis, aut substantiarum seriebus secundum reales relationes dispositis: perturbatum vero, quod contra eas relationes est.

Prop. XI. VI. Infinites infinita possibilia substantiarum systemata seu ordinata, seu perturbata, sunt possibilia. D. Nam singulæ possibles impli-

ces substantiae possunt cum singulis conferri, indeque nasci variæ series, & concatenationes; quæ si fuerint conformes substantiarum essentiis, omnes erunt ordinatae, ac propterea systemata ordinata; sin contra, perturbata. Quum autem essentiæ substantiarum simplicium possint esse ob diversas naturas in infinitum diversæ: nasci possunt infinita genera substantiarum simplicium, atque ex singulis generibus infinita earum systemata: ergo infinites infinita, &c.

Sch. Tirones hinc conjecturam facere possunt, quod ex doctrina combinationum 10. literæ dant 13., 6:8., 800. combinationes diversas: & 24. Alphabeti literæ dant hunc combinationum num. 520., 448., 401., 753., 339., 539., 560., 800., Vide Tacquet Arith. Prat. lib. V. c. 8.

Prop. XLVII. Nec minus evidens est, possibilia esse systemata composita ex pluribus simplicioribus. D. Nam ut ex similibus substantiis ejusdem generis nascuntur series simplices, ita & ex similibus hujusmodi seriebus conflari possunt systemata majora.

Prop XLVIII. Singula systemata legibus suis, & propriis reguntur. D. In systematibus enim ordinatis secundum reales relationes (p. 45.) aut similes substantiae cum similibus copulantur, aut systemata similia similibus, ita, ut totum sistema ex essentiis substantiarum fluat, iisque sit aptatum. Nequeunt autem ita se habere, nisi suis, & propriis legibus regantur; ergo singula systemata ordinata suis, & propriis legibus reguntur. Jam sys-

temata perturbata, et si contra reales relationes, coagmentata tamen esse debent; nec vero esse coagmentata possunt sine quibuscumque tandem regulis, & legibus. Ergo &c.

Prop. XLIX. Omnia systemata ordinata adaptata sunt & essentiis substantiarum, & essentiis ordinum similiū, ac propterea hoc sensu sunt æque perfecta. D. Quia sunt omnia ordinata. (prop. 45.). Qua ex re sequetur omnes mundos possibiles, hoc sensu dispositos esse æque perfectos.

Prop. L. Cæterum systemata illa ex natura ipsa intelligibilium substantiarum profluunt. D. Cum enim sint ordinata (ex hypothesi), essentiis substantiarum intelligibilium aptata esse debent, ac propterea nasci ab essentiis substantiarum ipsarum.

Prop. LI. Peculiarium systematum illorum perfectio pendet a perfectione totius. D. Nam pendet ab ordine totius (per ant. prop.)

Prop. LII. Earum peculiarium substantiatum felicitas, quæ felicitatis sunt capacia, separari nequit a perfectione totius systematis, cui innectuntur. D. Nam hæc felicitas separari nequit a propria harum substantiarum perfectione: nec hujusmodi perfectio sine totius systematis perfectione concipi. (per prop. ant.)

Sch. Itaque homines conqueri nequeunt, se esse miseros, ac ad miteriam delitiosos, nisi unâ operâ sibi persuadeant, se non esse perfectos, id est ordinati mundi partes. Mundum vero hunc, ad quem pertinent, nullo pacto possunt demonstrare ordinatum non esse.

Prop.

Prop. LIII. Quod ad existentiam systematum istorum spectat, ut hæc potius, quam alia existant, pendet a finibus mentis æternæ. D. Nam id pendet a voluntate mentis æternæ (ex prop. 43.) ; voluntas vero determinatur a fine (ex definit. 67.).

Sch. Quid si voluntas ipsa per se sit tota ratio sufficiens rerum existentiæ? Ita videtur quibusdam. Mihi contrà videtur esse hoc extra omnes ideas humanas, ut voluntas nullo fine, ac nullâ ratione determinetur.

Prop. LIV. Nullum contingens, atque idcirco nullum contingentium sistema, necessario existit, scilicet, ut non potuerit non existere. D. Nam cum existant voluntate mentis æternæ (ex prop. 43.), quæ nullâ necessitate cogi potest ad extra se agendum, ut paulo post docebimus; nequeunt existere necessario.

Prop. LV. Est exploratum, hanc rerum universitatem, quam & *naturam rerum* vocant Philosophi, esse magnum quoddam sistema ex simplicioribus aliis secundum reales substantiarum relationes coagmentatum. D. Nam ex simplicibus monadibus conficiuntur primæ, & simplices series, ex his seriebus aliæ, atque aliæ magis compositæ, donec totum sistema mundanum emergat. Nam id copiose & Naturæ Historici, & Astronomi demonstrarunt.

## CAPUT V.

*De Legibus, quibus rerum universitas regitur, generatim differitur.*

Prop. LVI. **L**eges naturæ mechanicæ, quibus hoc universum regitur, sunt quidem quod ad essentiam necessariæ: quod ad existentiam vero absolute contingentes. D. Leges ordinum systematum essentiis substantiarum sunt aptatae, atque ex iis fluunt (ex prop. 49. & 50.), quibus idcirco positis, hujusmodi leges sunt necessariæ quod ad essentiam. D. Totum mundum systema contingenter existit. Porro quæ sint hujusmodi leges mechanicæ copiose explicatum est a Physicis. Vide & Wolfum in Cosmologia. Nos genericas quasdam hic indicabimus.

Prop. LVII. Chaos, & ordo inter se se oppunnunt; quare sit, ut in universo aut Chaos regnet, aut Ordo necesse sit.

Prop. LVIII. Attractio singulorum materiarum elementorum, seu vis, qua in mutuos amplexus sunt, & arcte cohaerent, est primaria lex cosmologica. D. Nam sine ea corpora coalescere nequeat, atque ex Chao emergere; itaque sine ea esse ordo in universo nequit; ac propterea (per def. 35.) est primaria univerbi lex.

Prop. LIX. Gravitas est altera item primaria lex cosmologica. D. Nam leges mechanicæ sunt ex nomine, quibus universi Ordo continetur (def. 35.) jam sine

sine gravitate , seu viribus centripetis , nullus esse potest in natura ordo ; quia ubi nullæ sunt in natura vires centripetæ , necesse est , ut nulla sint corporum centra , nec ulli motionum magnorum corporum fines : gravitas ergo est primaria universi lex mechanica.

Prop. LX. Vires centrifugæ sunt tertia lex cosmologica. D. Nam sine iis viribus , ubi locum habent duæ priores , tota materia circa unum centrum coit , nullâ discretione , nec ordine. Fing. ex. gr. Planetas solâ gravitate in Solem agi , fiet unum continuum corpus ex Sole & Planetis.

Prop. LXI. Antitypia est quarta lex cosmologica. D. Nam , eâ sublatâ , corpora cum corporibus compenetrantur , si vel minimum inter se configant : quare sine ea inter se configere nequirent. Ut autem auferatur corporum conflitus , & motu privari debent : motu autem sublato , perit universi ordo : ergo antitypia ad universi ordinem efficiendum , & conservandum est necessaria ; ea autem est lex cosmologica ( def. 35. ) : antitypia ergo est lex cosmologica.

Prop. LXII. Inertia est lex cosmologica quinta. D. Nam sine inertia minimâ vi omnis mundanus corporum ordo turbaretur. Inertiam autem dico eam vim , qua corpora , quæ ab aliis pelluntur , aut trahuntur , causæ motrici resistunt , ut videantur eam ob vim niti ad statum suum conservandum.

Prop. LXIII. Vires particulæres genitales , quibus animantium , plantarum generationes , & se-

ries continuatæ servantur, pertinent ad leges cosmologicas. D. Eadem est ratio, ac superiorum.

Cotol. Attractio, gravitas, vites centripetæ, antytipia totam mundanam materiam pervadunt, quum autem sunt vites activæ, conficitur totam mundanam materiam esse activam, ut nihil aliud esse universum videatur, nisi substantiarum activarum compages.

Prop. LXIV. Præter leges mechanicas, quibus universum corporeum regitur, existunt leges naturæ morales, quibus Spiritus, qui nobilissima sunt totius universi pars, actiones suas liberas conformare debent. D. Nam quoniam universum totum ordinatissimum est, vult profecto prima ejus causa, cujus voluntate existit, ut ejus naturales relationes, id est ejus ordo servetur. Huic autem voluntati creaturas rationales parere debere, inde perspicuum est, quod sit voluntas supremi totius universi Dominus. Cum autem voluntas supremi universi imperantis ordinem naturalem conservari jubens, perturbari vetans, creaturis rationalibus per rationem communicata, sit lex naturæ moralis (ex definit. 36.25) sequitur existere legem naturæ moralēm.

Prop. LXV. Quilibet debet obsequium, & amorem Deo, sibi custodiā, aliis justitiam, & amicitiam, eaque sunt tria generica principia legis naturæ, & officiorum naturalium. D. Primum, Deus est universi Dominus, & Creaturarum rationalium patens amansissimus: Domino autem, & Patri obsequium, servitus, & amor

naturaliter debetur. Alterum: Quilibet homo pars est universi, quod Deus ordinate conservari vult; ergo quilibet homo ex Dei voluntate conservare, & custodire se debet. Tandem Deus idem supremus mundi Imperator vult profecto, ut omnes homines bene, beataque conserventur: nequeunt autem ita conservari sine mutua justitia, & amicitia, ut scilicet nullum in re se se laedere parati sint, & quocumque possunt modo juvare; vult ergo ut homines inter se justitiam servent, & mutuam amicitiam copulentur.

Corol. Ex quibus sequitur, ut quae hominum officia his Legis naturalis principiis sunt contraria, sunt Legi naturali adversa. Cum vero, quae sunt Legi naturali adversa, sunt ordini mundano adversa; & quae sunt ordini mundano adversa, ea sunt contraria hominum perfectioni; nec possunt esse hominum perfectioni contraria, nisi sine felicitati (ex prop. 52.); sequitur omnem transgressionem Legis naturae comparatam esse ad nos infelicitandos.

Prop. LXVI. Leges naturae seu mechanicae, seu morales, quibus haec rerum universitas gubernatur, ex hypothesi sunt immutabiles. D. Nam hujusmodi leges relationes substantiarum sequuntur: ergo his substantiis positis, quibus rerum universitas constat, eoque sistente, quo continentur, non possunt esse aliæ. Quare sunt ex hypothesi immutabiles.

## CAPUT VI.

*De rerum Identitate, Differentia, & Distinctione.*

Prop. LXVII. **Q**uae sunt entia activa, nisi primum statum perpetuo servent eundem, nequeunt esse eadem Metaphysica. Paret (ex def. 39.)

Prop. LXVIII. Quæcumque entia sunt activa, ac finitâ vi activâ praedita, nequeunt perpetuo primum sui statum servare. D. Quia earum virium actio nequit esse tota simul; itaque perpetuo alia, atque alia sit, necesse est.

Prop. LXIX. Entia activa universi nequeunt esse eadem Metaphysica. D. Quia nequeunt primum statum servare eundem, quum finitâ activitate praedita sint, (ex sup. prop.)

Prop. LXX. In universo nullum reperiri potest idem Metaphysicum. D. Quia eorum entium, quibus conflatur, nullum est, quod activum non sit, & finitâ vi praeditum.

Prop. LXXI. Quæ eadem sunt eidem, eadem quoque sunt inter se: quæ vero aliqua habent eadem eidem, ea habent eadem inter se: & quæ similia sunt eidem, similia sunt inter se. Sunt axiomata per se ipsa evidentissima.

Prop. LXXII. Quæ solâ ratione distinguuntur, eandem habent essentiam realem. D. Nam si diversam habent essentiam realem, aut sunt duæ substantiæ, & distinguuntur realiter: aut duo ejusdem

dem substantiæ attributa, & distinguuntur a substantia modaliter, a se vero invicem formaliter.

Sch. Animadvertisendum hoc in loco est superiora axiomata ex notionibus rerum creatarum in nobis nasci, ac propterea non licere illa extenderet extra ambitum rerum nostrarum.

Prop. LXXIII. Quæ eandem habent essentiam realem, realiter distingui nequeunt. Et hoc axio-  
ma ex genere superiorum est, id est ex rebus  
nostris profectum.

Prop. LXXIV. Si res Mathematicas exceperis, resque alias mere abstractas, quarum essentiæ sunt tantum notionales, nescimus, quousque res aliæ, præsentim substantiæ, inter se convenient, aut discrepant. D. Nam solæ essentiæ notionales a nobis adæquate cognoscuntur: reliquatum rerum inadæquatas habemus notiones, nec idcirco plene inter se conferre possumus.

Sch. Hinc discimus argumenta, quæ dicuntur analogiæ, tum plene concludere, quum ea, inter quæ analogia instituitur, adeo sunt sibi similia, ut sibi mutuo substitui possint in eo, ex quo argumenta ducuntur. Vide Logicam Lib. V.

Prop. LXXV. Contraria medium non habent: hinc sit, ut contrariorum alterum tantum esse possit verum.

Prop. LXXVI. Omnes substantiæ distinguuntur realiter. Patet ex definitione substantiæ, & distinctionis realis.

Prop. LXXVII. Substantiarum attributa distinguuntur formaliter: nam hæc attributa essentiis dif-

distinguuntur, non conceptibus tantum. Cum autem non distinguantur realiter, qui non sunt substantiae distinctae: sequitur distingui formaliter.

## C A P U T VII

*De Uno, & Universalibus.*

**Prop. LXXVIII.** **O**MNE ens est unum sive simplex, sive compositum.

**Prop. LXXIX.** Nulum est in natura unum universale. D. Nam hoc unum universale aut divisibile esset, aut indivisibile: si primum, unum non esset, sed plura: si posterius, id per se constaset, ejusque res omnes essent modificationes: una ergo esset universi substantia, id est, una substantia contingentium, id quod esse nequit (per prop. 25.)

**Prop. LXXX.** Repugnat imago entis, quæ sit universalis. D. Nam quodlibet ens est unum (per prop. 78.), cuiuslibet igitur entis imago rem unam repræsentat; repugnat ergo imago, quæ repræsenteret plura, id est imago universalis.

**Prop. LXXXI.** Ex qua propositione sequitur, ideas universales, seu Platonicas *ante omnia*, seu Peripateticas *post omnia*, nullas esse; nam si essent, imagines essent universales, quod esse nequit (per prop. 70.). Ideæ ergo, quæ dicuntur universales, nihil sunt aliud, nisi perceptio ejus, quod pluribus est commune, vel simile, abstracta ab iis, quæ illa distinguunt. Ita perceptio ejus, quod est

est in hominibus commune , abstrahendo ab iis , quæ singulis hominibus sunt propria , idea universalis naturæ humanæ dicitur , quia ea ad omnes peræque homines pertinet

Prop. LXXXII. Duæ substantiæ distinctæ sunt duo distincta subjecta suarum proprietatum.

Prop. LXXXIII. Extensio , ut extensio , non differt ab extensione , nisi loco.

Prop. LXXXIV. Duæ puræ extensiones compenetratæ non amplius distinguuntur. D. Nam extensio pura non differt a pura extensione , nisi loco ( ex prop. sup. ) ergo compenetratæ non amplius distinguuntur.

Prop. LXXXV. Idea penetrationis duarum substantiarum extensarum idem est cum idea identificationis eorum substantiarum : nisi enim duo illa subjecta identificantur , erit alterum , extra alterum ; nec propterea eorum extensiones compenetratae , nec idcirco subjecta ipsa extensa.

Prop. LXXXVI. Identificatio duarum substantiarum producere debet unum subiectum communem proprietatum duorum illorum generum.

Prop. LXXXVII. Eadem identificatio producere debet proprietates tertii generis , quæ nec primæ sint , nec secundæ.

Prop. LXXXVIII. Si ergo extensio spati est substantia distincta a substantia materiæ mundanæ , ac penetrantur duæ illæ extensiones , sequitur tertium subiectum , quod certe spatiū vacuum non est. D. Si non sequitur , remanent duo subjecta ( per sup. ) nec identificata , nec proinde compenetrata.

Prop.

Prop. LXXXIX. Hinc sequitur primo, data substantia formaliter in immanens extensa, nullas alias substancias formaliter item extensas existere posse, quae primam sui naturam servent, sicutque ab illa distinctor. D. Nam hujusmodi aliæ substancialiæ compenetrari deberent cum illa, adeoque unam, eandemque efficere (ex prop. super.)

Prop. XC. Sequitur secundo, nullam esse in hoc universo substancialiam formaliter, & in immensum extensam. D. Nam si est, una est universi substancialia (per prop. 89.), id quod falsum est (per proposit. 25.).

Sch. Itaque nec universale reale in universo est, nec idea. D. Nam neque substancialia ulla universalis est, nec ulla idea, ut demonstratum est. Quare superest, ut universalia non sint aliud, nisi vocabula.

### C A P U T VIII.

#### *De rerum Activitate, deque Fato Stoico, & Spinozistico.*

Prop. XCI. **V**is, potentia, facultas, sunt attributa, aut qualitates substancialiæ, seu subjecti alicujus primi, id est per se manifestum. Quocirca data potentia, vi, facultate, existat ejus primum subjectum, necesse est. Ex. gr. data vi motrice, attractrice, gravitationis, necesse est, ut ejus vis subjectum aliquod existat. Ita quum constet dari vim magneticam, electricam, vim comburentem corpora, vim elasticam, esse

esse earum virium subiecta debent. Datâ vi intelligendi , existere debet subiectum intelligens.

Prop. XCII. *Actio* est aut attributum potentiae , aut effectus. Itaque ut potentia esse nequit sine substantia , cuius est potentia , ita actio sine potentia activa , atque adeo sine substantia concipi nequit.

Prop. XCIII. Neque actio , neque potentia proprie substantia dici possunt , cum sint substantiae , seu subjecti alicujus , aut attributum , aut effectus. At datâ actione , necesse est , ut detur potentia , & proinde substantia hujus potentiae. Ita datâ intellectione , necesse est , ut detur potentia intelligens , & propterea substantia intelligens.

Prop. XCIV. Actionum duo distincta genera cognoscimus , motum , & cogitationem. Nam cogitationem non esse motum probat conscientia cognitionis , quæ motui convenire nequit , quod nos in secunda parte demonstrabimus.

Prop. XCV. Existit substantia , & principium activum ut cogitationum , ita & motionum , quæ in rerum naturâ sunt. D. Nam existunt cogitations , & motiones , quæ esse nequeunt sine aliquo earum activo principio (ex prop. 91.)

Prop. XCVI. Si Aeterna substantia intelligentissima sit principium activum motionum , & cogitationum , quæ sunt in universo , motiones istæ , & cogitationes ad ejus substantiam essentiam non pertinebunt. D. Nam motiones , & cogitationes , quæ sunt in rerum naturâ , & contingentes sunt ,

ut

ut patet : contingentia autem nequeunt pertinere ad essentiam substantiae æternæ (ex prop. 21.)

Prop. XCVII. Vires activæ contingentium sunt a substantia æterna. D. Vires activæ contingentium pertinent ad essentias contingentium : sunt autem contingentia a substantia æterna (prop. 14.) ergo & eorum vires activæ.

Prop. XCVIII. Causæ necessariæ agunt semper totis suis viribus. Ita lapis , dum per aerem decidit , totâ suâ gravitate decidit : elateres qui restituuntur , totis suis viribus restituuntur: aqua , quæ decurrat , totâ suâ gravitate , & fluiditate decurrat. Quin in hoc sunt necessariæ , quod se ipsas modificare nequeunt , sed a causis externis modificantur.

Prop. XCIX. Substantia æterna nulla necessitate naturæ suæ determinari potuit ad creationem contingentium. D. Nam cum contingentia nec ad substantiæ illius essentiam pertineant : nec ab illa per essentialem emanationem prodeant , nec sint infinite bona , & perfecta , ut vi summâ illam per movere possint ; nulla est hujus necessitatis ratio sufficiens.

Prop. C. Ex quo sequitur universum hoc summâ libertate a substantia æterna creatum esse. D. At vero , si substantia æterna universum necessitate naturæ creavisset , adeoque necessitate naturæ egisset , ea egisset semper , & ubique , quantum potest : nam ea est conditio causatum necessariatum (prop. 98.). Ita autem fieret , ut singuli effectus æquales essent vi hujusmodi causæ , id est infiniti , quod falsum est.

Prop.

Prop. CI. Sequitur secundo, nullum esse Fatum Spinozisticum D. Nam Fatum Spinozisticum est infinita rerum series necessaria ex Dei natura manans (ex definitione 62.). Res vero extra Deum nec a Dei natura manant (prop. 35.), nec necessariò, sed suminima libertate fiunt (ex prop. 99., & 100.) ; ergo nullum est Fatum Spinozisticum.

Prop. CII. Universum eadem libertate, qua creatum est, conservatur. D. nam conservatio eadem actione fit, qua creatio, ergo quemadmodum libere creatum est universum, ita liberè conservatur.

Prop. CIII. Sunt in universo res, quæ agere possunt aut totis viribus, aut parte virium, majori, vel minori, idque ex præscripto suæ rationis, & voluntatis. D. Nam ita agunt homines. Dum digito corpus aliquod premo, sentio, me majori, aut minori vi premere posse, rarique accident causus, in quibus totis naturæ viribus agere velim. Hujusmodi causæ necessariæ non sunt (prop 98.)

Prop. CIV. Nullum est Fatum Stoicum. D. Nam aut Fatum Stoicum idem est atque Spinozisticum, & nullum est (per propositionem 101.) aut est necessitas conservationis, cui ipse Deus subsit, & nulla est (per prop. 102.) aut tandem est series causarum, quæ omnes necessariæ sunt, et si prima sit libera, & revincitur (per prop. 103.) ; qua constat non omnes universi causas esse necessarias. Nullum ergo immite fatum, nec Democriticum, nec Spinozisticum, nec Stoicum, nec Mahummedianum, nec Astronomicum res mundanas rapit.

## CAPUT IX.

*De natura mundani spatii.*

Prop. CV. **C**um Philosophi magni nominis spatium vacuum undeque immensum velut corporum omnium communem locum existere opinentur, eam nos rem accurate expendemus: velut id, quod ad Cosmologiæ intelligentiam in primis est necessarium. Primum autem argumenta eorum, qui vacuum istud esse arbitrantur, examinabimus: deinde in naturam ipsam spatii mundani inquiremus. Quia in re hoc primum constituamus, existentiam spatii vacui non posse a nobis directe cognosci. Nam quum hoc spatium constituantur esse incorporeum nihil agens, nihil patiens, nec ipsum per se objectum sensationum nostrarum esse potest, nec ejus ulli efficiens. Oblique igitur, si quod est, pervestigandum est.

Prop. CVI. Nec gravitatem, nec soliditatem, ac cohesionem corporum cognoscimus absolute, sed relative. Nempe gravia dicimus, quæ vi aliquâ ad commune centrum adigi sentimus. Itaque gravitas non est, nisi vis centripeta. Similiter eam extensionem dicimus solidam, & cohaerentem, quæ tactui resistit. Quare soliditas est vis resistendi, ex qua impenetrabilitas nascitur.

Prop. CVII. Fluidorum elasticorum particulæ ab omni parte æqualiter premuntur, & reprimunt.

munt. Id demonstrari potest experimentis aeris, aquæ, &c.

Prop. CVIII. Ex motu corporum terrestrium, & Altiorum, aquabili & perenni circulatione, ex motu Cometarum, ex jactu luminis Fixarum, nulla certa argumenta pro vacui existentiâ defunmi possunt. Ex his phænomenis ita Epicurei argumentantur. Primo nisi esset vacuum, in quod corpus eat, cum omnis materia sit æque solida, nullum corpus commoveri posset, quoniam nullum esse posset principium motus. Secundo motus Altiorum in spatio pleno fieret in dies tardior ob resistentiam medii. Tertio ingentes Cometarum caudæ, qui hac, illac moveri possent sine vacuo? Quarto lumen Fixatum in tanta a nobis distantia numquam ad nos deveniret a medio solido continentem retusum, &c.

Sed non necessario hæc argumenta concludunt. Principio positis in corporibus vitibus motricibus, iisque perennibus, ac locatis corporibus crassioribus in spacio fluidissimo, nec gravi, nec tenaci, impetu virium illarum spatii parte aliqua mota, idque facillime ob ejus mobilissimam naturam, illuc corpus progreditur spatio fluido per latera deorsum impulso. Id observamus oculis, & tactu, dum manum per aquam, vel aerem novemus. Quare non magis est captu difficile, Cometas, & Planetas, per scatulum subtilissimæ, fluidissimæ, mobilissimæ, eoque maxime flexibilis, nee gravis materie moveri, quam naves ac pisces per mare. Quin quum hæc ita moveri videa-

deamus, ut tantum spatii anterius describant, quantum aquæ retrò per latera impellant, quid vetat id de reliquis corporibus opinari? Porro lumen Fixarum idcirco tam parva quantitate a nobis cernitur, quod per vacuum non pertranseat. Qui, inquiunt, tantum spatii emetitur usque cum tot corpusculis luctando? Quia nempe magnâ vi urgetur, qua semitas sibi aperit: nam quæro cur Cæte a glaciali Oceano in Atlanticum usque penetrat, tantum aquarum impellendo? At enim, cur ea vis non tandem aliquando tandiū rerula cessat? Nempe cessat tandem; inde enim fit, ut infinitæ sint Stellaræ fixæ, quas non cernimus. Quare ea phænomena non necessarium vacuum esse concludunt.

Prop. CIX. Cur corpora sint gravia, incertum adhuc est. Fatentur id Philosophi omnes ingenuè. Neque probari melius potest, quam diversitate sententiarum super principio gravitatis. Ac quamquam Viri hodie doctissimi esse eam vim corporibus int̄insecam opinentur; id interea non satis certum est & exploratum.

Prop. CX. Sed nec utrum omnia corpora sint gravia est exploratum. Ignis recentes & gravissimi Philosophi gravitatem negant. Lumen esse centrifugum id prespicue probat, quod e Fixis, & Sole, velut a centro spheræ in ambitum continentem egreditur, nostrumque vorticem ingressum statim elabitur. Id demonstrat esse posse fluida alia centrifuga.

Prop. CXI. Ex quibus propositionibus sequitur,

ex

ex majori, vel minori gravitate corporum nullam argumentum pro vacuo statuendo desumi posse: cum enim ignoretur, cur corpora sint gravia (ex prop. 109); præterea an omnia sint gravia (prop. 110.) sequitur & ignorari, cur quædam graviora, alia minus gravia sint. Quare qui conjiciunt corpora minus gravia esse, quæ plus vacui interspersi habent, ii ex principio ignoto argumentantur, aut petunt, quod ajunt, *principium*.

Prop. CXII. Nec magis validum est argumentum desumptum ex corporum densatione, vel rarefactione. Nam in crassioribus corporibus densatio contingit, ipsis fatentibus vacui patronis, cum aqua, aer, aut alia subtilior materia expellitur, corporumque eorum partes æctius conjunguntur; rarefactio vero cum hæ partes distrahuntur, admisso aere, aut aliâ subtiliori materiâ. Tenenda est in Physicis regula: Naturam eâdem arte, iisdemque legibus, & instrumentis agere in parvis corpusculis, aut in tenuibus, quibus agit in magnis, & crassioribus.

Prop. CXIII. Quod pertinet ad resistentiam, qua corpora mota in fluidis tenacibus majorem alibi, alibi minorēm patientur, id vacuum non probat, sed tantum probat fluidorum corporum tenacitatem, & gravitatem non esse in omnibus æqualem. Enimvero corpora resinosa magis resistunt, quam Mercurius, ut minus gravia.

Prop. CXIV. Nec tandem quidquam probat, quod ajunt, naturalem in omnibus esse ideam loci alicujus, in quo mundana corpora sint, & mo-

ventur. Quidnisi enim ea idea sit abstracta? Sed  
ajunt, quo tandem in loco sunt corpora? Quæro,  
quo in loco sunt pisces? Quo in loco aqua? Nem-  
pe, inquiunt in primævo spatio inani. Quo au-  
tem in loco spatum inane? Scilicet ipsum sibi  
& aliis spatum est. Cur ergo, si id spatum cor-  
poreum sit, tenuissimum tamen, non possit ita si-  
bi, & crassioribus corporibus locum suppeditare,  
ut aqua piscibus? Nempe ex sensuum consuetudi-  
ne totum illud argumentum concluditur, ut enim  
aquam vase, ita vas ipsum alio vase continere  
opinamur. Porro quum illud postremum vas mi-  
nus nobis sit notum, incorporeum esse audenter  
concludimus. Est hoc hominibus familiare, ut  
ibi incorporea prædicare occipient, ubi sensuum  
atmosphæra terminatur.

Prop. CXV. Postquam demonstratum est, ni-  
hil esse in argumentis, quæ pro vacuo affer-  
mantur, certi & explorati, superest, ut inquiramus  
in naturam ipsam primæ extensionis mundanæ,  
quam esse aliquam necesse est. Quia in re primum  
omnium constituendum est, ipsam extensionem  
substantiam non esse, sed aut modum, aut attri-  
butum substantiæ alicujus. Ea in re consentiunt ii  
ipsi, adversus quos disputamus. Vide scholion hu-  
jus propositionis in opere majori.

Prop. CXVI. Substantia spatii mundani nequit  
esse substantia a substantia materiæ distincta. Nam  
si spatium est substantia a substantia materiæ dis-  
tincta, erunt duæ extensiones formales immensæ  
inter se compenetratæ, quod esse non potest (ex  
prop. 89.)

Prop.

Prop. CXVII. Substantia spatii mundani nequit esse una, immobilis, & indivisibilis: nam si ita esset, esset distincta a substantia materiæ, quod esse nequit (per prop. superiorem.)

Prop. CXVIII. Substantia spatii mundani, si est ipsa Dei substantia, ut quidam Angli opinantur, Deus est substantia Spinozæ. Nempe si ita est, substantia Dei erit formaliter extensa: quæcum penetrat totam substantiem materiæ, efficit cum illa unum, idemque subjectum universi, ac propterea Deus erit una, & sola universi substantia, quod est Spinozisticum.

Prop. CXIX. Substantia spatii non est ipsa substantia Entis æterni. Nam si ita esset, unum esset Entis æterni, & contingentium substantia, quod esse nequit (per prop. 24.)

Prop. CXX. Quoniam ergo substantia spatii mundani non est substantia Dei, nec esse potest distincta a materia, sequitur nihil aliud esse, nisi materiae ipsius extensionem.

Prop. CXXI. Si ergo attendamus ad naturam spatii mundani, facile reperiemus, primum esse illud formaliter extensum, adeoque ejus partes esse realiter extensas. Deinde non posse non esse intrinsecus divisibile: nam quæ sunt realiter distincta, sunt quoque naturâ suâ separabilia. Postremo ejus partes non posse non esse solidas; alioquin minima vi totum spatiū mundanum in punctum geometricum abire posset, ut idcirco tanti in eo motus esse non possent. Ex quibus omnibus consicimus esse corporeum, seu esse extensio-

nem fluidissimæ , flexibilis , minimeque gravis materiæ , quæque poros crassiorum corporum facile permeare possit , qualis ea est materia , quæ extracto aere superest in Campana Boyleana , quæ decidentibus corporibus obstaculum objicere non videtur.

## C A P U T X.

### *De primis corporum substantiis.*

Prop. CXXII. **C**orpora esse composita in perspicuis est. Quum autem composita ex componentibus constent , in id modo inquirendum est , quænam sint prima corpora componentia , seu primæ corporum substantiæ . Quâ in re illud primum constat , corpora non esse aggregata ex meris modis sine ulla primis substantiis : id enim esse nequit. Quare esse debent in corporibus primæ quædam substantiæ .

Prop. CXXIII. Deinde constat non esse unam primam corporum substantiam , sed plures ; sunt enim corpora divisibilia in inumeras partes ; nec , si una esset eorum substantia , divisibilia essent.

Prop. CXXIV. Constat præterea primas cujuscunque corporis substantias non posse esse infinita æqualia extensa , aut partes aliquotas minimæ etiam magnitudinis : nam infinita æqualia extensa , veluti infiniti pollices cubici , infinitæ lineæ , infinitam extensionem conficiunt. Quare si primæ corporum substantiæ extensionem sui generis aliquam habent , necesse est , ut finitæ sint nume-

to in uno quolibet corpore. Si vero infinitæ sint numero, nullam habere debent extensionem.

Prop. CXXV. Sed necesse non est, ut numerus sint infinitæ primæ cujusque corporis substantiæ. Nam ex finitis numero, et si innumerabilibus, habentibus tamen aliquam extensionem sui generis, id est virium suarum, recte intelligi potest, mundana corpora constare.

Prop. CXXVI. Omnes corporum substantiæ vi aliqua activa præditæ sunt, quæ est earum proprietas essentialis. Primum substantiæ corporum, nisi præditæ essent vi aliqua activa, qua libi suuo resisterent, ne penetrarentur, nullo modo extensionem ullam resistentem efficerent. Deinde sunt in singulis corporibus vires quædam activæ, aliæ communes, ut vis soliditatis, aliæ peculiares, ut vires plasticæ, & animales, vires huminis, & ignis, ac *natura* aliorum corporum. Quum autem quicquid virium est in compositas proficiatur a componentibus; sequitur & primæ corporum substantias esse activas.

Prop. CXXVII. Ex quo sequitur diversitatem corporum, quæ in mundo sunt, non provenire a sola diversitate figuræ, & situs primorum componentium, sed à viribus maxime activis, & propriis singulorum generum corporum. Nam si à sola diversitate figuræ, & situ diversa corporum genera prodirent, omnia corpora possent in omnia transmutari, id quod nec arte unquam, nec natura fit. Mercurius ex. g., Sal, Aqua, aliaque corpora simplicia, nulla nec naturæ, nec artis

vi esse possunt aliud, quam quod sunt, in quod tandem redeunt, etiam post omnes transmutationes.

**Prop. CXXVIII.** Però activæ illæ vires primigeniarum substantiarum omnes sunt incorporeæ, id est nec solidæ, nec divisibiles, ac propterea non possunt dici corporeæ, nisi quatenus ad corpora pertinent. Nam eæ sunt propriæ primatum substantiarum incorporearum.

**Prop. CXXIX.** Magna universi corpora coalesce-re nequeunt, nisi primæ, ex quibus constant, substantiæ, vi centripeta, seu gravitationis in commune centrum sint præditæ. Nam sine hac vi, qua ad commune centrum propelluntur, ac propterea aliæ cum aliis copulantur, diffuerent, ut nihil inde stabile, ac solidum confici posset. Prima ex. g. elementa Telluris, Lunæ, Suturni, Solis, &c. nisi vi centripeta essent prædicta, alia ab aliis disilirent, nec proinde quidquam compa-ctum conflare posseat.

**Prop. CXXX.** Hæc vis non potest esse attrac-tio centrorum magnorum Orbium. Nam hæc centra nihil sunt aliud, nisi puncta indivisibilia, in quæ singula eorum corporum elementa, unde-quaque gravitant: hæc autem indivisibilia puncta, quæ non re-sunt, sed in imaginatione, haberent etiam quidquam activitatis possunt? Prima ex. g. elementa Telluris in Telluris centrum gravitant. Quid est autem hoc Telluris centrum, ut vi sua ea elementa abs extima aeris regione ad se tra-hat? Qui id affirmant, trii vim nihilo tribuunt, ac

ac petius quæ cupiunt, quam quæ intelligunt, pronunciant. Sol, inquiunt, magnitudine sui corporis tanta vi est præditus, ut sexdecim Planetas circum se rapiat. Demus id tantisper. Sed quoniam Sol corpus est compactum; nec id esse potest, nisi singula elementa quibus constat, ad Solis centrum gravitent; (prop. 129.) nec vero ea centra quidquam sunt, nisi indivisibilia puncta; centrumne etiam Solis vi tanta præditum erit, ut primum singula tanti corporis elementa ad se trahat: deinde ut eamdem vim ad Saturnum usque porrigit?

Prop. CXXXI. In hypothesi spatii immensi, & æterni centra Planetarum, & Stellarum non possunt esse anteriora directione elementorum eo tendentium. Nam quocumque modo hujusmodi elementa considerentur, seu æterna, seu creata, quum in infinito spatio puncta sint infinita, quæ singula esse possint centra magnæ alicujus eorum elementorum partis; necessarium est, ut primum concipiamus elementa vi quadam ætiva prædicta, eaque in centrum aliquod directiona, quam hoc centrum. Quare centra hujusmodi sunt seu tempore, seu origine directione elementorum posterio.

Sch. Quia ex re iterum fit, ut ea vis non attrahens sit, sed propellens, seu interius propellat, seu exterius.

Prop. CXXXII. Hæc vis nequit esse corpus aliquod fluidum cætera ad commune centrum approximans, nisi id fluidum naturæ sit diversæ

fluidis nobis notis, ac proinde nobis ignotum. Principio si id esset, ageret in corporum superficiem, non etiam in internam substantiam. Hoc vero si esset, corpora mole aequalia aequali vi, & velocitate propellerentur: quare essent aequae gravia. Ita aequales moles auti, & suberis aequae gravitarent. Quod iquum non sit, ne illud quidem esse potest.

Deinde fluidum illud & ipsum centripetum esset: per se ipsum vero, an ab alio fluido actum? posterius qui dicit, nullum hujusmodi fluidis multiplicandis finem faciet. Quod si primum verum est, quid causæ est, cur non cetera quoque elementa ipsa per se esse centripeta dicamus?

Prop. CXXXIII. Quod elementa matetiæ non unum omnia, sed diversa centra, atque haec potius, quam alia habeant, id vi causæ incorporeas, & consilio operantis, sit. Nam haec elementa non à centris attracta (prop. 130.) nec mechanice impulsa (prop. 132.) sed ipsa per se centripeta sunt. Quum autem infinita sint in immenso mundo spatio puncta, in quæ centripeta esse potuerint, aut in unum omnia, aut in alia diversa, quam in haec, quæ habent, ut diversa haberent, iatque haec potius, quam alia, id esse debuit à causa, quæ sit extra omnia corpora. Porro quum ea centra ita disposita sint, ut artem, & conditionem manifesto praeserverant; ea causa non solum extra omnia corpora est, sed arte, & conditione agit, id est incorporea est, & intelligens.

Corol.

Corol. Mundus factus est, atque arte & consilio Mantis intelligentissimæ, viresque centripetæ, ut centrifugæ, sunt vires ab eadem causa elementis omnibus insitæ, quæque agunt intrinsecus corpora, quibus indita sunt, pellendo, non extrinsece attrahendo. Constat ex prop. super.

Prop. CXXXIV. Non omnis materia mundana est actu centripeta. Nam lumen, & ignis è Sole, & Fixis quaquaversum, velut è centro sphæræ, in ambitum effunduntur; ergo actu centrifuga sunt. Tum subtilissimus æther, qualis est in vacuo Boyleano, nulla nec gravitate, nec levitate præditus est: id quod demonstrari potest ex eo, quod in eo vacuo corpora cuiuscumque generis, & figuræ æque velociter descendant, id quod esse nequirit, si tenuia illa fluida gravitatem ullam haberent; quum conister ex cænonibus mechanicis, corpora, quæ in fluido eodem descendunt, descendere magis, aut minus velociter in ratione gravitatis specificæ.

Prop. CXXXV. Primigeniæ corporum substantiæ non sunt æternæ. Nam sunt varie modifiables: ergo non habent necessitatem existentiæ; nec proinde existentiæ.

Corol. Cum hæ substantiæ sint prima mundi materies: consequitur primam mundi materiem non esse æternam.

## C A P U T XI.

*De Tempore, & Motu.*

**Prop. CXXXVI.** Duratio non est ens distinctum à re durante. Nam duratio est continuata entis existentia (ex definit. 78.) ; ergo quemadmodum existentia non est ens distinctum ab ipso ente , quod existit , ita ne continuata quidem existentia , seu duratio.

**Prop. CXXXVII.** Ex quo sequitur Ens aeternum , quod perpetuo existit , perpetuo durare , ac propterea in sempiternitate esse successionem metaphysicam , seu durationem , licet nulla sit in ea successio physica , seu successio statuum divisorum , quod ens aeternum totum simul sit , & immutabile.

**Prop. CXXXVIII.** Motus de loco in locum , atque propterea vis motrix , actio , & vis sunt reales , & positivæ : nempe iis deinceps aliquid reali corpori demittitur. Id est per se perspicuum.

**Prop. CXXXIX.** Quies igitur localis non est quid per se positivum. Est enim motus privatio ; ergo privatio positivi (per ant.) ; nec propterea positivum. Igitur sunt sophisticæ argumentationes ex quibus quidam Philosophi quietem rem positivam demonstrare student , & motum privationem positivi : scilicet philosophantur extra ideas humanas , quod non licet (ex post. 1.)

**Prop. CXL.** Motus localis est qualitas , & pro-

prietas positiva essentiae materiae superaddita. Nam corpora tam sunt corpora, quum moventur, quam quum quiescant, modo extensa sint, & solidae; motus ergo localis est proprietas essentiae materiae superaddita.

Prop. CXLI. Primus ergo status materiae est quies: nam ad ejus essentiam non est necessarium, ut de loco in locum moveatur (per prop. ant.)

Prop. CXLII. Nullum corpus se ipsum movere potest. Motus, & vis motrix sunt quid positivum (prop. 138.); nullum autem ens sibi quid positivi dare ipsum per se potest (prop. 7. & 11.); igitur nullum corpus se ipsum movere potest.

Prop. CXLIII. Omne corpus resistit causae moventi. Id patet ex vi, quam causa movens experitur, dum corpus quocumque impellere, aut trahere conatur. Hæc vis inertia dici solet.

Prop. CXLIV. Corpus in motu positum resistit vi motrici. Motus est quid positivum naturæ corporeæ adveniens (prop. 140.), nec primus materiae status (prop. 141.); ergo a vi aliqua externa ei inditus. Hæc vis est causa corpus movens, cui omne corpus resistit (prop. ant.); ergo omne corpus motum suapte natura resistit vi motrici.

Prop. CXLV. Omne corpus perseverat in æternum in statu quietis, nisi à causa externa impellatur. Corporis primitivus status est quies; motus accedens (prop. 141.): unde vero nisi extrinsecus? Nisi ergo accedat extrinsecus, corpus æternum in statu primitivo perdurat.

Prop. CXLVI. Nullum corpus perseverare æternum potest in statu sui motus , etiam si à causis externis non retardetur. Nam quodlibet corpus per se ipsum suapte natura vi motrici resistit ; id efficit quominus vis morrix integrum suum efficium obtinere possit. Quum autem continenter resistat, continenter quoque eam vim debilitat ; quæ si deinceps , nisi sit infinita , tandem aliquando extinguitur necesse est.

Sch. Hæc propositio opposita est non solum Philosophorum turbæ , sed etiam præclarissimum Philosophorum dogmatibus. Interim ea sequitur ex natura corporeæ , id quod præclare animadvertisunt Encyclopediæ Gallicæ Auctores. Atque hinc quoque sequitur , vires mundanas , quibus universum conservatur , indigere causæ extra omnia corpora possit , qua perpetuo recreentur , etiam si in puro vacuo moveantur. Moveri autem in vacuo puro nullo modo possunt , id Newtono ipso fatente : nam lumen & ignis Fixanum totum mundanum spatiū implere videntur ; & vapores , atque exhalationes Planetarum , & Comistarum majus quoque obstaculum affere. Itaque fit , ut omnibus omnino modis eas vires infringi , & debilitari necesse fit. Conservantur tamen : quod quum nec hæc corpora ipsa per se effici posseint , nec ulla alia ; perspicuum est à causa fieri , quæ sit extra omnia corpora .

Prop. CXLVII. Corpora moveri possunt infinitis modis , sive ordinatis , sive perturbatis. Nam quum non ipsa sese moveant (prop. 142.) , sed

a causa exterioria (prop. 140.) ipsa per se indifferētia sunt ad omnem motus directionem, omnemque intensitatem, & velocitatem motū.

Prop. CXLVIII. Primitivæ leges motuum corporum mundi non ex natura corporea originem habent, sed ex finibus. Nam leges primitivæ sunt, quæ ita motus directionem, intensitatem, velocitatem figunt, ut ita perpetuo eant, quæque ab aliis non pendent; quum autem corpora sint suapte natura indifferentia ad omnem directionem, intensitatem, velocitatem motus (prop. ant.) ex regulæ a natura corporea profici si nequeunt, sed totæ sunt a causa movente. Neque vero alia ratio causam moventem impellere potest ad eas leges constituendas, quam alias, nisi finis, & ordo.

Sch. Hoc ipsum probari posset a posteriori, demonstraturque ab iis, qui fines rerum corporarum perscrutati sunt. Vide Derham, & Newentium.

Prop. CXLIX. Leges corporum physicæ demonstrant hanc rerum universitatem esse arte, & consilio factam. Nam eæ demonstrant corpora esse ob fines suos sic potius, quam alio modo, mota, ac disposita (prop. ant.); Quodcumque autem ob finem aliquem sit, quem constanter assequitur, arte, & consilio sit.

Prop. CL. Motus accelerari potest in infinitum. Detur spatium infinitum, & in eo corpus motum, quod æquabiliter semper acceleretur: ita intelligitur motum posse in infinitum accelerari.

Prop. CLI. Motus, quantumvis acceleratus, fie-

fieri nequit in instanti indivisibili. Dicitur Motus, quantumvis acceleratus, debet esse actio, qua mobile de loco in locum transfertur (ex definit. 82.), adeoque actio succettiva. Actio autem successiva est continuata existentia, & haec duratio: ergo quilibet motus, quantumvis acceleratus, durat, nec propter ea sit in instanti indivisibili.

Sch. Ex quo confequitur paradoxum incredibile, rem motu infinite veloci actam non pertransire lineam infinite parvam, nisi tempore in infinitum divisibili.

## C A P U T XII.

### *De rerum Perfectione, Bonitate, & Veritate.*

Prop. CLII. **N**ullius rei Entitas plene à nobis cognosci, & absolute dimittiri potest. Nam nulla res est, cuius nos ideam habeamus adæquatam.

Prop. CLIII. Ita comparati à natura sumus, ut eas res dicamus infinitas, quibus alias majores percipere non possumus.

Prop. CLIV. Minorem entitatem comparatam ad maiorem imperfectam dicere solemus. Scilicet nobis infinitum est id, quo majus excogitare non possumus.

Prop. CLV. Ex notione imperfectionis, id est minoris entitatis, demonstrari non potest, nos habere notionem perfectionis absolute infinitæ, sed relative tantum (per prop. antecedentem.)

Prop.

Prop. CLVI. Naturales substantiarum contingentium perfectiones, seu proprietates substantiales naturae, in nihilum redigi non possunt. D. Ita enim substantiae ipsae in nihilum suapte natura abire possent, id, quod fieri nequit (per prop. 37.)

Prop. CLVII. Infinite perfectum est infinite bonum absolute. D. Nam bonitas absoluta, seu entitas, & perfectio reciprocantur (per defin. 88.)

Prop. CLVIII. Ens absolute, & infinite bonum est in se beatissimum. D. Quia habet in se totum id, quod ad plenam beatitudinem necessarium est, seu est ens sibi ad beatitudinem sufficientissimum.

Prop. CLIX. Ens, quod est absolute infinitum, & bonum, est & summum bonum relativum. D. Nam hoc ens est ens aeternum, in quo est ratio sufficiens perfectionis, ac propterea bonitatis omnium contingentium (per prop. 14.), quod idcirco vult, ut contingentia perfecta sint, & bona.

Prop. CLX. Omne ens metaphysice verum est. D. Nam omne ens essentiae suae archetipae aeternae congruit: cum autem ea sit veritas metaphysica (ex definit. 87.), omne ens metaphysice verum est, seu est id quod esse debet. Sceptici, qui veritatis comprehensionem negabant, non hanc negabant veritatem metaphysicam. Vid. Sext. Emp.

Prop. CLXI. Quod ita est, ut impossibile intrinsecum sit aliter esse, necessario, & immuta-

biliter id est, quod est. D. Nam nisi necessario, & immutabiliter est id, quod est, potest aliter esse, contra hypothesim.

Prop. CLXII. Omnis propositio, cuius oppositum est intrinsecus impossibile, est necessario, & immutabiliter vera. Nam ea propositio ita est id, quod est, ut impossibile intrinsecum sit aliter esse: quæ autem sunt talia, necessario, & immutabiliter sunt id, quod sunt (prop. ant.) &, quæ necessario, & immutabiliter sunt id, quod sunt, sunt necessario, & immutabiliter vera; omnis ergo propositio &c.

Sch. Hujusmodi sunt hæ propositiones. Non potest idem simul esse, & non esse: Totum est maius sua parte: Quæ eidem sunt *equalia*, & inter se sunt *equalia*, &c.

Prop. CLXIII. Quum propositiones abstractæ ejus generis, de quo in superiori propositione dicendum est, clare a nobis cognoscantur, non solum naturaliter, sed etiam logice sunt veræ. Earum propositionum idæ sunt abstractæ (ex hypothesi); ergo ipsæ sui ipsarum sunt objecta. Quum autem sint sibi consentaneæ, sequitur esse objectis suis consentaneas. Id autem est esse logice veras: ergo sunt logicæ veræ. Porro quum necessario, & immutabiliter sint id, quod sunt, (ex prop. ant) etiam logice necessario, & immutabiliter sunt veræ.

Sch. Sceptici ergo negare non possunt nec veritates naturales, nec veritates logicas abstractas. Igitur Disciplinæ Mathematicæ puræ, & Ontologicæ veræ Scientiæ.

Prop.

Prop. CLXIV. Quæ cum natura , & constan-  
tia ordinum , & legum mechanicarum mundi  
pugnant , ea naturaliter effici non possunt. D. Nam  
ea naturaliter fieri dicimus , quæ ex natura re-  
rum hujus mundi , & secundum rerum naturalium  
mechanicas leges fiunt : ergo quæ contra eam na-  
turam , & eas leges fiunt , ea non fiunt naturaliter.

Prop. CLXV. Omnis propositio , cuius opposi-  
tum pugnat cum natura , & legibus mechanicis  
mundi , tam necessario est id , quod est , quam  
necessario res mundi , earumque órdo , & leges  
sunt id , quod sunt. Nam ea propositio est secun-  
dum naturam , & leges rerum hujus universi ; er-  
go quamdiu res universi erunt id , quod sunt ,  
& quo modo sunt id , quod sunt , tamdiu , & eo-  
dem modo propositio illa erit id , quod est.

Prop. CLXVI. Quæ propositiones generis su-  
perioris a nobis clare cognoscuntur , & continuis  
experimentis confirmantur , non solum physice ,  
sed logice sunt veræ. Nam quæ propositiones sunt  
tales , eæ secundum ordinem mundanum sunt (ex  
prop. ant.); quæ vero secundum ordinem mun-  
danum sunt , physicè sunt veræ. Deinde cum cla-  
re cognoscantur , & continuis experimentis con-  
firmentur , non possunt a nobis esse confitæ , sed  
a mundo ipso in nobis impreßæ : nam proposicio-  
nes phantasticæ , & chimericæ constantiam habe-  
re non possunt , sunt ergo logice quoque veræ.

Prop. CLXVII. Immutabilitas , & evidentia  
propositionis , quæ constantissime semper eadem  
est , a nobis non proficitur , sed a causa immu-

tabili, id est, ab objecto immutabili. Nam quæ commenta sunt nostra, ea voluntatis nostræ, aut phantasie inconstantie subjecta sunt: quæcumque igitur ejus inconstantie expertia sunt, a nobis non proficiuntur.

Prop. CLXVIII. Ex propositiones, quarum immutabilitas, & claritas a nobis non proficiuntur, certæ nobis esse debent. Nam ex non sunt tales, nisi quia immutabilia objecta (ex prop. ant.): quæ vero sunt huiusmodi, sunt immutabiliter vera, debent esse certa; ergo hæ propositiones certæ nobis esse debent.

Prop. CLIX. Ea propositio, cuius oppositum est intrinsecus impossibile, habet certitudinem mathematicam. Nam ea propositio necessario, & immutabiliter est id, quod est (per prop. 163.)

Prop. CLXX. Ea propositio, cuius opposita est impossibile physicum, seu cum universi ordine pugnans, habet certitudinem physicam. Nam ea tam immutabiliter est id, quod est, quam universum (prop. 164.)

Prop. CLXXI. Non solent homines plures rem unam, eandemque, velut oculati testes, tellari, nisi quum id vere oculis suis conspexere, praesertim, quium, ut testentur, nulla vi constat esse subagitatos.

Prop. CLXXII. Quum ex iis factis, quæ plures oculati teste tellata faciunt, effecta realia, & publica sequuntur sunt, quorum vestigia aut etiam diu superfluit, aut diu publica fuere, tam licet de iis factis dubitare, quam de rerum naturatum existentia.

Prop.

Prop. CLXXXIII. Quæ historia narratur a pluribus testibus oculatis eumdem in modum haber certitudinem moralem. Nam ea tam constanter est id, quod est, quam homines sunt id, quod sunt; homines autem non solent hunc in modum testari, nisi factio ipso percussi.

Prop. CLXXXIV. Infinitas propositiones habemus eorum generum, de quibus superius dictum est. Apello ad Scientias Mathematicas, & Physicas, ad Historiam, & ad totam vitam socialis.

Prop. CLXXXV. Scepticismus, aut ludicum est, aut insaniam. D. Sceptici sunt, qui negant quidquam a nobis sciri, & comprehendendi posse cum certitudine. Cum autem plura cognoscamus cum certitudine mathematica, physica, morali (ex superioribus propositionibus); sequitur scepticismum esse aut ludicum, aut insaniam.

## DEFINITIONES

Def. I. Argumentum a quo res intelliguntur, quia continent cognitionem significavit, & interpretantur inter se. Quo nos cognitiones significare possunt, ut in operi hinc dicimus. Secundum significavit, & significare possunt, ut in operi hinc dicimus.

# ELEMENTORUM METAPHYSICÆ

## PARS ALTERA

*Qua continentur principia Psychesophicæ.*

**P**ostquam de generalibus Ontologiæ, & Cosmologiæ principiis in priori parte differuimus, superest, quo integra Metaphysicæ elementa habeamus, ut de Spiritibus pertractemus, quæ tractatio *Pneumatologia* Philosophis appellatur. Sunt autem spiritus Animæ humanæ, Angeli, Deus. In hac parte de Mente humanâ disputationibus, mox in tertia parte de Deo dicturi. Tractatio de animabus humanis appellari solet græco vocabulo *Psichologia*, id est scientia de anima. Est vero hæc tractatio in primis Philosopho necessaria: nihil enim noscere nostra magis interest, quam nos ipsos. Hujus scientiæ methodus erit eadem, qua in superiori parte usi sumus.

## DEFINITIONES.

Def. I. *Mentem* voco rem intelligentem, principium cogitationum activum, & substantiam intelligentem. Cum nos cogitamus, necesse est, ut sit in nobis principium aliquod, & subjectum co-

gitans (per prop. 91. primæ partis) id *mentem* dico. Illud hoc in loco pervestigandum est, cuius naturæ sit principium hoc, & substantia intelligens: quæ ejus proprietates: quæ vis in corpus: quæque ex ejus cum corpore unione sequantur.

Def. II. *Intellectus* est ea mentis facultas, qua percipit, judicat, ratiocinatur, &c. Vocari quoque solet aliquando ratio, seu calculus, præser-tim cum judicamus, & ratiocinamus. *Enimvero* intellectus est facultas calculatrix.

Def. III. *Perceptio Philosophis* est unius ideæ contemplatio, quin eam cum ulla alia compararemus.

Def. IV. *Judicium* vero est plurium idearum, earumque relationum clara, atque evidens perceptio, seu calculus.

Def. V. *Ratiocinatio* est plurium judiciorum inter se concatenatorum calculus, institutus ad id clare intelligendum, quod intuitione non perspicitur.

Def. VI. *Idea* est forma quædam rei cuiusvis, aut existentis, aut possibilis.

Schol. Ex. g. definitio Quadrati, figura quadrilatera, rectangula, & æquilatera, est ejus rei perceptio, idea, & notio: definitio Trianguli est ejus perceptio, & idea. Quum autem ad calculum adduco Quadratum, & Triangulum, aut duo Quadrata, atque percipio clare, Quadratum rem esse diversam a Triangulo, aut duo Quadrata esse æqua-lia, vel inæqualia, ea mentis operatio *judicium* dicetur. At si considero Quadratum, & Triangu-lum

Ium æque alta , & eandem basim habentia , reperio Quadratum esse duplum Trianguli : sed id sine calculo quodam plurium judiciorum non detego ; ea intellectus nostri actio dicitur *ratiocinatio* : cuius si & principia , & progresio , & complexio fuerint clara , & evidenter , erit *demonstratio*.

Def. VII. *Memoriam* vocamus , facultatem ea iterum percipiendi , quæ alias sunt a nobis percepta.

Def. VIII. *Reminiscētia* est actio ipsa , quam alias perceptam , iterum percipimus , cum sensu tamen ; seu conscientiā fuisse alias perceptam.

Def. IX. Vocamus *facultatem sentiendi* eam , qua motus in organis sensoriis , aut ab externis objectis , aut a causis in ipso corpore nostro existentibus excitatos percipere possumus. Ea est primus perceptionis gradus : homines enim primum sentiunt , mox imaginantur , hinc ratiocinantur , postremo sapiunt.

Def. X. Facultas *imaginandi* dicitur ea , qua ideas corporeas absentium corporum nobis representamus , varieque copulamus , augemus , minui- mus , & qua res ipsas incorporeas sub corporeis imaginibus nobis depingimus. Ea sensum sequitur , & quodammodo provehit : est enim laius sensus.

Def. VI. *Vita* posita est in actione aliqua perenni , quæ ex principio activo rei , quæ vixit , intrinseco manat , quæque cui sui sensu conjuncta est ,

est, si rationalis sit: sine sensu vero sui est, si minime sit rationalis.

Def. XII. *Appetitus* seu *desiderium* est propensio animi erga bonum perceptum, seu vis naturæ explicatur adversus bonum perceptum, quod nobis deesse sentimus: aversio vero est cum animus refugit a malo percepto, seu reactio adversus malum perceptum.

Def. XIII. *Inascibilis* est excita in nobis vis, qua nos audientes evadimus ad ea obstatula superanda, quæ appetitui, aut aversioni opponuntur. Qui eâ destituuntur pusillanimi, & timidi dici solent.

Def. XIV. *Instinctus* est ea naturæ animalis vis, qua in objecta sibi consentanea fertur, non ullâ animi ratione, sed ipsâ naturæ constitutione.

Sch. *Inascibilis* est vis, quæ nunquam ipsa per se excitatur, sed actione obstatuli: *instinctus* vero actione naturæ.

Def. XV. *Libertas* est illa mentis facultas, qua possumus quidpiam eligere, aut fugere, prout nobis ex ratione boni, vel mali propria libitum fuerit. Solet distingui libertas in *libertatem à coactione*, & *libertatem à necessitate naturæ*. Illa dicitur, quæ est immunis ab externo Fato: hæc vero, quæ est immunis ab interna, & mechanica naturæ nostræ necessitate.

Def. XVI. *Voluntas* est ultima mentis determinatio, qua nos ad bonum repræsentatum amplectendum, aut malum repræsentatum fugiendum, libere determinamus. Hæc distinguenda est ab appetitu: nam voluntas sui juris est, non vero appetitus.

Def. XVII. *Sensus moralis* est ingenitus naturæ nostræ sensus, quo sine ullo ratiocinio honestum a turpi naturaliter discernimus. Dici quoque solet *sintheresis*, & *consciencia moralis*. Hunc sensum boni, & mali moralis regulam quidam Philosophi constituunt, ut gustum regulam, & judicem dulcis, aut acris saporis. Qua de re loco suo.

Def. XVIII. *Habitus* sunt facilitates hominis, quibus actus aliquos expeditius edere possumus, acquisitæ continuatione actuum.

Def. XIX. *Affectus* voco eas naturæ humanæ commotiones, quæ ex perceptione boni, vel mali nascuntur, quales sunt amor, metus, ira, similes.

Def. XX. Sunt affectus alii *veri*, alii *falsi*. Illi sunt, quorum objecta sunt realia, nec majora, aut minora affectibus. Hi vero, quorum aut objecta nulla sunt, nisi imaginatione, aut iis affectibus majora, vel minora.

Def. XXI. Affectus alii sunt *rationales*, alii *mechanici*: item alii *privati*, alii *sociales*. Rationales a ratione progignuntur, veluti voluptas contemplationis, amor justitiae, virtutis, &c. Mechanici ab objectis corporeis, veluti amor venereus, ira, metus mali impendentis, &c. Sed sunt quidam mixti, alii quidem in quibus ratio, & vis objecti mechanica ex aequo dominantur; alii in quibus magis ratio; alii tandem in quibus magis vis mechanica. Privati sunt, qui extra nos non tendunt, velut amor proprius, ambitio, ava-

ritia , &c. Sociales , quorum objecta sunt alii homines , velut amicitia , misericordia , &c.

Def. XXII. *Beatitudo* perfecta est status fruitionis sine ulla tristitia , dolore , metu , seu status perfectæ , & æquabilis voluptatis. *Beatitudo* naturalis in hominibus est cum summa voluptatum longe excedit summam dolorum totius vite.

Def. XXIII. *Virtus* est habitus facultates hominis rationales perficiens , atque ad beatitudinem ducens. *Vitiūm* vero habitus facultates illas deteriores efficiens , & impeditiores ad beatitudinem.

## PROPOSITIONES.

### C A P U T I.

*De natura mentis humanae.*

Prop. I. **S**i mens , aut corpus est , aut corporis proprietas , qualitas , affectio , non vero substantia a corpore distincta , id earum representatio , & perceptio , tum iudicium , & ratiocinatio , aliisque cogitandi modi non aliter in nobis procreari possunt , quam motionibus partium corporis , nimisrum actione , & rectione fibrarum , & nervorum cerebri , sanguinis , aut cuiuscumque alterius fluidi. Scilicet nullam aliam actionem in corpore cognoscimus ; nec reprehendendi sumus , si ex iis ideis philosophemur , quas omnes homines habent.

Prop.

Prop. II. Nec judicium esse ullum in nobis potest, nec ratiocinum, nisi plures eodem tempore menti obversentur ideæ, id est, eæ omnes, quæ judicio, aut ratiocinio comprehenduntur. D. Nam nisi simul obversentur, conferri nullo modo possunt: nec, si non conferantur, judicare, aut ratiocinari possumus.

Corollarium. Et quidem omnes hujusmodi ideæ coexistere debent toto illo temporis spatio, in quo judicium, aut ratiocinum viuidum perdurat.

Prop. III. Si perceptiones sunt motiones cerebri, oportet, ut tot excitentur in cerebro distinctæ motiones, quod diversæ, & distinctæ ideæ nobis obversantur. D. Nempe in ea hypothesi ratio sufficiens repræsentationis cuiuslibet objecti, ac propterea cuiuslibet ideæ, est in motione cerebri: ergo nequit una, eademque motio plura, & diversa objecta referre, nec propterea unâ motione plures comprehendi ideæ.

Corol. Et quidem motiones hujusmodi tamdiu durare in cerebro debent, quamdiu ei vivide ideæ observantur.

Prop. IV. Motiones corporeæ nequeunt in indivisiili extensi parte fieri, neque idcirco in ea parte gigni ideæ Hobesianæ. D. Nam ideæ Hobesianæ sunt motiones cerebri: cum autem motus sit actio, qua ens de loco in locum transfertur, fieri nequit in indivisiili extensi parte, nec propterea in indivisiili extensi parte ideæ Hobesianæ progigni.

Prop. V. Conscientia perceptionis, judicii, & ratiocinii, est perceptio perceptionis, judicii, &

ratiocinii , ut patet : ergo si perceptiones , iudicia , ratiocinia non sunt , nisi motiones cerebri , eorum conscientia esse debet motio ab iis distincta .

Prop. VI. Collatio , seu calculus idearum , qua judicia , & ratiocinia existunt , est actio ab ideis , quae conferuntur , diversa . D. Nam ideæ sunt actiones , quæ objecta repræsentant : collatio vero idearum est actio , qua ideæ conferuntur .

Prop. VII. Conscientia perceptionum , & iudiciorum nequit esse motus corporeus . D. Nam si est , est actio individua : cum autem individua sint talia , ut nullum eorum contineat alterum , sed se ipsum tantum ; sequitur nullum eorum alterum repræsentare posse . Quare si conscientia est motio , & individua , non potest repræsentare , nisi se ipsam , non vero etiam alias perceptiones , & judicia , nec proinde conscientia est . Conscientia ergo perceptionum , & iudiciorum non est motus corporeus .

Prop. VIII. Judicium & ratiocinium nequeunt esse motus corporei . D. Judicium est plurium idearum , earumque relationum perceptio : ratiocinium vero perceptio relationum plurium iudiciorum (ex def. 4. & 5.) ; eaque perceptio est actio distincta ab ideis , quæ conferuntur (ex prop. 6.) . Si sunt motus corporei , sunt actiones individuae ; quæ non possunt reserre nisi seipsas : hoc modo nec iudicia sunt , nec ratiocinia . Judicia ergo , & ratiocinia nequeunt esse motus corporei .

Prop. IX. Mens humana nequit esse temperatio naturæ corporeæ , qua vigeamus , & sentiamus

mus, quæque sit a corpore inseparabilis, quæ fuit opinio Dicæarchi, & ejus magistri Aristotelis. D. Si enim ita sit, actiones mentis, perceptiones, judicia, ratiocinia, conscientia, erunt motus corporei (ex prop. 1.), quod nullo modo esse potest (ex prop. 7. & 8.)

Prop. X. Mobilitas singularum partium conjuncta cum divisibilitate in infinitum, soliditas, & inertia sunt corporis proprietates essentiales. Est inter explorata, constatque inter Physicos.

Prop. XI. Judicium, & ratiocinium pugnant cum superioribus corporis proprietatibus. D. Nam judicium, & ratiocinium sunt actiones, qua plures ideæ conseruntur (ex definit. 4. & 5.); nec vero conferri possunt plures ideæ, nisi eodem tempore eidem indivisibili percipienti coexistant (ex prop. 2.): si autem sunt motus corporei, necesse est, ut eodem tempore plures motus representantes plures ideas, ac proinde, ut plures partes, quæ moventur, eidem indivisibili coexistant, quod destruit soliditatem corporis.

Tum vero perceptio, & comparatio plurium idearum non potest fieri, nisi in eodem indivisibili, in quo ideæ illæ coexistunt: si cogitatio, & ratiocinatio sunt motus corporei, divisibilitate partium dilabentur, & diffundent: cogitatio ergo pugnat cum divisibilitate corporis.

Tandem inest in nobis vis quædam, qua motus in corpore nostro & excitare possumus, & excitatos cohibere: ea vis cum cogitatione conjuncta est, & ab ea pendet. Si cogitatio est motus

tus corporeus, inest in corpore vis, quæ in etiam destruit, cogitatio ergo pugnat cum tribus illis corporis essentialibus proprietatibus.

Prop. XII. Mens humana est substantia incorporea. D. Primum, cum cogitationes sint actiones qualemcumque, esse debet earum vis aliqua, seu potentia productrix (ex prop. 92. primæ partis), ac propterea ejus potentiae subiectum, seu substantia aliqua (ibidem prop. 93.) Jam si id subiectum corpus est, cogitationes omnes erunt motus corporei (ex prop. 1.); quod cum esse nequeat (ex prop. 8); cogitationes pertinere non possunt ad subiectum corporeum. Substantia ergo cogitans corpus non est.

Secundo, si mens humana non est incorporea, erit aut habitus, & temperatio corporis, aut ejus attributum aliquod substantiale. Primum esse nequit (ex p. 9.), nec secundum, quia mentis actiones pugnant cum præcipuis corporum proprietatibus essentialibus (ex p. 11.); nec potest idem constare ex iis, quæ se mutuo destruunt (per prop. 2. primæ partis); substantia ergo cogitans incorporea est.

Corol. Attributa essentialia mentis omnino sunt diversa ab essentialibus corporis attributis: nam substantiarum diversarum iisdem attributis constare nequeunt.

Prop. XII. Mens humana, quoad vivit, perenni perceptione prædicta sit, neceste est. Nam mens humana est substantia a corpore diversa, ejusque attributa essentialia diversa ab attributis essentiis,

libus corporis (per prop. 12.); ergo & vita mentis diversa esse debet ab ea, quæ corpori vulgo tribuitur. Jam posita est vita in perenni actione manante ex vi rei viventi insita (ex def. 11.), & nulla alia perennis actio in mente esse potest, qua vivat, nisi percepio; mens ergo perenni perceptione, quoad vivit, praedita est.

Sch. Sed queretur hic, quibus de rebus, cum primum mens corpori unitur, cogitat. Fieri potest, ut prima objecta suarum perceptionum sint motus illi, qui in corporeculo, cui conjuncta est, fiunt. Sed quando etiam id a nobis ignorari dicamus, id satis non est, ut hanc menti proprietatem denegemus, quæ ex ejus natura consequitur (ex post 3.)

Reponunt, fieri posse, ut vis illa perennis, qua mens vivit sit ea, qua corpus permeat, ac vivificat. Respondeo primum, quid faciemus menti a corpore separata? Vivam ne dicemus? Neque vero id temporis ea activitate vivet. Tum non videtur naturæ mentis consentaneum, ut extra se potius, quam in se vivat: nam hæc vis, quæ dicitur, actionem suam non potest exercere nisi in corpore; quum anima ob sui simplicitatem impatiens sit hujusmodi actionis.

Prop. XIV. Mens humana nec suapte naturâ, nec actione corporum circumpositorum perire potest, scilicet suapte naturâ immortalis est. D. Mens humana est substantia incorporea (ex prop. 12.); est ergo simplex, ac propreterea dividi, & discerpi in partes nequit. Cum autem sit essentia-

liter vivens, id est perenniter cogitans (ex prop. 3.) sequitur esse essentialiter immortalem.

Sch. Hoc theorema consensu omnium gentium mitifice confirmatur: nam nulla ferme natione est, in qua stabilis non sit persuasio & alterius vitae, & inferorum. Praeclare Seneca: *Cum de animo rum (inquit) eternitate differitur, non leve momentum apud nos habet consensus hominum, aut timentium inferos, aut colentium.* Macrobius vestutæ sapientiæ diligens investigator in Somnium Scipionis lib. 1. cap. 14. confidenter pronunciat: *Obtinuisse jam non minis de incorporalitate, quam de immortalitate anima sententiam.*

Prop. XV. Dogmata incorporalitatis, & immortalitatis animorum sunt etiam Dogmata Christianæ religionis. D. Nam Dogmata Christianæ religionis sunt ea, quæ a Deo revelata sunt, quæque Divinis Scripturis, & Apostolorum traditionibus continentur; Divinis autem Scripturis, & Apostolorum traditionibus biña illa Dogmata continentur: nam & a tota Christiana Ecclesia semper traditum est, animos post corporum dissolutionem remanere immortales: & disartis verbis id docet Christus Dominus noster Matthæi 10 versu 28. *Nolite timere eos, qui occidunt corpus: animam autem occidere non possunt: sed timete eum, qui postquam occiderit corpus, potestatem habet mittendi animam in gehennam ignis.* Dogmata ergo incorporalitatis, & immortalitatis animorum sunt dogmata Christianæ religionis.

Prop.

Prop. XVI. Cogitationes sunt actiones immanentes, non transeuntes. Nam cogitationes pertinent ad vitam mentis (ex prop. 13.), vita autem posita est in actione perenni ex principio rei viventi insito manante (ex definit. 11.) insitae ergo sunt menti, adeoque essentiales. Quæ vero insita sunt enti, & essentialia, nequeunt esse transeuntia, cogitationes ergo sunt actiones immanentes.

Prop. XVII. Mens humana non est una, eademque numero in omnibus hominibus, quæ fuit quorundam Arabum Philosophorum opinio. D. Mens humana est substantia incorporea (ex prop. 12.) cui cogitationes immanentes sunt, & essentiales (ex prop. 16.); adeoque conscientia cognitionum: ergo si esset una, eademque in omnibus hominibus, ejus vis intellectiva una & ipsa, eademque esset in omnibus, adeoque eadem in omnibus cogitationes, eademque conscientia: quod cum sit falsum; sequitur non esse unam in omnibus.

Prop. XVIII. Mens humana sempiterna non est. D. Nam si esset, naturâ suâ, & necessariò existaret, adeoque esset naturâ suâ, & necessariò totum id, quod esse potest, (ex prima parte), quod cum non sit, nam ea continuæ statuum mutationi subest: sequitur eam non esse sempiternam, sed creatam.

Prop. XIX. Mens humana neque Deus est, ut censuit Pythagoras, neque Dei pars, ut Spinozistæ, neque emanatio Dei, ut Fanatici. De-

mos-

mostratur prima pars. Mens humana sempiterna non est (ex prop. 18.): non igitur est Deus, qui sempiternus est. Demonstratur secunda pars. Mens humana existentiam habet contingentem (ex prop. 28.) quæ autem sunt talia, neque partes esse possunt, neque attributa, neque affectiones substantiæ æternæ (ex prop. 21. primæ partis); mens ergo humana nequit esse Dei pars. D. Tertia pars. Mens humana est substantia (ex prop. 12.), nec sempiterna (ex prop. 18.): ergo est substantia facta. Nulla autem substantia facta per emanationem essentialē a Deo prodire potest (ex demonstratis in prima parte); Mens ergo humana non est Dei emānatio.

## C A P U T II.

*De unione Mentis, & Corporis.*

Prop. XX. **M**entem uniri corpori humano, quoad vivimus, in perspicuis possum est: unionem enim mentis, & corporis eam dicimus, qua operationes mentis, & motus corporis harmonice sibi consentiunt, ut aliæ alios, aut præcedant, aut sequantur, aut comitantur. Est autem exploratum cogitationes mentis, quoad vivimus, aut præcedere, aut sequi, aut comitari motiones corporis; perspicuum ergo est mentem corpori uniri, quoad vivimus. Quibus autem legibus mens unitur corpori diximus in Elementis secundæ part. pag. 98. secundæ editionis. Ea ad sequentes referri possunt.

Prima est, ut quousque mens unitur corpori habeat ideam extensionis corporeæ occasione notionum ab externis corporibus in sensibus nostris excitatarum. Hinc fit, ut omnes mentis perceptiones cum phantasmatibus corporeis conjunctæ sint, nec possibilis sit in anima conjunctâ corpori pura intellectio, id est, hujusmodi perceptio, quam nullus motus phantasticus comitetur. II. Ut omnis motio cerebri excitet similem in animo sensationem, quæ tamdiu duret, quamdiu hæc cerebri motio. III. Ut quousque anima corpori conjuncta est, habeat notionem alicujus corporis peculiaris in sensu agentis. IV. Ut anima, excitata motione in cerebro ab aliquo peculiariter objecto externo, statim convertatur ad id objectum, & eam motionem referat ad objectum suum cum circumstantiis temporis, & loci. V. Ut si iterum excitetur motio aliqua in cerebro, quæ alias fuerit ab objecto externo facta, nascatur in anima ejusdem objecti reminiscentia. VI. Ut excitata motione qualibet in corpore, qua corporis harmonia conservatur, aut destruitur, nascatur in anima voluptas, vel dolor. VII. Ut quæ idea cum voluptate conjunctæ sunt determinent animam ad objecta harum idearum persequenda, quæ cum dolore, ad fugienda. VIII. Ut omnes ideas animæ, seu notiones, quæ pertinent, aut ad corpus nostrum, aut ad animum, aut ad bona utriusque, vel mala, conjunctæ sint cum motionibus excitatis in cerebro. Hinc fit, ut ad notionem rei terribilis contremiscat corpus, ad no-

tionem vero rei amabilis oculi, & vultus rideant:  
**IX.** Ut quamdiu anima cum corpore unita est,  
 nullâ de re cogitare possit, nisi ex occasione ali-  
 cuius motionis in cerebro, vel sensibus excitata;  
**X.** Ut perceptiones animi sint magis, aut minus  
 expeditæ, claræ, vel obscuræ, &c prout magis,  
 vel minus expediti fuerint motus cerebri, & sen-  
 suum.

*Opiniones Philosopherum super unionem Mentis,  
& Corporis.*

**Q**ua autem ratione unio mentis, & corporis  
 conservetur, id hucusque in abditis est. Ex  
 tribus modis conservari potest; nam aut  
 mens in corpus, corpus in mentem influit; aut  
 Deus utramque substantiam immediate, & har-  
 monice modificat, quin altera influat in alteram;  
 aut ita animum, & corpus creavit, ut utraque  
 substantia vi sua insita continuata serie actiones  
 suas peragat, altera tamen cum altera harmoni-  
 ce, quin altera in alteram influat. Quomodo duo  
 horologia motiones suas harmonice continuare pos-  
 sunt, aut reciproco alterius in alterum influxu-  
 aut extrinsecus ab artifice harmonice mota; aut  
 tandem si ita fabrefacta sint, ut alterius motio-  
 nes cum motionibus alterius perpetuo consentiant.  
 Primum systema dicitur *influxus physici*. idque  
 Peripatetici, & Platonici propugnarunt. Alterum  
 vocatur *adstantiae*, & *caussarum occasionalium*,  
 idque defenditur a Malebranchianis; tertium ap-

pellatur *harmonia præstabilita*, idque Leibnitiani, & Wolfiani tuentur.

*Peripateticorum opinio perpenditur.*

**P**rop. XXI. **S**Cholaesticorum opinio cum intima conscientia, & phænomenis hominis consentire videtur: sed intelligi non potest; nec satis cum ea animi natura, quam superius posuimus, concordat. Principio ex intima conscientia videmur nobis habere directum imperium in corpus nostrum: quod imperium, nisi commercium sit inter mentem, & corpus, adeoque influxus physicus intelligi non potest. Deinde ex intima quoque conscientia patet animum singulis motionibus corporeis ita affici, ita ex cogitationibus animi corpus, ut inter utramque substantiam commercium aliquod intercedere videatur: nam ex lætis animi cogitationibus, totus repente hilarescit vultus; ex tristibus pallescit. Singulis motionibus corporeis agitatur animus, aut affectibus, aut dolore, & voluptate. Hæc sine influxu physico fieri non posse videntur. Quare fit, ut systema Peripateticorum videatur cum intima conscientia, & hominis phænomenis consentire: sed videtur, inquam.

Jam quoniam natura mentis nostræ omnino diversa est a corporis natura; fit, ut nec motus corporis in animum transire possint, nec cogitationes animi, quæ sunt actiones immanentes, in corpus. Nam qui dicit mentem influere in corpus,

pus, corpus in mentem, vocabula pronunciat sine ullis notionibus. Deinde animus influere nequit in corpus, nisi sit corporis energia, seu intellectus, id est, actio quedam perennis per totum corpus diffusa, & unam substantiam cum corpore efficiens, quod Peripatetici influxus physici auctores aperi dicunt. At id cum natura animi incorporea, quam supra posuimus, parum consentit. Quare fit, ut licet Peripateticorum opinio cum interna conscientia consentire videtur, nec intelligibilis tamen sit, nec cum natura animi consentanea.

Fieri interea potest, ut sit in anima vis quedam activa; quae nec intellectus sit, nec voluntas, sed proprietas ab his distincta, qua commercium corporis & animi exerceatur. Id impossibile non est. Interim id divinando tantum dico. Est in Italia, qui ob primam hujus propositionis partem me influxus physici patronum, nec sine invidia, efficit, minime, ut ego puto, animadvertis, quantum inter se distet *videtur* ab *est*: Qui fessitanti fortassis oculo has propositiones legit.

Prop. XXII. Motiones vitæ vegetativa, & sensitiva, quæ est in homine, necellariæ sunt, non liberæ. Ex intimo cujusque sensu id constat; nam crescere, nutriti, vegetare corpus: tum motus pulmonum, cordis, sanguinis, aliorumque fluidorum, in nobis fiunt, velimus, nolimus.

Prop. XXIII. Si earum motionum, quas in superiori propositione memoravimus, mens est immediatum principium, eæ proveniant in corpus

necessaria emanatione mentis , id est , physico , & necessario influxu , necesse est . Nam cum non pendeat a voluntate (ex prop. 22.) , si sunt a mente , nequeunt aliud esse , nisi effluxiones necessariae mentis in corpus .

Prop. XXIV. Si mens est immediatum principium earum actionum corporis , seu vitae corporis vegetativæ , & sensitivæ , mens humana est aut energia Dicæarchi , aut forma substantialis Peripateticorum . Nam si id ita est , vita corporis vegetativa , & sensitiva est necessaria effluxio mentis in totum corpus ( ex prop. 23. ) cum autem effluxio illa nequeat esse , nisi mens ipsa per totum corpus diffusa , quum mens sit substansi simplex , nec partibilis ; id si est , mens erit actus , entelechia , energia , forma substantialis corporis .

Prop. XXV. Si mens non est ea corporis energia , de qua loquuti sumus , vita corporis vegetativa , & sensitiva , aut immediate a Deo est , aut a principio aliquo activo distincto a mente . Nam si mens non est energia , aut forma substantialis corporis , ea non influit in corpus ; adeoque vita corporis vegetativa , & sensitiva non est a mente ; ac propterea , aut a Deo est immediate , aut a principio aliquo activo a mente distincto .

*Systema Malebranchianum perpenditur.*

**Prop. XXVI.** **S**ystema adfidentiae incertum est; cum intima conscientia pugnat: gravissimis argumentis oppugnatur: nec cum Theologia Christiana satis consentire videtur.

D. prima pars. Cum plures esse possunt dati alicujus phænomeni causæ, earum nulla pro certa haberida est, nisi cum omnes aliæ aut falsæ demonstratæ sunt, aut impossibiles: jam nec certi sumus nullas supereesse alias vias explicandæ unionis mentis, & corporis, quam quæ hucusque sunt a Philosophis traditæ: nec, quæ suo tempore ferabantur, demonstratæ sunt a Malebranchio falsæ, vel impossibiles; ergo incerta est hypothesis Malebranchiana.

Sed opponunt. Quum cogitationes, & motus sint veræ realitates; nec ulla creatura quidquam realitatis sibi dare possit, quam non habet; efficitur omnes cogitationes, & motus hominis a Deo esse immediate. Adrogantius mihi hoc argumentum videtur: quasi scilicet Deus nequeat dare creatutis ut vim cogitandi, ita vim motricem, ex quibus actiones sui generis sequantur. Quod si Deus efficere nequit, principio ne mentes quidem creare potest, quæ nihil sunt aliud, nisi substantiæ activæ intelligentes. Deinde videtur minus posse, quam homines; quum arte humana plura efficiantur, quæ motum a nobis excipientia per aliquod tempus conservant.

D.

D. secunda pars. Nam ex omnium hominum conscientia constare videtur, mentem habere directum imperium in corpus, adeoque verum intercedere inter mentem, & corpus commercium: id omnia hominis phænomena probant. Difficile autem est claram hanc omnium hominum conscientiam sine clarioribus argumentis oppugnare velle. Malebranchius autem nulla clara demonstratione revincit.

D. tertia pars. Nam cui usui erit mens humana in corpore, si nullum cum eo commercium habeat? Cui usui fabricata dicemus sensuum organa, si nihil inde mens percipit? Quid causæ est, cur læsis sensum organis, ideis iis respondentibus careamus? Cur læso cerebro omnes ferme ideæ evanescunt? Cur instrumentis oculorum vis ita perficitur, ut eas nobis suppeditare possint ideas, quas alias nunquam habitiuiri fuissimus? dicant Malebranchiani.

D. quarta pars. Posito systemate Malebranchiano nulla reliqua est libertas. Nam qui liberam dicere possumus mentem, quæ nihil ipsa per se agit, sed omnes actiones suas a Deo excipit immediate? Subiata vero libertate, ne leges quidem morales locum ullum habere possunt. Itaque nullum erit nec bonum, nec malum morale. Hoc vero non solum totam Christianam Theologiam, verum etiam Naturalem evertit.

*Systema Leibnitianum perpenditur.*

**P**rop. XXVII. **S**ystema harmoniae præstabilitæ & incertum est auctoriibus ipsis, & gravissimis oppugnatur difficultatibus. Incertum esse auctoriibus ipsis id satis probat, quod loco meræ hypothesis habeant præcipui ejus defensores, Leibnitius, Wolfius, Bilfingerus. Accedit, quod hoc systema non potest nec direcťe, nec indirecťe evidenter demonstrari, sed meris tantum conjecturis, velut hypothesis, constitui.

Sed & gravissimis difficultatibus oppugnatur. Primum in hoc systemate ratio sufficiens cuiuslibet perceptionis, & voluntatis animi non est in impressione sensuum, vel cerebri, sed in antecedente perceptione, & voluntate. Id vero, ut sit, necesse est, ut singulæ perceptiones cum antecedentibus perceptionibus cunnexæ sunt: est autem id falsum; cum infinitæ sint perceptiones, quæ nullam inter se concatenationem habent, veluti cum verba audimus nullo pacto inter se concatenata, aut obiecta videmus, quæ item inter se nullam habent connexionem. Quare systema harmoniae præstabilitæ admittit in animo phænomena sine ulla ratione sufficiente.

Secundo: hoc systemate item libertas perimitur: nam anima, & corpus fato interno subjiciuntur, quandoquidem semper posteriores actiones a prioribus proficiscuntur.

Tertio: Itidem ut Malebranchianum internæ

experiencie adversatur: nihil scilicet clarior persentiscimus, quam commercium inter mentem, & corpus, quod his hypothesibus abrumptur.

**Coroll.** Quamquam incerti adhuc simus, quo vinculo animi, & corporis unio perficiatur; tamen in disciplinis practicis influxus physicus tenendus est, nullaque ratio habenda hypothesum metaphysicarum. Nam ipsi hujusmodi hypothesum Auctores diserte monent, effectus unionis mentis, & corporis eodem modo semper se habere, quæcumque ea sit hypothesis, quam adoptare placuerit.

### C A P U T III.

#### *De idearum Natura, & Origine.*

**C**um ignoretur qua ratione mens corpori unitur, ut patet ex superioribus: necesse est, ut & ignoretur, quæ sit idearum nostrarum origo, id quod sequentibus propositionibus demonstrabimus.

**Prop. XXVIII.** Mens nequit esse ipsa sibi causa creatrix simplicium idearum, quas primum habet. D. Ideæ sunt formæ rerum, seu existentium, seu possibilium (ex def. 6.) quæ idcirco continent realitatem objectivam earum rerum, quas exhibent. Si ergo primas, & simplices suas ideas mens sibi creare potest, ante omnes hujusmodi ideas continere debet realitatem objectivam omnium earum rerum, quarum sibi ideas procreat. Realitates autem objectivæ rerum sunt ipsæ rerum

rum formæ res ipsas exhibentēs; ergo mens antequam habeat primas, & simplices ideas, illas jam continet, quod est contra hypothesim.

Prop. XXIX. Si ideæ & perceptiones sunt una, eademque res, duorum alterum sit, necesse est: nempe aut mens sit subiectum mere passivum omnium cogitationum, non secus atque cera figurarum, quæ in ea imprimuntur; aut ut ea omnes sibi rerum ideas, etiam primas, & simplices procreet. D. Nam aut ideas excipit, aut non: si primum, quum ideæ sint una, eademque res cum perceptionibus (ex hypothesi) omnes quoque perceptiones suas excipiet, id est, erit subiectum mere passivum suarum cogitationum. Si alterum, erit ipsa sibi omnium idearum suarum procreatrix causa.

Prop. XXX. Ideæ, & perceptiones non videntur esse posse una, eademque res. D. Sint: duorum alterum sequetur, aut mentem esse subiectum mere passivum suarum cogitationum: aut eam omnes sibi ideas procreare (ex prop. 29.). At si primum dicatur, mens nec vivens erit (ex def. 11.), nec magis mens, quam later crudus. Posteriorius minus etiam dici potest (ex prop. 28); non ergo perceptiones, & ideæ videntur esse posse una, eademque res. Vide Scholium hujus propositionis in Elementis.

Prop. XXXI. Nihil potest mens intelligere, nisi in seipsa. Nam perceptiones sunt actiones mentis immanentes (ex prop. 16.), adeoque ei insitæ; esse igitur nequeunt nisi in ipsa mente.

re. Quare mens nihil potest intelligere , nisi in seipso.

*Peripateticorum opinio super origine Idearum.*

Prop. XXXII.

**Q**uod spectat ad originem idearum nec sibi convenit Peripateticis : & quæ fertur vulgaris in scholis opinio , utut omnium verisimillima , incerta est , atque non levibus objectionibus obnoxia.

Ac prima quidem pars hujus propositionis constat ex historia opinionum Scholæ Peripateticæ. Arabes quidam , & Mauri Peripatetici censuerunt habere mentem apud se rerum species , quæ a rebus extrinsecis excitentur tantum , non etiam progignantur. Albertus Magnus non negat species menti congenitas , licet doceat mentem , dum est in corpore , aut nunquam , aut raro iis uti. Avicena vero posuit omnium rerum intelligibilium intelligibiles species præexistere immaterialiter in Intellectibus separatis , seu Angelis , a quorum primo deriventur in sequentem , & ab eo in alios , usque ad ultimum intellectum separatum , quem nominat *Intellectum agentem* , a quo tandem defluant in animas nostras. Vide Divum Thomam prima parte quæst. 84. art. 4. Ipse vero S. Thomas cum superiora repudiasset , docet nos omnia cognoscere in rationibus æternis , quæ sunt in Deo , quæque lumine Divino , quo mentes nostræ illuminantur , nobis participantur. Idem vero auctor quasi sui imme-

immemor, s<sup>e</sup>pe deinceps vulgarem opinionem se-  
ctatur, sensus scilicet esse idearum omnium sca-  
turiginem. Sed communis Scholarum Peripateti-  
corum opinio est, a sensibus imprimi in cerebro  
phantasmata: ex iis vero ope intellectus agentis  
emergere species intelligibiles, quae sint immedia-  
tum objectum *intellectus passivi*. Intellectus autem  
hic *agens* quibusdam est ipse Deus: sed majori  
parte est facultas ejusdem animæ. Hic intellectus,  
quicumque tandem sit, excipit phantasmata cor-  
poreæ, illuminat, & intellectui passivo offert. Ita  
veteres illæ scholæ divinabant magis, quam phi-  
losophabantur.

Altera vero pars ejus propositionis sic demon-  
stratur. Vulgaris hæc opinio supponit influxum  
physicum inter mentem, & corpus, qui gravissi-  
mis difficultatibus implicitus est (prop. 21.);  
ergo & vulgaris hæc opinio iisdem difficultatibus  
subjecta est. Deinde quis intelligat motiones ab  
objectis externis in cerebro excitatas similes esse  
objectis illis, adeoque esse ideas, seu formas il-  
lorum objectorum? Itaque dici quidem potest  
ideas a sensibus profici, dicimusque quotidie  
omnes, quod nihil habemus, quod probabilius  
dicere queamus, sed quid istud sit, intelligi nullo  
modo potest.

*Democriticorum Systema.*

**D**emocritici, & Epicurei super origine ideas rum nostrarum sic philosophantur. Ajunt a rebus ipsis undequaque leves quasdam, & corporreas facies, quas illi *idola* vocant, avolare. Hæc idola, dum cerebrum subeunt, ideae sunt, id est rerum ipsarum, unde avolant, imagines Ex varia harum imaginum commixtione omnes ideas rum associationes pendere arbitrantur. Vide Lucretium lib. 6. de *natura rerum*.

Prop. XXXIII. Democriticorum opinio pugnat cum rerum corporearum natura: cum certis animi phænomenis: nec ullo modo originem ideas rum intellectualium expedit. Principio si tot imagines corporeæ perpetuo a corporibus avolant, jamdudum oportuit corpora solida fuisse in nihilum redacta. Deinde qui fieri potest, ut tot rerum simulacra multis modis in cunctas undique partes vagentur, quin alia aliis corruptantur, præsertim in tanta corporum distantia? Præterea qui fieri potest, ut hujusmodi simulacra præsto omnibus semper sint cogitare volentibus, atque voluntati omnium obedient? Tum quæ esse possunt simulacra rerum abstractarum, veluti veritatum geometricarum, & metaphysicarum? Tandem mens est substantia incorporea (ex prop. 52.), omniaque in seipsa intelligii (ex prop. 31.), ergo simulacra isthæc in animum penetrare debent: quo autem id modo fieri doceant Democritici?

Sys-

*Systema Malebranchianum.*

**M**alebranchius in tertio libro de Inquirenda veritate opinatur nos omnia in Deo videre, cui mentes nostræ arclissime conjunctæ sunt. Atque hanc esse existimat idearum nostrarum originem.

Prop. XXXIV. Hypothesis Malebranchiana est incertissima. Primum ea nullis aliis argumentis nititur, nisi hypotheticis. Deinde ea cum sensu omnium hominum communi pugnat, cum pugnat cum intimis experimentis. Præterea inutilem reddit unionem mentis, & corporis, inutilemque sensus. Ad hæc, si vera est, omnes sumus Prophetæ, & externa revelatio, & legislatio divina sunt inutiles. Tandem systema Malebranchianum ( absit verbo invidia ) impietati spinozisticæ plurimum simile est: efficit enim Deum mentem universi.

*Systema idearum innatarum.*

**D**istinguendæ sunt hoc in loco, quod alias a nobis dictum est, *ideæ innate ab ideis naturalibus*, seu potius a naturalibus quibusdam iudiciis. Ideæ innatæ vocantur illæ, quas secum mens affert, dum corpori unitur, non quas acquirit, postquam corpori conjuncta est. Naturalia vero judicia sunt ea, quæ mens humana, aut a natura sua, aut a rerum natura necessario habet, ut *Totum est majus sua parte: Non potest idem simul esse, & non esse*, ac similia, quæ eadem sunt.

sunt in omnibus hominibus , nec doctis tantum , sed indoctis etiam , & barbaris. Accedunt eodem *sensa quedam naturalia* , quæ vel ad naturam nostram pertinent , ut nos esse , cogitare , dolorem , aut voluptatem sentire ; aut ad naturalium rerum cum natura nostra relationes , quæ in omnibus sunt , & aut a mundo omnium oculis exposito , aut ab ipsa mentis nostræ natura proficiuntur.

Prop. XXXV. Nequeunt ideæ omnes esse innatae , seu menti ingenitæ. Nam aut ideæ hujusmodi sunt ipsæ perceptiones , aut formæ a perceptionibus distinctæ. Si primum , omnes perceptiones , quas unquam habere mens potest , simultaneæ sunt , quod conscientiæ adversatur. Si alterum , necesse est tot distinctas ponere in animo insculptas formas , quot , quoad existit , & intelligit , habere potest , id est , infinitas , id quod principio cum finita mentis natura pugnat ; deinde quum anima sit incorporea , qui tot formis simul modificatam dicemus ? Quid porrò esse hujusmodi formas ? Non omnes igitur ideæ innatae sunt. Accedit , quod quedam sunt rerum notiones , quas sine usu sensuum , & rerum experientia nemo unquam habiturus est , quales ideæ ferme omnes rerum hujus mundi . quas qui dicit esse menti ingenitas , is mihi delitare videtur , aut adversus communem hominum sensum gariere.

Prop. XXXVI. Nisi omnes ideæ sint innatae , hypothesis idearum innatarum inutilis est ad origi-

ginem idearum explicandam. Nam nisi omnes sint innatae, agnoscenda est altera via, qua reliquæ proveniant. Ita ambages iterum, & incertitudo super origine maximæ idearum partis.

Prop. XXXVII. Systema idearum innatarum nullius usus esse potest ad originem idearum explicandam. Nam non omnes ideæ esse possunt innatae (ex prop. 35.): & nisi omnes sint innatae, inutilis ea est opinio ad idearum originem explicandam (per prop. superiorem.)

Prop. XXXVIII. Quoniam non omnes ideæ esse possunt innatae (ex prop. 35.); Patroni idearum innatarum constituere debent alteram viam, qua reliquæ ideæ acquirantur. Ea autem ex eorum sententia est aut sensus, aut reflexio mentis, ut scilicet reliquæ ideæ, quæ innatae sunt, aut a sensibus proficiuntur, ut a reflexione, conjectura, ratiocinio. At hac via semel constituta, difficile est dicere, quænam sint ideæ innatae. Facillime enim demonstrari potest, omnes ideas, quæ pro innatis habentur, a sensu, & ratiocinio originem suam habere, id quod copiose egit Luki de *Intellectu humano*. Quare aut omnes ideæ innatae constituendæ sunt, negandumque ullam a sensibus provenire: aut si ad sensus confugere velimus, contenti esse possumus vulgari opinione, ideas omnes a sensu, & reflexione originem habere, ut ut eam minus intelligamus. In praxi vero hæc tantum vulgaris opinio sectanda est, quod in Logica præcepimus.

## CAPUT IV.

*De humana mentis Libertate, ejusque extensione.*

Prop. XXXIX. **M**ens humana est libera, sed intra quosdam fines ea libertas continetur. D. Libertas est ea mentis facultas, qua ex ratione boni, vel mali propria sese determinat ad agendum, aut cessandum (ex definit. 15.): plurima autem mens humana ex propria boni, vel mali ratione, non invita, sed volens, ac lubens, agit, vel omittit (ex intima experientia); ergo mens humana est libera.

Jam vero libertas nostra ex ratione, & potentia activâ pendet: ratio autem, & potentia activa humanarum mentium finitae sunt; ergo finita est humana libertas, seu intra suos fines continetur. Libertatem autem *actu* dico, non *potentiam*.

Seh. Humana libertas digito, ut ita dicam, demonstrari potest. Nam quoniam caulae necessariæ agunt semper secundum totas suas vires, & homo parte virium agere potest majori, vel minori, prout liber, id quod digito ostendo, quo subiectum aliquod corpus magis, aut minus premere possum; sit, ut vis hominis agendi non sit determinata, & necessaria, sed sui juris, & libera. Vide dicta in prima parte.

Prop. XL. Homines prædicti sunt libertate a coaftione. D. Hæc libertas est ea, quæ a nullo extrin-

feco fato determinatur (ex Scholio definition. 15.) ; libertas autem humana a nullo extrinseco fato determinatur (ex prima parte) : est ergo libertas a coactione.

Sch. Illud in veteri Schola accerrime disputatum est , voluntas necessariōne *practicum* , ut vocant , *intellectus judicium* sequatur , an libere ? Necessario sequi Thomistica Schola docuit , eo permoti argumento , quod voluntas , seu libertas , nihil sit aliud , nisi *electiva ratio* , *electivus intellectus*. Certe ea doctrina S. Thomae est omnium , ut ego quidem existimo , Metaphysicorum acutissimi , ac minutissimi. Eadem doctrina est hodie inter Philosophos communis. Er. imvero voluntas sine ratione constare nequit ; eaque ratio est , cur brutis animantibus libertatem denegemus. Quin si voluntatem nulla ratione , sed ipsam per se permoveri , dicamus , impetus naturae erit , ac coactus , non liber.

Interim Schotus , ejusque plerique assediae , viri & ipsi acuti , & in his rebus docti , adversantur , ac ipsam per se liberam , & per se moveri libertatem nostram existimant. Qui licet in mala causa versentur , tamen sunt audiendi ; nec enim contemnendis rationibus pugnant. Quatum ea primaria est , quod videtur interno fato libertas subjici. Hanc rationem ita occupare videtur S. Thomas : objecta in quæ fertur voluntas , ad duo genera conferti possunt : sunt enim *finis* , & *media ad finem*. Media item duorum generum : Nam aut cum fine necessariam habent connexionem , aut

non habent. Illa item duplia, aut conspirantia; aut opposita. In finem naturali motu, & necessario fertur voluntas. In mediis non connexis sui juris est, ac plene indifferens, nisi cum actu permovetur. In mediis connexis, si clara ratione pateant, nec indifferens, nec libera. Si minime pateant, libera. Totam hanc quæstionem accurate pertractat Guilielmus Estius in *Secundum Sententiarum librum*.

Prop. XLI. Motiva, quæ libertatem humanam determinant, sunt perceptiones boni, vel mali; seu bona, & mala objectiva, judicium practicum. Nihil manifestius esse potest, si intimam conscientiam consulamus.

Prop. XLII. Ideæ rerum, quæ nos circundant, si Summi Boni ideam excepéris, finitam exhibent realitatem, adeoque finitam bonitatem; ut idcirco vim infinitam in voluntatem permovendam exercere nequeant. Est id per se manifestum.

Prop. XLIII. Voluntas humana est infiniti cupida. Id constat eo, quod nullâ finitâ bonitate plene sibi unquam satisficit.

Prop. XLIV. Libertas humana est libera a necessitate naturæ. D. Quæ libertas penderet a motivis sibi intrinsecis, quorum actio nec infinita est, nec unum in modum determinata, est libera a necessitate naturæ: talis vero est libertas humana: nam cum determinetur a bonis, vel malis objectivis (prop. 41.), quorum activitas nec infinita est (prop. 42.) nec unum in modum determinata, nec in-

finitam animi cupiditatem potis rapere (prop. 43.) ; libera est a necessitate naturæ.

Prop. XLV. Hinc sequitur, libertatem humanaν suapte naturā esse indifferentem. D. Nam nec extrinsecus cogitur (ex prop. 40.), nec intrinsecus ab ipsa hominis natura (ex prop. superiori.). Hanc indifferentiam motiva quidem ratiōnis determinant, ut dictum est; sed non absolute, ita, ut cogant, quia non infinitæ potentiaz, id est, quia circa res non ita infinite bonas, ut naturam nostram plene perficiant.

Sch. Quæritur, plenane ea sit indifferentia? Sunt qui perfectum æquilibrium exigunt, quo libertas constet. Qui si id ita dicunt, ut, ubi perfectum æquilibrium nen est, ne peccatum quidem sit, vereor ut possint peccata ulla reperire. Id certum est, esse quædam, quæ voluntatem allicere possunt, nec tamen necessario rapere: nam & hujusmodi inclinationes rationi subsunt, ut disputat S. Thomas 2. 2. q. 82. & 83.

## C A P U T V.

*De Propensionibus, & Habitibus, tum de  
Memoria.*

Prop. XLVI. **A** Mor existentiae est homini naturalis, & lex humanæ naturæ mechanica, qua illa ad consentaneum sibi finem fertur. Nam quæ propensiones reperiuntur & in hominibus omnibus, & semper, & cum natura ipsa

ipsa commixtae, eæ naturales sunt: ejus autem generis est amor existentiæ, cum neminem reperiamus, qui eo non tangatur, & quidem naturaliter; est ergo naturalis.

Prop. XLVII. Amor commodi est homini naturalis, & altera lex humanæ naturæ mechanica.

D. Commodum est id, quo naturæ nostræ situs aut violentus, aut incommodus, minimeque nobis consentaneus, commutatur in naturalem, quo natura sibi satisfacit. Quam autem situm violentum, & incommodum velut naturæ repugnantem animantia omnia naturaliter aversentur, sit, ut commodum, quo ei malo succurritur, naturaliter sequantur. Itaque amor commodi tam est naturalis, & mechanicus, quam amor existentiæ.

Scholion. Erant hujusmodi propensiones ad naturam animalem conservandam necessariae: nam quoniam non habemus in nobis totum id, quod ad nostri conservationem sufficit; necessarium erat, ut ita crearemur, ut & esse appeteremus; & appeteremus ea, quibus & esse, & bene esse possumus. Harum tamen propensionum prima est existentiæ, altera commodi; quia primum est, ut simus, deinde ut bene simus.

Prop. XLVIII. Propensio in melius bonum, seu felicitatem, est propensio naturalis, eaque necessaria ad genus humanum conservandum. Primum hæc propensio in omnibus est hominibus, & semper; ergo naturalis est. Deinde sine propensione ad felicitatem commoda humana nullo modo promoverentur; quæ quum natura ipsa in-

citante promoteantur: argumento est ingenitam eam esse propensionem.

Prop. XLIX. Appetitus venetis, & amor proliis est quarta naturæ animalis lex mechanica. Nam is appetitus item & in omnibus est animalibus, & cum natura animali commixtus. Erat & hic impetus generibus animantium conservandis necessarius.

Scholion. Si ergo naturam nostram animalem perpendamus accurate, reperiemus, nos a natura ipsa habere, & esse, & bene, beateque esse, & genus nostrum propagare velle. His addi potest gloriae, id est inter sui generis eminentiae cupiditas, qua homines, nisi stupidi, omnes natura-liter agitantur. Ex his genericis propensionibus particulares aliæ proficiscuntur, sunt enim primum illarum modificationes quædam, quæ usu vi-tæ fiunt, & stabilitatem acquirunt. Sunt autem hujusmodi propensiones, ut dictum est, nobis necessariae. Quare Philosophus non in eo operam suam ponere debet, ut eas evellat, aut comprimat, nisi de hominibus truncos efficere velit; sed ut ex recta ratione regat, & componat. Nam quemadmodum, si rationem sequantur, ipsæ per se vitam humanam jucundaissimam, & beatam efficere possunt, ita si adversus rationem tumultuant, miseriam efficiunt. Sequuntur autem rationem, si recta ad humanæ vitæ finem intendantur. Qua de re in Ethicis dicemus.

Prop. L. Hæc propensiones non in omnibus hominibus eandem vim habent. Id patet continua

experiētiā. Sunt enim quidam vitæ negligentes, commodorum incuriosi. Idem præsente statu & contenteri non admodum meliori tanguntur. Tum non paucos videas, qui Veneris impetus haud valde persentiscunt. Alii contra & in vita tuenda superstitionis sunt, & commodorum, ac melioris status vigiles indagatores, ac persecutores. Stimulis autem Veneris adeo sollicitantur, ut vel leves imagines eos accendant.

Scholion. Totum id a temperamento pendet. Temperamentum dico primam corporis humani partium constitutionem, ac vim. Corpus humanum solidis constat, & fluidis. Solidorum omnium origo sunt fibræ: fluidorum cibus, ac potus, aer, ignis. Fibræ terra, glutine, ferro constant. Inde earum elasticitas, ac vis: ex hac maior, aut minor irritabilitas: hinc temperamentum lentum, aut facile irritabile. Ex cibo, potu, aere, igne generantur sanguis, lympha, humores, spiritus, eorumque vis. Sed & ad temperamentum non minimum confert magnitudo, & figura vasorum, per quæ fluida defluunt. Hinc igitur perenda ratio intensitatum, & variarum modificationum, propensionum, & instinctorum, concupiscibilis, & irascibilis, ac inde nascentium affectuum, quibus natura nostra obnoxia est. Porro quum partium illarum quum solidarum, tum fluidarum vis plurimum pendeat ab aere, & igne; intelligitur, quid climata possint in animantia telluris omnia. Sed & diuturna illarum partium inflexio, ac modificatio non leve momentum habet ad eas res

res vel roborandas , & acuendas , aut infringendas , & debilitandas. Atque hinc intel igitur , quid efficere in nobis educatio possit. Demum quum litteræ , & regimen politicum educationem efficiant : inde reddenda ratio , cur mutatis studiis , & regimine politico , tanta sœpe varietas in temperamentis , propensionibus , & affectionibus contingat.

Prop. LI. Omnes habitus exereitatione acquiruntur , & intenduntur , desuetudine vero remittuntur , aut delentur. Debilitantur quoque , aut delentur contrariis habitibus. Præterea non iidem sunt in omnibus , nec in eodem semper. Est id perspicuum ex perpetua experientia.

Sane quum habitus sint modificationes primarum propensionum , & virium naturæ humanæ pro varietate objectorum , quibuscum conversamur , si non alia ratione acquiri possunt , quam exercitatione , & consuetudine : nec alia deleri , quam desuetudine , aut contraria exercitatione.

Prop. LII. Hinc fit , ut nullus sit habitus innatus. Nempe habitus omnes exereitatione acquiruntur , desuetudine delentur , nec iidem sunt in omnibus (ex prop. superiori) ; quæ autem sunt talia , nequeunt esse naturalia , & ingenita.

Sch. Quid igitur sibi volunt , qui docent , in primis S. Thomas , *principio unum moralium ingenitum esse habitum?* Principia practica sunt ea , quibus officia moralia homines regunt , veluti illa , *neminem laede : suum cuique tribue : honeste vive :* id est , ut Seneca interpretatur , *homo homini amitus*

*eus esto: honora parentes: Deum cole &c.* Hæc principia vim insitam habere, qua nos ad consentanea officia impellunt, nemo sibi conscius dubitaverit. Ea vis syntherisis a quibusdam dicitur. Hæc vis *habitus* ab iis vocatur. Ac revera habitus est, quum disciplina, & educatione acquiritur. Alioquin potius vis insita instar naturalium propensiorum est, quum ipsa per se sine disciplina agit. Sunt qui hanc vim *sensum moralem* appellant, cumque habent, veluti primam, atque insitam regulam boni, & mali moralis; qua de re alibi.

Prop. LIII. Omnes habitus animi simul, & corporis sunt. Nam habitus sunt potentiarum naturalium facilitates actuum exercendorum, exercitatione acquisitæ: in iis ergo sunt subjectis, quorum actuum exercitatione acquiruntur. Acquiruntur autem exercitatione actuum mentis simul, & corporis; quandoquidem nullæ esse possunt actiones animi, quibus totidem non corrispondent in corpore; nec ullæ corporis, quibus consentaneæ non respondeant in animo; in utroque igitur sunt subjecto, id est *in homine*. Inde vero intelligitur cur habitus, qui animi dicuntur, debilitentur, aut deleantur fracto morbis, aut aetate corpore: & iterum, cur habitus, qui dici solent corporis, vehementer torpescant, & frangantur, animo ab iis abducto, aliisque rebus intento.

Prop. LIV. Quæ actiones aut majori animi attentione exercentur, aut intentiori aliquo affectu, aut voluptate, & dolore, ex impressionem in nobis faciunt altiorem, & diuturniorem. Qui ha-

habitus hujusmodi actionibus acquiruntur, & faciliter acquiruntur, & sunt diuturniores; quia iis actionibus vehementius natura infleclitur.

Sch Hinc potest reddi ratio, cur in magnis Re-  
rum publicarum motibus magni animi, ac prae-  
cellentia ingenia erumpant.

Prop. LV. Habitus humani, quo plures fuerint, eo debiliores evadent. Nam vis naturæ humanæ finita est; ergo distracta in plures habitus, minor ejus pars singulis inhæret; ex quo fit, ut debiliores evadant. Qua ex re moniti esse debent, qui egregii & excellentes in aliqua facultate esse cupiunt, ut ne pluribus simul animum inten-  
dant.

Prop. LVI. Memoria est habitus, licet poten-  
tia ideas excipiendi naturalis dos sit. Nam omnes habituum habet proprietates. Primum ingenita non est. Secundo exercitatione acquiritur, eaque tenacius memoriæ hærent, quæ pluries, & frequen-  
tius animo volutaverimus. Tertio desuetudine de-  
bilitatur, & obliteratur. Quarto serum numero,  
& varietate laborat, atque obtunditur. Quinto iis omnibus, quibus vis naturæ corroboratur, aut debilitatur, corroboratur, & debilitatur memoria. Sexto minus fatigata major est. Quæ omnia ita habituum sunt propria, ut perspicuum sit memoriam esse habitum.

Prop. LVII. Omnes habitus constant memo-  
ria, & remiscentia. Nam omnes habitus sunt fa-  
cilitates producendi actus continuata, & harmo-  
nica serie, omnesque sunt animi simul, & cor-  
po.

poris (ex prop. 53.) ergo in omnibus habitibus conjuncta sunt cum motionibus corporis totidem animi actiones, perceptiones nempe, & voluntates incredibili celeritate percurrentes, eademque proportione sese aliæ alias consequentes. Cum autem id sit memoriæ; sequitur omnes habitus memoria constare.

Prop. LVIII. Facilitas ratiocinandi, seu ars calculandi ideas habitus est, etsi vis ratiocinandi innata sit. Nam hæc facilitas, & ars exercitatione acquiritur, desuetudine amittitur.

Prop. LIX. Tota humana eruditio, seu omnes scientiæ humanæ, duobus generalibus habitibus continentur: nam omnes scientiæ humanæ continentur memoria, & arte, seu facultate ideas calculandi, ut patet: est autem memoria habitus (ex prop. 56.) item habitus facilitas ratiocinandi (ex prop. 58.); omnes ergo scientiæ humanæ duobus habitibus continentur.

Corol. Ex quo sequitur nullam humanam scientiam acquiri posse sine exercitatione. Præterea scientias humanas magis, aut minus perfecte acquiri, prout magis, aut minus exercitantur humana ingenia. Tum debilitata, aut amissa memoria scientias obliterari. Tandem hebetata per desuetudinem arte calculandi, & disciplinas quoque hebetari, ac evanescere paullatim. Probat hæc secundum historiæ, quos repuerascere & vetus proverbium, & tristis experientia docet.

Prop. LX. Habitum cum difficultate delentur. Id constat experientia. Scilicet postquam longa

consuetudine naturam in hanc , aut illam partem infleximus , facile esse nequit aut ad perpendiculum reducere , aut in contraria flectere.

Sch. Nihil ergo magis interest vitæ humanæ , quam sub initium actionum , aut passionum nostrarum accurate perpendere , quæ inde facilitas aut agendi , aut patiendi nasci possit : ne si ea cum felicitate nostra pugnet , tota vita cum ea sit conflictandum , aut tota vita miseros esse.

## C A P U T VI.

*De causis Physicis voluptatis , & doloris , tum de affectibus.*

Prop. XXV. **V**oluptatum , & dolorum omnium causæ physicæ sunt commotiones in corpore excitatæ , quibus energia , & compago corporis nervosa , ac irritabilis aut turbatur , aut turbata restituitur , aut æquabiliter conservatur. D. Nam causas hoc in loco physicas dicimus eas , quibus positis , semper existit effectus ; ablatis evanescit : hujusmodi autem sunt commotiones in energia , & compage nervosa corporis excitatæ : nempe iis positis sensus voluptatis , aut doloris repente existit , sublatis cedit , & ita quidem , ut nullus sit dolor , nulla voluptas cuiuscumque generis , quæ non eas motiones consequatur. Sic positis motionibus istis in corpore , voluptates , & dolores , qui corporis dicuntur , sentiuntur ; & ubi eadem commotiones ab ani-

mi perceptionibus excitantur , dolores , aut voluptates , quæ dicuntur animi , nascuntur ; inde ergo voluptates , & dolores immediate proignuntur.

Sch. Sunt autem hominis status , quod ad hanc rem pertinet , omnino quatuor. I. Voluptatis æquabilis , quæ ab æquabili corporis energiâ nascitur : hic naturalis est. II. Voluptatis gestientis quæ nascitur , quum compescitur gravis dolor motio. III. Doloris æquabilis , qui nascitur ab æquabili perturbatione , quæ in corporis humani energiâ generatur , qualis est , quum bilis , alterius humoris copia major , quam par est , sanguini immiscetur. IV. Doloris impetuosi , & dilacerantis , qui existit ex vehementiori perturbatione energiæ nervosæ , qualis est in contusione , pressione , aut dilaceratione solidorum. Sed illud animadvertendum est , esse voluptates , aut dolores quosdam , qui in tota machina sedem habere videntur : alios vero dolores , aliasque voluptates , quæ in una tantum corporis parte sedem fixile fentuntur. Voluptates , & dolore prioris generis nascuntur ex commotione , qua totum corpus occupat , qualis est fluidorum , a nervorum : posterioris vero ex commotione , qua in una tantum corporis parte fit , ut solidorum. Ad prius genus pertinent dolores , & voluptates omnes animi , quia fluidorum harmoniam turbant , aut restituunt , ad secundum vero plerique dolorum , aut voluptatum corporis.

Corol. I. Ex quibus sequitur , voluptatis . & do-

doloris intensitatem semper esse in ratione intensitatis perturbatæ , aut restitutæ harmoniæ machinæ humanæ , nam intensitates effectuum semper sunt in ratione intensitatum actionum , a quibus nascuntur.

Corol. II. Sequitur secundo , voluptates , & dolores necessariò consequi naturam humanam , quæ nunc est. Nimirum nascuntur ex iis causis physicis , quæ eâ existente naturâ humanâ , quæ est , nequeunt non in illâ locum habere. Præterea sunt hæ affectiones naturæ animalis , idcirco animantibus omnibus communes. Quum autem tota insit in homine natura animalis ; & necessariò eam naturam dolor , & voluptas consequuntur ; necessariò quoque sequuntur naturam humanam.

Prop. LII. Est in omnibus animantibus vis quædam activa , cuius actione , & reactione animalis vita continetur. Id est per se perspicuum.

Prop. LIII. Affectus omnes nascuntur ex perceptione boni , aut mali , suntque vis illius naturalis (prop. 62.) impetus intensiores , quibus aut persequimur bona externa ad nostri conservationem , & felicitatem pertinentia : aut mala externa aversemur , quibus nostri conservatio , aut felicitas oppugnatur. D. Scilicet ita naturâ ipsâ comparati sumus , ut perceptio boni vim nostram animalem aquabiliter explicet , atque idcirco in nobis voluptatem ingeneret , ac lætitiam , amore , spem , desiderium , pro vario ejus boni situ ex relatione ad naturam nostram : perceptio vero mali , eam vim premat , &

procreet dolorem, atque ægritudinem, timorem, zelotypiam, iram, desperationem, item pro varijs mali percepti situ, magnitudine, proximitate, distantia, &c. Omnes hujusmodi commotiones sunt impetus quidam vehementiores naturæ nostræ, quibus sequitur, quod sibi deesse animadvertis: aut ea fugit, quibus destrui, aut infelicitati posse intelligimus.

Prop. LIV. Omnes affectus sunt manifestum argumentum naturæ mutabilis, nec infinite perfectæ. D. Nam affectus sunt commotiones ejus naturæ, quæ id sequitur, quod sibi deesse animadvertis: aut id fugit, a quo sibi malum aliquod timet: quæ esse nequeunt in natura infinite perfecta, & immutabili.

Prop. LV. Affectus necessariò consequuntur naturas animales non infinite perfectas. D. Nam hujusmodi naturæ, ut sint, & appetere debent, quæ sibi desunt; & timere ea, a quibus destrui possunt, aut infelicitari.

Prop. LVI. Affectus necessariò comitantur natu-ram humanam. D. Nam quoniam necessariò consequuntur naturas animales non infinite perfectas (ex prop. 65.) & natura humana animans sit non infinite perfecta; sequitur hanc necessariò affectus comitari. Quare affectus in homine non ex Adæ peccato nati sunt, licet ex Adæ peccato, eorum impetus, & rebellio nata sit.

Prop. LVII. Affectus, nisi fuerint falsi, sunt homini non solum necessarii, verum etiam utilissimi. D. Nempe quum neque infinite perfectus sit,

fit, neque indestructibilis, conservari nequit, nisi bonorum fruitione, declinatione vero malorum. Bonis autem nemo perficitur sine voluptate, nec iis frui studet, nisi incitatus a spe, desiderio, amore: nec quisquam aversatur mala, nisi commotus timore, odio, dolore; ergo ut homo conservari possit, atque bene, beataque esse, necessarii sunt affectus. Scilicet sunt affectus in homine velut elateres quidam, quibus natura humana, ejusque vis activa sustinetur, aut explicatur, aut cohibetur, aut impellitur, prout necessarium est, & ut existat, & ut bene, beataque sit, seu pro varia magnitudine, situ, vicinitate, distantia bonorum, aut malorum. Quinimo ad magnas virtutes exercendas necessarii sunt affectus vehementiores, seu vis animantis explicationes. Itaque Plato scribit magnorum virorum fuisse neminem sine entusiasmo, id est, sine vehementia affectuum. Quamobrem videmus perpetuo eos, qui non facile affectibus concitantur, stupidos esse, & ineptos. Quare vitandi quidem sunt affectuum excessus, qui fere semper vitia sunt: non vero avellendi affectus ipsi, quod nec fieri potest, nec, si posset, tentandum.

Prop. LVIII. Aversatio mali, quæ naturalis est homini, sequitur ex amore nostri, & boni, idque necessariæ, totaque ejus ratio sufficiens posita est in eo amore, atque idcirco est ita necessaria, ut atrox ille. Est hæc propositio evidens: nam nemo quidquam aversatur, nisi quia aut naturæ suæ, aut iis, ex quibus naturæ suæ

perfectio pendet, contrarium est: neque, quae contraria sunt naturæ humanæ, iisque, quibus ea perficitur, & conservatur, aversati quispam potest, nisi quia se, & quidquid se perficere potest, necessariò amat.

Prop. LIX. Omnes affectus sunt veluti reactiones amoris, & nostri, & summi boni, provenientes ex peculiaribus objectis nobis consentaneis, aut infestis. D. Nam omnes affectus sunt modificationes variae naturalis erga nos, & bonum nostrum amoris, & naturalis aversionis mali. Quum vero aversationes ipsæ amorem nostri, & boni consequantur (ex prop. 68.); sequitur affectus omnes esse modificationes varias amoris nostri, & summi boni excitatas ab objectis peculiaribus bonis, vel malis. Jam vero hujusmodi modificationes cum deinde nascuntur ex objectis externis, si ea natura nostra aut sequatur vehementius, aut aversetur, quod fit reactione naturæ nostra in objectorum representatorum actionem. Ergo omnes affectus sunt reactiones amoris nostri, & summi boni, adversus objectorum bonorum, vel malorum actionem.

Prop. LX. Affectus auctâ, satque emendatâ, ratione intra suos terminos pluriūm contineri possunt. D. Nam affectus in vitium abeunt, aut quum excitantur, quando iis natura nostra non eget; aut cum justam intensitatem excedunt: utrumque autem defectus rationis sit. I. Scilicet cum circa existentiam objectorum decipimus: II. Cum decipimus circa objectorum bonitatem,

tem, vel malitiam. Quum autem auclâ, & emendatâ ratione hujusmodi errores magnâ ex parte vitari possint; sequitur auclâ, & emendatâ ratione affectus plurimum intra suos canicellos contineri posse.

Corol. Ex quo consequitur, ut brevis, & turbata sit in iis ratio, in quibus affectuum excessus dominantur. Atque hoc fortassis est, quod Stoici dicebant, non cadere in sapientem affectus, quod scilicet affectum excessus pugnent cum sapientia.

Prop. LXI. Quocumque naturæ nostræ conservandæ, aut perficiendæ aptum est, bonum dicitur, estque; malum vero, quocumque destruere potest, aut deteriorē reddere.

Prop. LXII. Bona, & mala voluptate, & dolore vulgo metiri solemus. Scilicet ea dicere solemus bona, quæ in nobis voluptatem ingenierant; ea vero mala, quæ creant dolorem.

Prop. LXIII. In bonis, aut malis estimandis si solam voluptatem, aut dolorē sectemur, plurimum errare possumus. Dicitur. Nam sunt quædam voluptates, quæ nostræ conservationi, & perfectioni aduersantur ob mala, quæ secundum apiuunt.

quidam vero dolores, qui nos conservare, & ipsoficere possunt ob bona, quæ affescunt; ergo sunt quædam voluptates mala, quidam dolores boni, non quidem suapte naturâ, sed ob adnexas consequentias. Quare si ex voluptate tantum, & dolore bona, & mala estimemus, plurimum errore possumus. Itaque hac in te est in consilium ad-

hibenda ratio, ne ut pecora, præsentè tantum sensatione, non etiam ratione, & providentiâ vitam transfigamus.

Prop. LXIV. Bonitas, aut malitia externalium rerum, & hinc amor, aut odium, antipathia, aut sympathia, plurimum a constitutione naturæ nostræ pendent. D. Nam pro constitutione naturæ nostræ, non pro vi tantum suâ, res externæ nos voluptate, aut dolore commovent. Itaque fit, ut plerisque tota bonitas, vel malitia alicius rei externæ in naturæ nostræ constitutione rationem habeat. Nam ex constitutione est temperamentum: hinc phantasia: atque hinc tandem ratio sœpissime modificatur. Hinc intelligimus, cur quædam amemus, aut odio habeamus, sine ullâ externâ causa nobis notâ. Inde etiam petenda est ratio, cur amemus quæcumque sunt similia rei a nobis plurimum amatæ; odio vero habeamus, quæ similitudinem quæcumque habent cum eo objecto, quod nos tristitia afficit. Hinc tandem fit, ut amemus eos, qui similibus affectibus, & studiis, atque nos, tenentur, & delectantur; odio vero habeamus eos, qui delectantur contrariis. Ex ea causa nascuntur partium studia, quum in Republica civilis, tum litteraria.

Prop. LXV. Miseria ejus quæ in hac vita premimur, necessariæ insane in natura nostra causæ, exque quatuor. I. Intellectus brevitas, & imbecillitas: II. Appetitus naturalis potentia major: III. Affectus impotentes: IV. Natura mutabilis, nec sibi ad beatitudinem sufficiens. D.

Primum enim intellectus brevitas, & imbecillitas efficit, ut non semper vera bona ab apparentibus discernamus, unde provenit, ut saepe mala pro bonis complectamur. Deinde plura bona cognoscimus, & appetimus, quæ consequi viribus nostris nequimus: plura intelligimus mala, quæ vitare non possumus. Tum affectus freni impatientes mille nos malis perpetuò excruciant. Tandem natura nostra, & mutabilis est, & dolori subiecta, & sibi ad beatitudinem non sufficiens. Cum quatuor istræ causæ a natura extirpari queant; naturâ ipsâ fit, ut ne, dum vivimus, plene beati esse queamus.

Corol Hinc vero admonemur primo, ut quoniam sola natura nostra plene beati esse nequimus, perquiramus, sit necne, illa extra nos causa, quæ plene nos beatos efficere queat. Deinde admonemur, hujusmodi causam tres habere debet conditiones: nempe esse debet intelligentissima, ut intellectum nostrum plene perficiat: potentissima, ut perficiat nostras vires, & naturam: & infinita perfecta, ut appetitum nostro satisficiat.

Sch. I. Nolo ego hic quisquam suspicetur, me præsentis vitæ mala ita exaggerare, ut multo illa bonis plura, & majora habeam, hominumque aut perditorum, aut tristium, & querulorum in naturam humanam indignationem exacuam. Nam contra nihil ego exploratus habeo, quam bona, & voluptates, quibus, dum vivimus, fruimur, generatim, & plura esse, & majora, etiam dum minus ex recta ratione vivimus, quod plerique omnes

omnes faciunt; ut si viveremus omnes secundum naturam, & rationi rectæ congruerent, sola naturæ mala, quæ dicuntur, in tanto, ac talid bonorum cumulo aut evanescerent, aut essent, quod in opiparis mensis herbosa moreta, aut certe minus illa persentirentur, tantumque, quantum nos ad virtutem revocandos satis essent. Itaque illud mihi in ea propositione propositum est demonstrare, perfectam beatitudinem nemini in hac vita contingere posse, id quod ergo *relative* miseriam voco; non hoc etiam, nos ad miseram vitam a natura generari, quamquam ad laboriosam generemur. Nam idem non est laborare, ut sis tranquilius, atque esse miserum. Sed retraetemus hac paullo pluribus, quo morosorum hominum, & turbulentorum stultas voces comprimamus.

II. Primum ego argumentum, vitæ humanæ bona longe esse plura, & majora, quam mala, hinc duco, quod nemo est, quantumvis senex, aut malis obtutus, qui non vivere etiam aliquantulum velit, qui que vitam inopem, miseramque non morti præferat. Hic in omnibus naturæ sensus constantissimus, magnum est, ut dixi, argumentum, nos vehementer falli in bonis, & malis dijudicandis, eaque judicia non ex natura nasci, sed ex libidine, esseque hominis aut aegritudine, vel dolore agitati, aut ex abstracta ratione declamantis, quam *naturali*, & se, suaque natura contenti. At vero hujusmodi seditiones, & injurias in Dei bonitatem voces ab iis audias, qui aut dolore premuntur, aut animi intemperie agi-

tantur, aut cum adversa fortuna colluctantur, & tum, quum mala sentiunt. Qui si ad naturæ æquabilitatem redeant, serioque, & accurate integrum humanam vitam reputent, haud dubito, quin illi æquius de se existimant.

III. Alterum argumentum desumo ex eo, quod bona vitæ sint perennia, mala per vices recurrent. Conscientia existentiæ, libertatis naturalis, mentis, sensuum, perennis est, quoad vivimus, ea que cum æquabili voluptate conjuncta. Est hoc bonorum omnium vitæ humanæ maximum, quod quoniam perenne, & perperum minus animadvertisimus, nec in sensum bonorum referimus, qua in re stulti, & in nos ipsos ingratissimus. Evidem quum solitus omni curâ cogito me esse, me mentis, & libertatis esse compotem, me oculis, auribus, manibus esse instruicium, esseque in immenso hoc naturæ templo, velut in pulcherrimo theatro, positum, nullam ego voluptatem huic anteponi posse sentio. Itaque ut hoc bonorum omnium maximum censeo, ita mirari eos non desino, qui extra se perpetuo vagantur, ac veluti si sibi infesti nati sint, in se, animumque suum redire exhorrescunt. Qui, si ita pergunt, vere quidem ii malorum cumulum prædicant, non recte tamen, neque jure de natura conueruntur.

IV. Sed est, inquit aliquis, perennis hæc voluptas minus intensa, quam vel mediocris dolor, vel animi ægritudo, ut nullo modo compensare posse videatur luctus, ærumnas, calamitates, affectuum crudelissimam, & impotentem domi-

minationem, orbitates, corporis contusiones, fracturas, lanienas, pressuras, dolores articulares, morbos capitis, pectoris, laterum, febrium inflammationes, famem, fitim, aestus, rigores, & trecenta alia, quibus, licet per vices, frequentissime tamen omnes affliguntur. Ego contra longe superare censeo. Primum capiamus vitam humanam annorum 60 sunt in ea dies 21900 circuerit. Si serio homines unius Civitatis, qui ad annum 60 devenerunt, ad quæstionem adigas omnes, vix reperies in miserrimis, id est paucissimis, dimidiam cujusque anni partem ægritudine, & dolore conflictatos, in aliis quartam, sextam in aliis: est ubi reperies octavam, decimam, duodecimam, in paucissimis nullam. Eximamus extrema, ac accipiamus partem sextam. Erit bonum illud æquabile cujusque anni ad mala omnia ut 6. ad 1. in tota vita ut 21900. ad 3670. Accedant nunc ad bonum illud æquabile voluptates gestientes, gustus, tactus, aurium, oculorum, narrum, tuum somni, inambulationes, gesticulationes: jam plurimæ animi, præsertim in iis, qui philosophantur, veritatum pulcherrimarum contemplationes, confabulationes, & conversationes amicorum, amicitiae, & caritatis ipsius vis, & sexcentæ aliæ. Hæc ergo omnia, quæ quotidie incidunt, quartam saltem cujusque diei partem efficere opinor, id est fere quartam cujusque anni partem, ut quasi adæquent & numero, & intensitate mala illa, de quibus conquerimur. Itaque etiam ubi hæc omnia mala sint a sola natura, ea non

non compensantur modo bonis , sed longissime superantur.

V. Jam demamus de isto malorum calculo sic negligenter factō omnia mala , quæ ipsi nobis conscientiam; neque enim æquum est , ut illa in naturam referamus. Me nunc tota hæc ratio misericordie exhilarat , & beat: nam certum est naturæ mala , quæ invitus patior , pene ab oculis evanescere , ubi ego illa demere velim , quæ sunt homini ab homine: itaque pene beatus esse possum , si ad rationem rectam vivere volo. Principio plurima esse reperio , quæ aut meæ ignorantia , aut defectui attentionis , aut vitiis , & pravis habitibus originem suam debent , quæ vitare possum , si , qua pars est , diligentia mentem excolam. Quot sunt , quæ negligentia , aut pigritia , aut ignoratio , aut cupiditas , aut avaritia , aut superbia , aut levitas , aut ingluvies , aut veneris abusus , aut ceterorum sensuum incontinentia & gignit , & alit ? Quot affectuum excessus , quo libenter fovere sollemus , amoris , iræ , odii , inimicitiae , metus ? Nullum est vitium , quod non malum aliquod secum deferat. Animi ægritudines , quæ malorum omnium sunt maximæ , maxima ex parte a vitiis progignuntur. Plerumque ex ignorantia proficiuntur , ut panici timores , gaudia falsa , inanes amores , leves iræ , odia , spes. Non raro stolida meditatione intenduntur ex ægritudines , quæ , si naturam sequeremur , longe essent minores. Naturale est homini interitu filii acerbo dolere , quia naturalis in liberos amor ; nec id malum , quia hu-

humanæ vitæ fini consentaneum, ad societatem ineundam, & continendam necessarium. Sed necesse non est naturæ malum meditatione augere velle. Perpetuo in memoriam revocare, vivide de pingere, omniaque agere, quæ dolorem vehementissimum excitare possint, id nec natura exigit, & pravæ rationis malum est. Ac peccamus saepè familiariter in ceteris animi morbis: videntes, & prudentes illos intendimus, dum fovemus. Ita ex levissimis causis excandescit ira, servet cupido, alicet, vegetatque ambitio, nutritur, aut excitatur timor, quibus misere torquemur. Hæc qui in naturam refert, naturæ is impudentissime calumniatur: quippe quæ evadere potest, si ex recta ratione vivere instituat.

VI. Deinde infinita aliqua sunt in humana vita mala, eaque gravissima, quæ non natura, sed sunt homini ab homine, quæ & ipsa ex malorum illo cumulo demere offeret. In primis sunt quædam corporis mala, quæ cum semine maiores nostri in nos transmittunt, qui quum prima futurorum hominum ovula, ac machinas foedassent, monstruos generant, imbecilles, mancos, præfertim, postquam lues venerea totum ferme hominum genus infecit. Sunt alia mala, quorum & iidem maiores nostri causas posuere veluti inimicitiaz, bella, lites, mali mores, depravatae consuetudines, perniciales artes. Tum alia, quæ alter alteri machinatur, quorumque est numerus pene infinitus, quibus alii aliis vitam, bona, famam, animalium inticimus, quorumque in Elementis ex Arno bio historiam discere possumus.

VII. Hec quum sint, ubi mala, quæ nos nobis conscientia a malis naturæ discernere velimus, intelligitur aperte, esse hæc bonis, quæ a natura ipsa parata habemus, & prompta, quibusque quotidie fruimur, longe minora. Ut propterea si velimus ad naturæ simplicitatem, unde discessimus, redire. beati vivere possimus. Naturæ enim pauca sufficient, libidini nulla. Itaque si, ut dixi, congruenter naturæ vitam agere velimus, eaque omnia, veluti onera quædam, rejicere, quæ sunt superflua, quæque affectuum, & phantasiac libido adduxit, nihil humana vita jucundius experiri possimus. Sed venimus in immensum superfluarum rerum apparatus tam alte, ut enatare sine humanæ vitæ, & societatis eversione posse non putamus, in eoque ex iis causis erramus turpissime, quas ipsi nobis fecimus.

VIII. Tertium tandem argumentum, quo ego conficio, nos non ad miseriam, sed ad beatitudinem generari. miseriamque ipsos nobis consciente, est illud, quod longe absunt naturæ mala a malis voluntatis. Nam illa ad nostram beatitudinem, & tranquilitatem fere pertinent; his nihil aliud efficitur, nisi aut privata, aut communis miseria: ut nulla alia re clarius intelligere possimus, esse illa effectus amotis erga nos Dei; hæc ignorantiae, & iræ nostri ipsorum adversus nos ipsos. Nam illa virtutem fere semper aut in animis nostris ingenerant, aut alunt, aut custodiunt, nosque ad vitæ commoda, & procuranda fortiores, & ad utendum sapientiores efficiunt: hæc

hæc vero virtutem omnem aut enervant, aut extirpant, quumque a vitiis progignuntur, tum via alia ingentia progenerant. Quum autem, quidquid ad virtutem referatur, bonum sit; quæ vicia attinent, mala; sequitur esse illa semper bona, hæc perpetuo mala. Sed ea de re differimus copiosius in tertia parte Elementorum.

## C A P U T VII.

*De hominis Beatitudine, tum de Virtute.*

Prop. LXVI. **N**atura ipsa admonemur in omnibus nostris actionibus beatitudinem spectare, nec præsentis tantum vitæ, sed sempiternæ quoque. Primum lege ipsa naturæ mechanica in ipsum bonum rapimur (ex prop. 48.) id est in id, quo natura nostra conservatur, & perficitur, ut cum voluptate simus; ergo natura ipsa rapimur ad beatitudinem. Deinde quoniam mentis vita ultra præsentem hominum ætatem pertingit, seu æterno est (ex prop. 14. & 15.) possumus in altera vita miseri esse, vel beati. Quum vero miseriam horreamus naturaliter; natura ipsa admonemur, non præsentis tantum vitæ beatitudini studere, sed æternæ potissimum. Hæc igitur naturæ vox est attente audienda, & sæpe in animum revocanda; quod ii non efficiunt, qui tam stulte vivunt, ut nihil sua interesse videatur, quo in loco sint, quidque sibi sperandum sit, aut timendum, quorum magna est generis humani pars.

Prop.

Prop. LXVII. Sempiternum bonum , etiam minimum , præstantius est bono finitæ durationis , etiam maximo . Est propositio per se ipsa manifesta .

Prop. LXVIII. Sempiternum bonum intensitate maximum , etiam probabile , præstantius est bono finitæ durationis , etiam maximo , & certo . Nam nulla esse potest proportio inter finitam durationem , & infinitam , quum sit aliqua inter probabile , & certum : nam ex Arte conjectandi probabilitas est una , ac definita , & , ut aiunt , aliquota certitudinis pars .

Prop. LXIX. Ex duabus superioribus propositiōnibus sequitur , stultos esse homines , qui qualia cumque presentis vitæ bona in comparatione eorum , quæ in altera vita æterna sperantur , non contemnunt . Nam æterna illa bona , quæ sperantur , maxima sunt , & intensitate , & duratione ; ergo etiam si ponantur esse probabilia , tamen in comparatione præsentium finitæ durationis , & intensitatis præferenda sunt ( ex prop. 77. & 78. ) Quod quum recta ratio aperte docet ; sequitur cum recta ratione eorum vitam pugnare , qui contra , quam hæc propositio , docet , vivunt . Jam stulti sunt , quorum vita cum recta ratione pugnat ; stulti ergo sunt ii , &c.

Prop. LXX. Qui contra , quam superior propositio docet , vivunt , quo hic felices sint , in maximo sunt errore , & causas ponunt omnium gravissimas præsentis misericordiarum , nisi plane sint stupidi . Nam qui ita vivunt , ut quasi intra ambitum præ-

præsentis vitæ spes nostra finiatur, nisi sint plene stupidæ, nequeunt non esse ob notiones futuræ vitæ anxiæ, & solliciti, & inquieti, eoque vehementius agitari, quo ad hujus vitæ finem properant: hoc autem est miseriærum præsentis vitæ maxima, nam & ipsa per se animum dilaniat, & omnes voluptates præsentis vitæ inficit. Quia ex re fit, ut toto conatu naturalem hanc felicitatem prosequentes, & æternam amittant, & hic sunt infelicissimi.

Prop. LXXI. Non potest præsentis vitæ plena felicitas in alio esse posita, quam in hoc, ut corpus sine ullo dolore sit, animus sine ulla perturbatione, adeoque in statu æquabilis voluptatis. Est per se manifestum.

Prop. LXXII. Hic status consistere nequit cum præsente hominum natura, nam præsens hominum natura insitas habet, & necessarias doloris, & ægritudiniæ causas, brevitatem, & imbecillitatem rationis, inconstantiam, & mutabilitatem naturæ, affectus-freni, impatiences, naturam denique minime sibi sufficientissimam.

Corol. Maxima ergo, quæ, dum vivimus, obrutus nobis potest beatitudo est minima miseria, id est, si ita vivamus, ut summa dolorum totius vitæ minor sit summâ voluptatum: ac propterea quod summâ dolorum minor est summâ voluptatum eò major erit præsentis vitæ felicitas.

Prop. LXXIII. Emendatio intellectus, capacitas mentis, & rationis perfectio, necessaria sunt ad qualenkumque præsentis vitæ beatitudinem.

Nam

Nam hæc efficiunt, ut minus in bonis scilicet, & utendis erremus, adeoque ut summa dolorum minor sit. Enimvero maxima ægritudinum, & dolorum præsentis vitæ pars provenit ex ignorantia, imprudentia, & erroribus intellectus, quæ maximæ ex parte evitare possumus, si rationem excollerimus, & perfecerimus. Scilicet omne peccatum esse ignorantiam non sine gravitate Theologi gravissimi docent.

Prop. LXXIV. Philosophia, id est studium sapientie, ad beatitudinem præsentis vitæ plurimum conferre potest: sed ea regenda est epoche in iis, ubi evidentia deficit, & jungenda cum ataraxia; id est quiete, & indolentiâ animi, seu pervestir gatas res reperiantur, seu non. Primum: Philosophia intellectum emendare, seu rationem perficerere, & augere plurimum potest: est autem hoc ad beatitudinem necessarium (ex prop. 83.); ergo & Philosophia. Deinde nisi in iis, in quibus evidentia deficit, judicium cohibetur, id est adhuc beatur epoche, temerarios non efficere potest; atque ut in plures errores nos agere præcipites, ita in pluribus nos implicare. Tandem nisi jngatur cum ataraxia cum infinita sint, quæ investigari quidem possunt, sciri vero nequeunt; aut anxietas nos infelicitabit, aut studium patiat, atque odia, & bella nos tota vitâ agitant.

Sch. Philosophiam autem cum dico, nec sophistram intelligo, neq; chimericam, quæ sanguini abest, ut felicitatem nostram facere possit, ne po-

potius miris modis infelicitet; quia rationem non perficit, sed corruptit, & ut vetus historia docet, adversus nos ipsos armat. Itaque eam hic accipi volo, quam in Logica per partes explicuimus.

Prop. LXXV. Ad praesentis vitae beatitudinem consequendam, & conservandam necessaria est prudentia cum suis asseclis. Scilicet prudentia est scientia bonorum, malorumque, & mediorum, vel faciendorum, vel non faciendorum, & neutrorum. Ei subjectae sunt vis consultandi, recta computatio, mentis advertentia, callida providentia, ordinandi facultas, decori observantia, verecundia, &c. Hæc omnia autem nisi adhibere scias, nec animo pacato, nec corpore sine dolore vivere potes, quod est ad praesentis vitae qualitercumque beatitudinem necessarium; prudentia ergo cum suis asseclis necessaria est, &c.

Prop. LXXVI. Ad praesentis vite beatitudinem necessaria est fortitudo cum suis asseclis. Est fortitudo illa animi dispositio, qua mala fortiter tolerantur. Cum autem, dum vivimus, necessario mala percipiamus (ex prop. 75.) nisi ita animum assuefaciamus, ut naturæ mala fortiter toleremus, illa graviora nobis erunt, magisque nos infelicitabunt.

Scholion. Animadvertisendum autem est hoc in loco, mala, quæ, dum vivimus, patimur, ad quatuor classes conferri posse. Prima continet mala naturæ, seu illa, quibus subiecti sumus, quia animantes, ut morbi, calor, frigus, fames, ac de-

dénique mors. Altera complectitur ea mala, quæ in nobis locum non habent, nisi propter imprudentiam, ignorantiam, & errores nostros, quæque, si sapientes simus, vitare possumus. Tertia classis comprehendit mala, quæ nobis inferuntur ab aliorum hominum pravitate, & malitia. Quarta tandem continet contradictiones, quas in hominum societate ob ingeniorum humanorum diversitates omnes patimur. Prima mala evitari omnino nequeunt, sed prudentiâ, & sapientiâ minora, & pauciora effici; quæ autem supersunt inevitabilia, fortiter toleranda sunt. Stultum enim est adversùs necessaria eventa pugnare velle, atque pugnando efficere graviora. Mala secundæ classis vitari possunt sapientiâ, & prudentiâ: si non evitabimus, velut iustæ punitiones ignorantiae, & errorum nostrorum habenda sunt, ac proinde pacato animo serenda. Mala tertiæ classis & ipsa maximâ ex parte vitari possunt prudentiâ, & sapientiâ vitae. Quod si aliquando nobis immerentibus contingent, toleranda sunt, velut exercitationes virtutis nostræ. In malis tandem quartæ classis in primis necessaria est patientia. Ad ea amolienda necessarium est, ut ingenium contrahamus flexible, quo possimus omnibus nos aptare; nam in societate civili ingenia elastica, & dura facilime franguntur. Id autem in primis est in animum inducendum, injustum esse vele, ut ceteri omnes ex ingenio nostro cogitent, & vivant; quod quidam dum stulte contendunt, risus, contentionibus, bellis, ac malis omnibus

naturam humanam opprimunt. Temperamenta, & hinc ingenia hominum, tam sunt diversa, quam vultus; ut non minus stultum sit velle omnia ad unisonum adducere, quam studere, ut omnes uno nascantur vultu. Itaque, quae in iis a communi hominum ratione sunt abnormalia, studere debemus, ut ad rationem retrahamus: in ceteris quemquam suo sensu vivere sinamus. Quam enim non modo iniquum, sed ridiculum quoque est, quod saepe fieri video, subirasci, quod non omnibus iiciendi, ac potus, vestes, studia, cetera placeant, quae nobis sunt in deliciis? Qui non irascamur quoque, quod non omnes oculos habeant nigros, prolixosque capillos?

Prop. LXXXVII. Ad praesentis vitae beatitudinem necessaria est temperantia. Nam ad praesentis vitae beatitudinem necessaria est mentis serenitas, & corporis indolentia. Quum autem temperantia immodicos appetitus moderetur, qui mentis serenitatem turbant, corpus infinitis morbis subjiciunt, totumque hominem continuis vitae periculis exponunt; sequitur temperantiam necessariam esse ad praesentis vitae beatitudinem. Temperantiam autem hoc in loco appello non eam tantum virtutem, quae moderatur immodicos appetitus cibi, potionis, venetis, sed omnes affectuum impetus, & excessus, omnem omnino intemperantiam, modum, ut Latini loquuntur, & modestiam. Scilicet ut Delphicum illud ne quid nimis in tota vita, omnibusque virte studiis servetur. Ita enim haberi potest virte aequalitas,

quae

quæ aut præsentem beatitudinem efficit , aut est.

Prop. LXXXVIII. Ad præsentis vitæ beatitudinem necessaria est justitia cum suis affeclis. Nempe vita hominis ita suapte naturâ est socialis, ut esse nequeat sine societate. Quum ergo nemo extra societatem esse possit , ne beatus quidem extra societatem esse potest. Sed nisi in societate quisque sciat , & paratus sit neminem lædere , & suum cuique tribuere , in mutuum bellum armarunt omnes , atque idcirco in mutuam perniciem ; ergo ad præsentis vitæ beatitudinem necessarium est , ut homo sciat , & paratus sit neminem lædere , suumque cuique jus tribuere. Ea vero est justitia ; ad præsentis ergo vitæ beatitudinem necessaria est justitia.

Prop. LXXXIX. Ad præsentis vitæ beatitudinem necessaria est mutua hominum benevolentia. Est enim præsentis vitæ beatitudo in eo posita , ut summa voluptatum major sit summâ dolorum ; ergo ad præsentis vitæ beatitudinem necessaria sunt ea omnia , quæ summam voluptatum majorem efficere possunt , minorem vero summam dolorum. Inter hæc autem nihil præstabilius mutua inter se hominum benevolentia : nam ea efficit , ut maxima mala , quæ sunt homini ab homine , cesserent , aut ad minimam portionem adducantur ; & contra magna bona , quæ alii aliis præstare possunt , locum habeant ; ergo efficit & summam vitæ voluptatum majorem , & minorem summam dolorum : quare fit , ut ad præsentis vitæ beatiu-

dinem nihil magis conducat, quam mutua hominum inter se benevolentia.

Corol. Quæ his omnibus, quæ superius demonstrata sunt ad beatitudinem necessaria, adversantur, nos ad beatitudinem impeditiores efficiunt, misericordiamque nostram augent. Demonstratione non egit, quando superiores propositiones sunt verae.

Prop. XC. Perfectio rationis, Epoche, Prudentia, Temperantia, Fortitudo, Justitia, Amor speciei humanæ, cum suis accessoriis, sunt virtutes morales: his contraria sunt vitia. D. Virtus moralis est quæ perficit facultates rationales ad beatitudinem; vitium vero, quod impeditiores ad illam efficit (ex definit. 23.) : hujusmodi autem sunt ea omnia, quæ recensuimus: primæ ergo sunt virtutes, posteriora vitia.

Corol. I. Non nisi ergo virtute esse homines beatit possunt: vitio non possunt esse, nisi miseri.

Corol. II. Virtus homini necessaria esset, etiam si nulla esset altera vita: quia non nisi eâ tantum in hac beati esse possumus.

Prop. XCI. Virtus, quæ ad beatitudinem necessaria est, non est actus, sed habitus. Nam virtus necessaria ad beatitudinem debet perficere facultates hominis rationales ad beatitudinem, id quod fit, & obstacula removendo, id est, mala, quæ homini aut a natura, aut ab ingenio, aut a consuetudine malâ accidere possunt: & expeditiores hujusmodi facultates efficiendo ad bona sectanda, & constanter: ea autem singulares actus præstare nequeunt: quare sunt necessarii habitus

ipſi virtuofi. Scilicet occallere pectus honesto debet ei , qui beatus eſte velit , ut ſcilicet a proposito tenaci nec terribilia dimoveant , nec revoent blanditiæ.

Schol. Sed capacesne ſunt homines virtutis ? Id magnopere in Græcis Scholis controverſum fuit. Ac eſte capaces id demonstrat aperitiffime , quod nullo ævo defuerunt homines iuſti , prudentes , temperantes , ſui generis amantes , &c. nec vero fuiffent , niſi capaces virtutis eſsemus.

Porrò & id quæſitum eſt , naturā nobis virtus contingat , an exercitatione ? Ego ſic existimo , utraque fieri , ut virtutibus informemur. Nam na- tura ſubiectum prästat virtutis capax ; exercitatio habitum inducit. Quamquām autem omnes virtutis capaces ſumus : ſunt tamen alii präe aliis ca- paciores , idque ob temperamentum magis , aut minus flexible ; nec in his tantum habitibus , ſed in omnibus contingit.

Præterea quæritur , hæc virtus mutetne naturam ac intimitus perficiat , an modificer tantum , & moderetur , atque aut frænet , aut extimulet ? Virtutem autem dico non divinitus infuſam , ſed exercitatione noſtrā acquifitam ?

Equidem quum cogito Naturam rerum eandem eſte ſemper , & constantiſſimam in omnibus ius rebus , quarum ſunt perpetuae ſeries , veluti plan- tis , animantibus , brutis , ceteris , eti non raro externa forma , & figura commutetur ; fieri non poſſe decerno , ut in hominibus tantum variet , quantum vulgo exiſtimatur inter cultos

homines, & agrestes: nam naturalia modificari quidem possunt, mutari autem nequeunt. Quare quemadmodum ex iis equis, canibus, elephantiis, quercubus, oleis, & id genus aliis, quæ nunc sunt, de iis judico, quæ fuere ante, qui-que aut sex mille annos, aut quæ olim post mil-le erunt; eâdem ego ratione de ceteris homini-bus ex præsentibus differendum puto. Natura in hominibus physica eadem hodie est, quæ olim fuit, aut erit, & quidem eadem, & tota: in-clinationes ergo naturales, atque vires eædem: idem ingenium. Quum autem a physicâ illâ na-turâ plurimum moralis pendeat, & determina-tur, modificari quidem his nostris virtutibus po-test, commutari certe non videtur posse. Ac ve-ro si vetustos, qui celebrantur, Heroes coram, atque intus vidissimus, non minus illos infaniae subjectos fuisse intelligeremus, quam reliquam hominum turbam, quam stultam, & insanam appellamus. Sed & qui apud nos Heroes viden-tur, ii sœpe non sunt, nisi iis, qui speciem tan-tum illorum contemplantur, interiorem naturam ignorant. Plerasque earum, quæ apud nos, in quibusdam virtutes sociales sunt, ubi ad examen revocaveris, reperies procul dubio nasci aut a na-turæ quadam stupiditate, aut a magnis vitiis, ambitione, avaritia, timore. Eam ambitioſo us-quequò dignitatem, quam petit, supremam adi-piscatur, nemo humanior, nemo liberalior, ne-mo plura Herois indicia præ se fert: idem in-humanus, truculentus, sui parcus, cæterorum con-tem-

temptor, postquam adeptus est. Avarus studiose criminis in societatem evitat, ne illa quid divitiis detrimenti afferant, atque bonus ab iis predicatur, qui in se ut non bonum, ita non malum experiuntur. Parvi quoque animi est avarus; itaque solitarius. Idem tamen si tuto, & suæ virtutis quoque specie alios deglutire possit, nihil veretur. Timidus, ut qui sibi ab omnibus metuit, metuat, necesse est, omnes. Hinc in omnes reverentia, quæ humanitas celebratur; nec est, nisi magni naturæ vitii argumentum. Quamobrem, nego humanam naturam aut tempore, aut studio intimitus ipsam per se, aut etiam educatione, meliorem fieri. Nam quanquam educatio civilis ferox hoc animal, ut vocat Plinus, emollire videatur, plurimumque possunt dubio habitus: si rectè tamen animadvertiscatur, nihil aliud, nisi actionem, ac formam externam, qua plurimum in societate capimur, non ipsam naturam perficit, quæ in homine ut fuit eadem semper, ita erit, licet inflectat nonnunquam, & frœnet, aut extimulet. Atque inde conficio, non humanitus plene posse naturam nostram perfici, sed divinitus.

Prop. XCII. Ad beatitudinem alterius vitæ necessaria est fides in Deum, & Dei gratia. D. prima pars. Alterius vitæ beatitudinem revelatione sua Deus nobis promisit apposita lege, *nihil coquinatum in Regnum Dei intrare*; ne autem simus coquiniati, conformare morcs debemus *ex legibus ipsius Dei*: ergo ad beatitudinem illam fe-

consequendam necessaria est Divinarum legum scientia, & observantia. Cum autem plerque Divinæ leges cupiditatibus nostris adversentur, ut illas observemus, præferre debemus Dei rationem, & voluntatem rationi, & appetitui nostro. Id vero nunquam obtinebimus, nisi mentem nostram obsequentissimam Dei voluntati præbeamus, ita ut ejus sapientia, bonitas, fidelitas & imperium nos concutiat, Deique timor in nobis dominetur: id vero est plene Deo credere; fides ergo Divina necessaria est ad alterius vitæ beatitudinem obtainendam, velut primum vitæ Christianæ fundamentum.

D. secunda pars. Experimento discimus præsentis vitæ bona vehementius nos allicere, quam æterna, scimusque plurima præsentis vitæ bona adversari contendentibus ad æternam. Ad eam vitæ perturbationem & depravationem curandam necessarium est, & ut mens illuminetur, ita ut vera bona a falsis discernere sciat, & ut roboretur voluntas, ut æterna bona præsentibus, quum adversantur illis, præferat. Quum autem id a natura nostra habere nequeamus, a Deo petendum est. Itaque Dei gratia, quæ mentem illuminet, & voluntatem corroboret, necessaria est ad æternam beatitudinem consequendam.

Corol. Sed eadem fides, & gratia pro præsentis quoque vitæ felicitate necessaria est. Nam quoniam in natura nostra insitæ sunt miseriæ causæ, ut dictum est, quibus remedia in rebus nostris nulla reperimus; a Deo petendum est, & separandum